



輿地碑記目





叢書集成
初編

主編者
王雲五

商務印書館發行



輿地碑記目



3 0649 1859 6

王象之撰

輿地碑記目

本館據粵雅堂叢
書本排印初編各
叢書僅有此本

083
1124
2:1580

宋王象之輿地紀勝分類編次起沿革迄四六凡目十有二碑記其第十也金石家就中抄綴錄成四卷未經刊播世鮮其書向年思適齋有之顧君蒙濶將授廣陵車氏刊行事竟未果而書亦莫歸客秋在金陵書市適獲是冊余弟靜軒方探討碑帖鼎彝之學慙愿售之未有覃溪數語間有改校處蓋自翁本傳抄來者予病其舛謬猶多因取紀勝原書校字千餘補脫十餘行中數州未下硃筆者原書缺卷也紀勝書二百卷現今行者悉缺卷卅有二完書不可得見已猶憶遵王讀書敏求記中有之稱其宋刻精品則也是園當日曾棄宋槧全璧想其物尙在囊中他日或一遇之否靜軒近又得周文王廟一碑篆額祇稱大周某年而無年號郡人素精金石者莫尋其端今是目簡州下已詳說之矣然則是目也講金石曷可少哉靜軒其刻以流通之道光壬辰春三月妙道人記草

元吳師道敬鄉錄。皆載金華人著述。其第十二卷云。王象之。字□□。慶元丙辰進士。博學多識。著輿地紀勝。其序曰。世之言地理者尙矣。郡縣有志。九域有志。寰宇有記。輿地有記。或圖兩界之山河。或紀歷代之疆域。其書不爲不多。然不過辨古今。析同異。攷山川之形勢。稽南北之離合。資游談而誇辨博。則有之矣。至若收拾山川之精華。以借助於筆端。取之無禁。用之不竭。使騷人才士於一寓目之頃。而山川俱若效奇於左右。則未見其書。此紀勝之編。所以不得不作也。余少侍先君宦游四方。江淮荆閩。靡國不到。獨恨未能執簡操牘。以紀其勝。及仲兄行甫。西至錦城。而叔兄中甫。北趨武興。南渡渝瀘。歸來道梁益事。皆衰衰可聽。然求西州圖記於篋中。藏未能一二。雖口以傳授。而猶恐異時無所據依也。余因暇日。搜括天下地里之書。及諸郡圖經。參訂會萃。每郡自爲一編。以郡之因革。見之編首。而諸邑次之。郡之風俗。又次之。其他如山川之英華。人物之奇傑。吏治之循良。方言之異聞。故老之傳記。與夫詩章文翰之關於風土者。皆附見焉。東南十六路。則倣范蔚宗郡國志條例。以在所爲首。而西北諸郡。亦次第編集。第書品浩繁。非一家所有。隨假隨閱。故編次之序。未能盡歸律度。然而一郡名物。亦庶幾開卷而盡得之。則回視諸書。似未爲贅也。或者又曰。昔太史公方行天下。上會稽。探禹穴。歷覽山川奇傑之氣。以爲著書立言之助。先儒至欲倣子長之遊。而後始學其爲文。今子乃合天下之書。不出戶牖。而欲名山大川若躬履焉。於子長之遊。未免有戾乎。余因自笑曰。昔子長因遊而得作書之趣。余乃因書而得山川之趣。其迹雖不同。然亦未可盡以迹拘也。當從識者而問之。嘉定辛巳孟夏東陽王象之謹序。

此序輿地紀勝原書有之。乃從敬鄉錄所載抄者。亦緣未見原書之故邪。或卽是覃溪所補綴。覃溪未見紀勝也。有堂記。

象之字儀父。三月初九日又記。

此書朱鴻臚豫堂先生小史所抄頗多誤字經餘姚邵孝廉粗校一過不能盡正也聞永樂大典中有此種安得假而讎之乎乾隆庚寅二月十五日南昌舟次記

碑者金石之文也記者方志文集也此從地理書中摘出非象之專爲碑記而作也其摘出單行不知始於何人而象之全書徐玉峯朱竹垞猶及見云大雲山人再記

輿地碑記目卷一

臨安府碑記

宋



吳大帝黃武二年刻字在栗山。東晉孫文度鑄石銘在富陽縣之雞籠山。義熙八年立。隱士郭文碑在臨安縣。湖州刺史孫彭立。天竺靈隱二寺記。臨安志云。寺記陸鴻漸文。僧遵式立。復州圖經云。陸羽嘗過錢塘撰。————冷泉亭記。唐長慶二年。白居易文。西湖石函記。唐史。長慶四年。白居易文。胥山碑。銘元和十年。盧元輔文。王通書。佛說尊勝陀羅尼呪。牛僧孺八分書。唐龍興寺碑。即今之祥符寺也。景龍四年。盧季詢書。華嚴元覺法師碑。精廷晦書。任道真題。李涉碣。後舊在祥符寺。皋亭神祠碑。牛僧孺書。唐徑山禪師碑。九域志云。崔元翰。李吉甫詞。下石龍浮勝院磨崖心印銘。唐翰林學士梁肅文。唐和州刺史凌準墓誌。在新城縣。唐柳宗元文。餘杭縣令劉允恭德政碑。晏公類要云。劉令莅事詳明。臨下清簡。人懷其惠。吏畏其威。陳允昇德政碑。晏公類要云。在餘杭縣。唐上元二年立。中書舍人李紆文。前縣令李復碑。晏公類要云。在餘杭縣。唐大歷四年立。祕書郎蔣志文。赤松子銘。晏公類要云。在富陽縣。又云。赤松子駕鶴時。停此山。唐縣令丁君德政碑。晏公類要云。在於潛縣西市內。唐麟德二年立。石壁法華經記。在廣化寺。唐元稹文。真聖觀碑。在天慶觀。開平二年刻。梁簡文石像記。在靈隱寺。司空相國詩。在靈隱寺。唐嵩嶽

大師影堂記在靈隱寺。烏窠禪師塔銘在定業院。唐白舍烏窠禪師問答頌在定業院。唐宣宗悼安國寺
悟空禪師碑在鹽官縣。悟空禪師行業碑唐咸通二年。盧求文。淨明院功業碑在臨安縣。錢武肅王書。崇
覺院錢武肅王開山碑在臨安縣。錢王建興教寺記在本寺。吳越王立功碑在臨安縣。乾化三年立。吳越
王生祠碑在臨安縣。李淇撰。乾化三年立。錢塘龍王廟碑。錢塘湖有廣潤龍王廟碑云。錢鏐正明二年建。
觀音尊聖幢在九里松。寶大二年建。貢院前橋柱刻云。寶正六年。歲在辛卯造。此錢王三年號。曰天寶。曰
寶大。曰寶正。皆錢王年號也。又臨安府石屋崇化寺尊聖幢云。時天寶四年。歲次辛未。以年月攷之。非唐
之天寶。乃錢王之年號耳。蓋梁以丁卯篡唐武肅。是歲猶稱唐天祐。次年戊辰。乃自稱年號曰天寶元年。
則天寶四年辛未。乃梁之乾化元年也。事見徐邁隨筆。又通鑿。唐明宗天成二年。吳越王錢鏐。以中國喪
亂。朝會不通。乃改元寶正。其後復通中國。乃諱而弗稱。杜太師稜築城記在新城縣。寶大元年羅隱文。羅
給事墓誌在新城。開平四年沈崧文。吳越武肅王神道碑在臨安縣。楊凝式撰。長興二年立。龍興寺華嚴
經柱石記。寶歷三年九月二十五日。蘇州刺史白居易撰。寺僧南操立。胥山銘集古錄。唐盧元輔撰。王通
書。山有子胥廟。故以爲名。元和十年立。在杭州。元覽法師碑集古錄。唐徐安正撰。褚廷誨書。碑以開元二
十三年立。在杭州。

嘉興府碑記

秦始皇碑九州要記云。始皇登秦望山以望海。今始皇碑在嘉興縣。六里山石刻在海鹽。刻云。天册元年。

游蒙協洽之歲。孟冬陽月日。惟壬寅朔。石簣神遺。忽自開發。拾得青玉璽篆文。吳真皇帝共三十八字。秀道者塔碑。張伯玉百韻詩序云。今有塔銘存焉。東漢烈士沈光書迹。石刻張伯玉百韻詩注云。在聖果寺。周氏墓碑在海鹽。唐正元十四年。汝南縣君周氏墓誌銘。附于嘉興縣。東界海鹽縣齊景鄉。寶花尼寺碑。今碑刻猶存。僅可讀大歷丙申歲夏五月七日。崇福園寺記。在崇德縣西八十步。有唐無著禪師贊甯碑。記。陸府君碑在海鹽縣北五十五里。當湖市。近得一石刻。乃唐吳郡陸府君墓銘。齊景公廟碑在海鹽縣齊景鄉。唐正元十四年。汝南縣君周氏墓誌銘。附于嘉興縣。東界海鹽縣齊景鄉。華亭吳征北將軍碑。宣城內史碑。嘉禾王總管守城記。侯渙文。曹史君廟記。吳感文。高史君廟記。崔拱臣文。靈光寺僧靈祐塔銘。沈亞之文。法雲寺碑。在華亭縣南三十五里。大唐蘇州華亭縣願亭林市。新剎法雲禪院記。大中十四年。歲在庚辰。吳興沈斌述并書。又亭林法雲寺感夢伽藍神記。又開運元年造寺成。二僧夢云。梁朝侍郎至。忽見紫衣曰。此吾故宅也。明夜復夢云。但尋古碑文爲據。明旦求之。果見碑文云。寺南高基。願野王曾于此修輿地志。逢建屋立像。曰。願侍郎祠。慶歷六年記云。資聖院碑。在嘉興縣。唐宣宗書。字額尙存。萬年宮額。天祐元年。武肅王重書。額見存。天慶觀碑。掘得二小石刻。其一北極殿記。知州宋坦。雍熙三年記。并銘。解九皋擬徐鉉茅山許長史并銘爲之。石篆書三十六字。吳歸命侯天冊元年刻。在海鹽之六里鄉。開元宮梁朝繪七寶上帝像。乾道中。開齋堂。掘得二小石刻。其一北極殿記。知州宋坦記。嘉禾志并詩。鄒守張元成序。武原志。卽海鹽圖經。令蘇養直序。雲間志。華亭令楊偕編。

安吉州碑記

漢故梁相費府君碑在墨妙亭。集古錄：隸書，不著書撰人名氏，碑不載其鄉里及刻石年月。漢故堂邑令費君碑在墨妙亭，又一碑亦在，號三費碑。漢費鳳碑，集古錄云：漢石勳撰，隸書，不著名氏，文悉爲五字句，亦無所立年月。吳大帝廟碑，吳赤烏五年建廟。陳孝義寺碑，晏公類要云：徐陵撰，在卞山下，今在墨妙亭。唐太宗御製聖教序在墨妙亭。唐開元皇帝封文宣王詔在州學。勅天下放生池碑，舊在文宣王廟，今在魯公祠。集古錄云：唐顏真卿撰并書。肅宗乾元二年，詔天下自山南至浙西，臨江置放生池八十一所，真卿爲天下放生池銘，池上之碑。以大歷八年立。顏真卿集唐肅宗御書題碑額。集古錄云：顏真卿書，批答肅宗御書表。以上元元年，上碑以大歷九年立。集古錄云：乞御書批額碑陰記。顏真卿貶，碑不果立。至大歷中，爲湖州刺史，始追建于州之駱駝橋東。集批答御書字以爲額，又序其事於批答碑陰。以大歷九年刻。勅書褒戰功記在甲仗庫前。唐憲宗賜刺史辛泌及慰問將士詔書。封崇孔宣父故事在州學。元和四年記。德本寺碑在文宣王碑陰。胡季良撰。文宣王新廟碑在州學。唐大中閒，鄭言撰并書，蓋記刺史令狐綯作射堂記在墨妙亭。集古錄云：唐顏真卿撰并書，碑石訛缺不可考。以大歷十二年立。又云：右射堂記，顏真卿所書，刻于石者。項王廟碑陰。集古錄云：顏氏殘碑。唐顏真卿書，并項王碑陰記附，殘缺不全。而事迹可見碑陰。真卿重建項羽廟碑，以大歷七年刻。項王蔬食文在墨妙亭。干祿字書碑，二一在墨妙亭。一在魯公祠。集古錄：湖州顏魯公石記云：唐人筆跡，見于今者，惟公最多。其在湖州所書，爲世所傳者，惟干

祿字書放生池，尚多見于人家，而干祿字書乃楊漢公摹，其真本以訛缺，遂不復傳，獨余集錄有之。惟好古之士，能知前人用意之深，則其埋沈磨滅之餘，尤爲可惜也。湖州石記集古錄云：碑字殘缺，不見年月，及書人姓名，驗其字畫，蓋顏魯公書也。石柱碑舊在烏程縣西南三十里之杼山，今在墨妙亭，又斷碑二，亦在顏真卿書。晉吳興太守謝公碑在墨妙亭，唐裴清撰，僧道銑書。大歷七年建。太守歷官記在墨妙亭，自晉王逸少洎陳任忠，凡四十四人。湖州刺史題名記，唐廣德元年李紆撰，後記正元十六年顧况撰，又後題正元十七年刺史李詞，吳公武合州廳壁記云：刺史廳壁記始於唐，而顧况元結之文最爲著。按湖州所記五百餘人，而名德如謝安、石顏、清臣之徒，傑然表見於史籍者，凡數十公，故其地冠簪之盛，常數天下三分之一。白蘋洲五亭記在墨妙亭，唐白居易撰，馬摯書，開成四年建。又見金石錄。白蘋亭記在墨妙亭，唐李直方撰，史鑄書，元和元年作。白蘋洲記在州大廳壁中，中和五年，刺史孫儲撰，王溥書。湖州紀功記在甲仗庫，唐元和、中紀，刺史辛泌、平李錡也。吳大皇帝廟碑在廟中，唐安定立，胡季良撰。大和中，大甯寺建功德碑，在報恩寺，韓章撰，徐浩書。大歷六年建。袁高茶山述在墨妙亭，唐于頔撰，徐璠書。述，刺史袁高所作茶山詩，集古錄云：唐袁高撰，徐璠書。湖州之顯渚山，歲修茶貢，高爲刺史，而作是詩，其後于頔得之於壞垣，爲之序而刻之。正元七年立。又碑陰李吉甫撰。正元十年建。烏程令章公德政碑在烏程縣治。唐至德二年，沈務本撰，沈仲昌書。沈府君墓銘在墨妙亭。乾元元年，章卓撰并書。胡夫人墓銘在墨妙亭。天復三年，于景休撰并書。金氏墓銘在墨妙亭。李翊述并書。吳氏墓銘在墨妙亭。大和九年，胡季良書。

斷碑二在墨妙亭。一咸通五年，于僧翰書。一乾元元年，郎彤書。唐大光和尙神異碑在烏程法華寺。乾甯中，李紳書。唐大光和尙道蹟碑在烏程法華寺。唐丞相李紳墓碑在烏程裏山。乾甯三年立。唐吳興邱氏墓碑在烏程縣西，習水鄉淋谷。元和四年立。唐古山索靖廟碑在烏程本廟。唐重置興國寺碑在歸安縣。無爲寺。唐永興寺僧伽和尙碑在歸安縣鹿苑寺。元和九年立。唐永興寺冥道記在歸安縣鹿苑寺。咸通四年立。崔祐甫銘。崔植誥。長興縣崔趙村。在罨畫溪之右。崔卽唐相祐甫之後。家藏韓愈所作祐甫墓銘。又藏崔植崔述等誥數軸。陳周宏正報德寺碑在長興縣大雄寺。陳徐陵報德寺塔銘在長興縣大雄寺子院。唐沙門靈皎城山寺碑在長興縣慈氏院。元和中撰。唐沙門靈皎魚陂明禪師塔銘在長興縣空隱院。晉謝太傅塘碑。舊碑在謝公鄉。顏真卿取舊史遺文刊石而書其陰。今碑在墨妙亭。唐大慈寺鐘記在本寺。唐縣令韓章撰。吳興雜錄。唐志。張文槐作。吳興記。山謙之作。吳興錄。章昭作。吳興山墟名。張元之作。又云。晉吳興太守王韶之撰。三吳土地記。顧長生作。吳興志。陸羽作。吳興統記。景德中。湖州攝長史。左文質纂。吳興詩集。熙甯中。知州事孫覺哀次。自晉至唐。凡二百首。武康土地記。沈常撰。餘英志。慶元中。進士劉暉撰。吳興詩。金大亮序。吳興續圖經。紹興中編。吳興志。舊編。淳熙中。教授周世楠撰。

平江府碑記

朱氏墓碣在吳縣西穹窿山。碑已漫滅。其可讀者云。世居下邳。自平始二年。避地至此。包山神景觀林屋洞碑。唐開成三年建。報恩寺惠敏律師碑銘。台州刺史陳諫撰。蘇州刺史元錫書。天台大德元浩和尙靈

塔頌太原少尹崔恭撰。城隍廟唐碑吳郡志云。城隍廟其初春申君也。唐碑具在。孟郊張祜留題吳郡志云。崑山古上方有————云。畫龍記在長洲縣廳事。唐李紳記。周先生住山碑在洞庭山。唐令狐楚撰。楞伽寺石記在吳縣橫山下。山巔有塔。隋時所建。石記存焉。旁有巨井石欄。欄側有隋人記刻。龍興寺碑在吳縣西南。紹興間瓦礫中得房琯所作寺碑。與福壽寺記在常熟縣西北九里塘。寺記云。始於齊始興五年。按齊無始興年號。但有延興中興二號。皆止一年。流傳之誤如此。既是唐碑。姑存之。寶積寺塔銘在橫山下。山頂有塔。隋人所書。塔銘。碑石全好。字畫秀整。絕類虞褚。顏真卿虎邱詩刻。唐詩紀事二十四卷。吳門有清遠道士周恭子遊虎邱山。其辭自商周歷近代。抑二千年來矣。鬼神耶。隱士耶。莫能測也。辭藻健俊。魯公愛之。刻于巖際。江搃碑。唐詩紀事三十卷。苗發送司空曙之蘇州詩云。若到仁霞寺。應看——。寶花寺碑。集古錄一百四十五。唐鄭儒立撰。于頔書。陸齊望有女爲尼。齊望捨宅爲寺。子謂等以永正二年造。寺始成。立此碑。在蘇州嘉興縣。春申君廟記。集古錄三百二十八。唐趙居正撰。史惟則八分書。并篆額。碑以天寶十載。立於蘇州。重元寺法華院石壁經碑文。太和三年春。郡守白居易記。南禪院千佛堂轉輪經石記。開成二年二月一日。白樂天撰。皇甫湜。顧况詩集序。序云。吳中山泉氣狀英淑。怪麗太湖。異石洞庭。朱實華亭。清嘖與虎邱。天竺諸佛寺。鈎綿秀絕。君出其中間。翫清輕以爲性。結冷淡以爲質。聰鮮榮以爲詞。偏得于逸歌長句。駿發踔厲。往往若穿天心。出月脇。意外驚人語。非尋常所能及。最爲快也。李杜已死。非君誰與。况字遁翁。常熟唐古碣。韓昂。元和三年。松陵集陸龜蒙。圖經李宗壽修定。續志朱長

文編新志范成大編見言行錄松江詩集何接撰松江詩後集胡份序重廣松江集石處道序

常州碑記

陽羨山封禪碑雲麓漫抄云吳志天璽元年吳興陽羨山有空石長十餘丈曰石室郡表爲瑞道兼司徒董常兼太常周處封禪國山大赦改明年爲天紀卽前所云水洞是也山後有封禪碑土人曰困碑以其石圓八出如米廩云字畫奇古歲久多磨滅隋陳司徒告身集古錄隋大業十一年陳果仁告身果仁妻軫靜捨宅造寺無書人名氏捨宅疏稱明政二年者李子通年號也在武烈帝廟吳國山碑集古錄云不著撰人名蘇建篆歸命碑天冊元年得玉璽刊石告禪于國山之陰其所述瑞應凡千有二百餘事善權寺詩靈巖瀑布記集古錄云羊士諤游善權寺詩康仲熊游靈巖瀑布記鄭薰雪霽開講詩附善權寺詩元和十三年刻李飛書在常州無錫銘毘陵志無錫縣下曰樵者于山下得銘云有錫兵天下爭無錫甯天下清有錫珍天下弊無錫文天下濟唐賀蘭夫人墓誌集古錄云正元九年唐陸贄撰或云贄書也題曰祕書監陸公夫人墓誌銘而贄自稱姪曾孫唐東山亭記章夏卿撰詳見東山亭下張公洞唐人留題見張公洞下唐李相家山碣在慧山中唐相文肅公紳常肄業于此因名李相家山乾符末孫渭南尉直史館容立此記事見晏公類要韓熙載靈洞觀記見張公洞下登仙觀碑事見王八百下晉右將軍曹橫墓碑在晉陵縣東三十五里有徐錯碑云晉右將軍曹橫所葬因曰橫山

鎮江府碑記

季札廟碑九域志云吳——內有唐刺史某人刊夫子十字碑吳季子銘集古錄云篆書凡十字曰烏乎有吳延陵季子之墓張從申記以爲孔子書碑久湮埋元宗命殷仲容模榻大歷十四年蕭定重刻于石井正元二年鄭播謁孔子廟題名建中元年盧國遷建碑記及從申書附梁招隱利銘集古錄云梁晉安王蕭綱撰不著書人名氏——王所建也王後卽位爲簡文帝碑以普通三年立梁太祖文皇帝神道碑在丹徒縣之三城港文帝陵下鎮江志云歐公集古錄以爲宋文帝碑非是蓋宋文帝自葬蔣山見於沈約宋書明甚第見此八字與宋文帝謚號偶同遂指以爲宋帝而不知其爲梁武帝之父追尊之號亦同唐蔣防鹿跑泉銘晏公類要在丹徒縣西南七里招隱寺舊經云宋戴顓嘗居於此後以宅爲寺有張祐留題詩有鹿跑泉唐蔣防爲泉銘見存李德裕玉藥花詩類要云在丹徒縣東南七里招隱寺內有李德裕玉藥花詩刊石在焉紫府觀記在金壇縣馬跡山有唐上元令王仲康記集仙觀記在丹徒縣東南二十五里有廣明初士人張彥爲之記唐忠烈公新廟記在廟內顧雲文唐魏法師碑在仁靜觀胡楚資文洞虛觀記舊在延陵縣陶村陶隱居之故廬也有長慶中石記存焉唐戴叔倫神道碑在金壇縣南三里梁肅爲神道碑唐祐順王廟先天碑在府治後園卽漢荆王買廟也有唐先天二年石刻武烈帝廟碑廟在城南一里卽隋司徒陳果仁之廟也唐封爲——命徐鉉作碑唐潤州陀羅尼經幢歐陽公集古錄云右陀羅尼經幢今在潤州寶墨亭中唐雲陽野夫王奂之書字畫頗爲世俗所重瘞鶴銘歐陽公集古錄云華陽真逸撰刻於焦山之足常爲江水所沒好事者伺水落時模而傳之往往祇得其數

字云鶴壽不知其紀而已。惟余所得六十餘字，獨爲多也。按潤州圖經，以爲王羲之書，字亦奇特，然不類羲之筆法，而類顏魯公。不知何人書也。華陽真逸，是顧况道號，今不敢遂以爲况者，碑無年月，不知何時。疑前後有人，同斯號者也。麒麟碑，寰宇記云：梁簡文帝陵，有———尙存。岑植德政碑，集古錄云：唐張景毓撰，僧翹徵書，碑以景龍二年立。在潤州。太清宮鐘銘，集古錄云：唐馮宿撰，柳公權書，太和五年刻。在永興華中。九墓誌附碑，石漫滅。咸通八年立。下泊宮記，集古錄云：唐王師簡撰，道士任參元書，下泊故茅君宅也。在三茅山下。元和中，薛華修以爲宮，并立茅君像，以元和九年立記。韓晉公春秋通例刻石，陸龜蒙作。皇甫先生傳云：正元中，韓晉公嘗進春秋通例，刻之于石。注云：今在潤州文宣王廟。顏魯公問李太白大夫乞米帖，并范仲淹題跋石本，在延陵季札廟中。練湖碑，雲麓漫抄云：———南唐時立。唐潤州圖經。鎮江志云：唐孫處元所作也。舊記唐山謙之，劉損之，孫處元，皆作。鎮江志熊克編潤州集，曾改序。

嚴州碑記

朱買臣祠堂記，唐太守李頰撰。靈巖記，集古錄不著書人名氏。大歷十二年刻石。睦州大廳記，集古錄凡二本。其一唐元和七年，李道古撰。其一皇朝刁衍撰。自唐顯慶至中和，刺史一百一十五人。皇朝太平興國中，知州事二人題名。書皆一體，不著名氏。雍熙二年刻。浙東觀察判官廳壁記，李元寶文。睦州錄事參軍廳壁記，元和八年，皇甫湜撰。桐廬縣篆額，江南徐鉉篆。張伯玉曰：士大夫仕東南者，至桐廬，則觀徐君之篆。范仲淹釣臺記，容齋五筆云：范文正公守嚴，作嚴先生祠堂記，其歌詞云：雲山蒼蒼，江水泱泱。先生

之德。山高水長。旣成。以示南豐李秦伯。秦伯請換德字作風字。公凝坐頓首。殆欲下拜。新定志紹聖間。太守董彝編井序。淳熙中。太守陳公亮重修。劉文富序。嚴陵集紹興間。董彝編井序。

江陰軍碑記

季子墓銘有十大字云。烏乎有吳延陵季子之墓。按歐陽公集古錄云。——相傳以爲孔子所書。張從申記云。舊石湮滅。開元中。元宗命殷仲容模榻。其書以傳。然則開元之前。已有本矣。崇聖院銅鐘銘。唐太子宏翼所置。題云。賜江陰崇聖院。今在乾明寺。通元觀銅鐘銘。唐開元十五年。陳郡袁懷先撰。季子神賽雨紀石文。唐天寶五載。趙晉甫撰。張攜書。唐重建興建寺碑。太和二年。郁翠老撰。今在慈雲寺。天祐二年築城記。見祥符圖經。釣臺寺石幢。由里山之東堂。有碑刻二。經幢磨滅。不審歲月。武烈大帝廟碑。在天慶觀之西。有願雲爲銘。南唐封爲武烈大帝。命徐鉉撰碑文。頃歲修廟。得唐侯象所立碣于地。云。皇唐常州江陰縣司徒陳公廟碣銘。其文漫滅不可讀。南唐重光院銘。乃今能仁院僧自西撰。題云。大唐都省江陰縣重光院。保大三年銘。光瑛院瑞像殿記。南唐保大六年。僧崇肇撰。今在明教院。招隱院鐘樓記。南唐保大十一年。丁道宏撰。今在悟空院。明教院釋迦殿記。天聖三年。范仲淹撰。文宣王廟記。景祐三年。范仲淹撰。

紹興府碑記

禹廟窆石遺字。在禹廟。王順伯復齋金石錄。定爲漢刻。秦李斯秦望山碑。李斯小篆也。十道志云。在秦望

山其碑尙存。曹娥碑會稽典錄曰：邯鄲淳字子禮，弱冠有異才，作曹娥碑，方在宴飲，操筆而成，無所點定。魏良先作，既見，遂毀其文。蔡邕題曰：黃絹幼婦，外孫齏臼。寰宇記云：——在越州之上虞縣水濱。蕭將軍廟碑在上虞縣東南十四里，有斷碑云：吳太元二年，縣令濮陽興立。桐柏山金庭館碑，沈約造，今碑乃重刻。齊永明中石佛銘，會稽縣東五里石佛寺，石佛背有銘云：齊永平六年，太歲戊辰，於吳郡敬造維衛尊像，凡十八字，筆法亦工。南明山梁碑，新昌縣南明山，梁天監中，建安王建彌勒佛像，劉勰撰碑，其文存。江淹碑，見九域志，隋禹廟碑，史陵所書，趙明誠金石錄云：筆法精妙，不減歐虞。虞世南碑，餘姚縣之龍泉寺，有碑，乃虞世南撰，武后天授中，布衣董尋書，世南曰：虞南嘗避太宗諱也。賀知章二誥，在府學中。其一延和元年，其一開元四年。龍瑞宮記，賀知章撰，刻於飛來石上。高行先生徐師道碑，開元十一年立。今在府治廳壁。香巖寺碑，在諸暨之香巖寺。開元二十一年，康希銑撰。徐嶠之書。秦望山法華寺碑，在天衣寺。開元二十三年，李邕撰并書。元儼禪師戒壇碑，在天衣寺。天寶十五載，徐浩書。康希銑墓碑，在山陰蘭亭。其碑顏魯公撰并書。會稽山永興公祠堂碣，正元元年，大覺禪師國一影堂碑，在府城大慶寺。正元元年，正元題名，在府治臥龍山磨崖。復禹袞冕并修廟記，在禹廟。元和元年，碑陰有薛平祈雨唱和詩。建南鎮碣記，元和十年，孟簡撰。禹廟題名，元和十一年，張良祐、孟簡等十一人。崔詞謁禹廟詩，元和十一年。又宋之間等詩附。又題名二人。元和十一年，鄭道、劉茂孫、庾肩吾、孟簡禹廟詩，元和十年。禹穴碑，元稹銘，寶歷景午。禹穴碑陰，元稹并僚屬十一人。元威明陽明洞天詩，大和三年，立石龍瑞宮。白居易陽明洞天詩。

大和三年，甯賁禪師塔銘。大和五年建塔在山陰昭福寺。修龍宮寺碑在饒縣。大和九年，李紳撰題法華寺詩。李紳撰歐陽公集古錄云：李紳自序云：大和甲寅歲遊寺刻石，詳自序所言，似紳自書，然目端州題名較之，字體殊不類。甲寅，大和八年也。古羅漢塔記，開成二年建。在餘姚縣。奚獎尊聖經，開成四年建。在餘姚縣。奚獎尊聖經行書序，會昌元年建。在戒珠寺。靈應廟碑，會昌元年建。在錢清鎮祠下。京兆阿史那夫人墓誌，會昌二年。石在府城。大中禹跡寺勅碑，立在本寺。勅賜大中聖壽寺額六字。柳公權書。戒珠寺記，咸通三年。平察微墓誌，咸通三年。石在諸暨縣。大慶寺尼粥田記，咸通三年。大慶寺復寺記，咸通十一年立。容齋隨筆云：孫汝玉記：王錡書尊聖經，咸通十三年。在戒珠寺。王脩己書尊聖經，咸通十五年。在禹跡寺。王右軍祠堂記，無歲月。在戒珠寺。吳越武肅王廟碑，廟在府南四里。乃皮日休之子光業詞也。吳越忠懿王貽書石刻，在會稽縣南三十里之雍熙院。越王碑，九域志。江淹碑，晏公類要云：在州北八里。元儼律師碑，集古錄云：唐萬齊融撰。徐浩書。碑以天寶十五載立。書戒珠寺集古錄云：唐趙璘撰。貝靈該八分。會昌中廢。宣宗初復立。碑以咸通元年立。法華寺詩集古錄云：唐李紳撰。徐浩書。以大和八年刻石。薛萃唱和詩集古錄云：唐薛萃詩。不著書人名氏。崔述等凡十七首。秦刻石劍南詩藁，登鷲鼻山。至絕頂，訪秦刻石。有詩。沃洲山禪院記，晉宋以來。有羅漢僧西天竺人。白道猷居焉。次有高僧竺法潛支道林居焉。又有乾興淵支道開成。蘊崇寔光識。裴藏濟度。暹印凡十八僧居焉。高士名人。有戴逵。王洽。劉恢。許元度。殷融。翻超。孫綽。柏彥表。王敬仁。何次道。王文度。謝長霞。袁彥伯。王濛。衛玠。謝萬石。蔡叔子。王羲之。凡十八人。

或游焉，或止焉。

慶元府碑記

董孝子廟記唐崔殷作————云黠後漢人，孝行著于鄉邑，孝和召拜郎中不起，厥後世爲名族，故以董孝子名鄉。棲霞觀碑在象山縣，有唐大中元年碑，孫諫卿撰。等慈院釋迦殿記在象山縣，宋元嘉二年，置有釋迦殿記，方豫撰。龍壽院記在象山，今名延壽院，漢乾祐二年置，有記。洋山廟記在定海縣東北五里，唐大中開，黃洽廟記。唐心鏡大師舍利塔銘在鄞縣之崇壽寺，刺史崔琪狀其事。崇壽寺額在鄞縣，唐相裴休書。明州額舊錢氏書。奉國軍額太守潘良貴書。文宣王廟碑在州學，火損其半。裴公德政碑李陽冰篆，在衙門內。唐刺史王密德政碑李舟文。李陽冰玉筋篆，今在郡樓下。柳公權書金剛經，在州治之進思堂。應天德潤寺碑在慈溪縣，唐乾符中，僧文義大師清晏撰。唐李華撰左谿大師碑銘在慈谿之普濟院。雲漢廣福教院記在慈溪縣，唐光化二年，楊適撰。開元寺碑在鄞縣南二里，寺有二碑，其一李頴文，其一陶祥文。韓擇木書。小字道經小字德經，集古錄，唐明皇注八分書，不著名氏，開元十七年立。

台州碑記

天台觀葛仙翁篆，晏公類要云，吳赤烏元年，爲葛仙翁所建，其篆額卽仙翁親篆。齊桐柏山金庭館記，集古錄，南齊沈約造兒珪之書，永泰中，因地名建館，曰金庭宮，置道士十人，蓋道士自敘之言，非約所撰，其謂之造者，疑如後世立碑之類爾。碑以永元三年立。桐柏觀勅，唐景雲二年。桐柏頌，集古錄，唐崔尙撰文。

韓擇木八分書。碑天寶元年立。修桐柏宮碑。集古錄。唐元稹撰。顏頤書。景雲中。道士徐靈府等重葺。碑以大和四年立。國清寺記。唐柳公權書。額老君真容碑。唐開元二十九年。在州天慶觀內。佛窟禪師碑。唐大和六年。在天台縣。道元院碑。在天台。唐乾符二年。天台禪林寺碑。唐元和六年。在大慈寺。智者大師修禪林道場碑。唐元和二年。在大慈寺。禪林寺智者大師畫讚。在天台縣。唐大歷中。顏真卿文。隋陳司徒廟碑。唐乾符二年。在本州廟中。台州刺史杜雄墓碑。唐文德元年。碑陰有蔡大王廟記。今在臨海蔡王廟中。台州司馬韓光乘真讚。唐先天元年。在崇道觀。杜夫人墓銘。唐光化二年。在臨海縣。金像寺在仙居縣西三十五里。歲久無碑識。惟石幢巋然。唐垂拱三年立也。吳越王題梁續志云。在城之兜率寺。有廣順年開——。上清閣。唐人題梁。在崇道觀。吳越錢氏用契丹會同年號。臨海慶恩院及定光院。皆書曰石晉會同元年。建臨海明智院及明恩院。皆書曰石晉會同中建。而通鑿石晉無會同年號。又婺州圖經。義烏真如院。亦云吳越錢氏會同十年建。而吳越止有寶大。天寶。保正三號。亦無所謂會同。象之謹按。東都事略。載遼主德光。曰天福三年。改元會同。至開運四年。南牧。歷年圖載。天福三年。歲在戊戌。而會同十年。歲在丁未。是歲正德光南牧之時。去天福三年。整整十載。意者錢氏奉德光之正朔。則丁未之歲。乃契丹會同十年。然婺州真如院書會同十年建。尙是契丹入汴之時。恐吳越奉其正朔。若赤城志所書會同元年。則正是石晉天福三年。晉高祖尙都汴。爲中國主。不應錢氏乃越石晉而奉契丹正朔也。比之婺州真如院所書年月。無據。當攷天台集李兼序。續集李子長編。李兼序。舊圖經。教授余竊編。赤城志。陳耆卿編。

溫州碑記

僧元覺神道碑在永嘉縣之淨光先天寺。元葬于是山。有括州刺史李邕所作神道碑。淨居尼元機圓明塔碑在永嘉縣之淨居尼禪寺。其碑先天中立。石室碑在永嘉縣膺符鄉文羅山之石室。上有石夫人及古石碑。在天柱寺後。仙巖寺碑。銘司空表聖文。海濤志集古錄云。——濤歷濤日時。濤期朔望體象。春秋仲月漲濤解。凡六篇。唐寶叔蒙撰。其說以月朏朧候濤汐之進退。并寶氏濤日時疏一篇。孟簡撰。皆陶從心書。朱巨題額。不著刻石年月。在溫州。游仙記。唐著作顧况仙遊記曰。溫州人李庭等。大歷六年。入山斫甌。迷不知路。逢見滌水。滌水者。東越方言。目挂泉爲滌。中有人烟雞犬之候。尋聲渡水。忽到一處。約在甌閩之間。云古莽然之墟者。好田泉竹果藥。連棟架險。三百餘家。四面高山。迴環深曠。有象耕鴈耘。人甚知禮。野鳥名鴈。飛行偕鴈。入人舍中。惟祭得殺。無故不得殺。殺令地震。有一老人爲衆所伏。容貌甚和。歲入數百疋布。以備寒暑。乍見外人。亦甚驚異。問所從來。袁晁賊未平。時政何若。具以實告。因曰。願來就居得否。云此閒地窄。不足以容。爲致飲食。申以主敬。旣而辦行。斫樹記道。還家及復前蹤。羣山萬首。不可尋者。永甯編陳謙所述。雷元剛序云。是編非取夫搜據新故。誇詡形勢而已。事變之會。風俗之趨。蓋將有考焉。觀敘州自晉目來。守凡幾人。孰賢孰否。觀敘人自國朝以來。作者幾人。孰先孰後。熙甯而後。所易兵制。善于古否。建炎而後。所增稅賦。安于民否。水利何爲而便。役法何爲而病。是非得失之迹。廢興沿革之由。安危理亂。于是乎在。一言去取。萬世取信。鴈蕩序述——山——云樂清縣。鴈蕩諸山在焉。難目殫載。校書

郎章望之有記。郡丞謝升俊有圖。樂清縣丞洪藏有賦。紀述模寫。皆極形容之精。然猶有未盡。薛寺正季宣復爲賦。目備足之。

婺州碑記

八詠碑。沈約文。舊本在仁風堂。新本在八詠樓。陋室銘。不知在何所。政和中。郡民至龜頭土城上。茅棘中。見一頽石。其色如鐵。面平可坐。因刮拭之。彷彿有字。題曰——唐劉禹錫文。其詞云。山不在高。有德則名。水不在深。有龍則靈。斯是陋室。惟吾德馨。苔痕上階綠。草色入簾青。談笑有鴻儒。往來無白丁。可以調素琴。閱金經。無絲竹之亂耳。無案牘之勞形。南陽諸葛廬。西蜀子雲亭。孔子云。何陋之有。今其碑在明月樓。通判廳蘭亭記。其碑甚古。大廳再建記。唐廣明二年。赤松巖寺碑。唐垂拱四年。盧府君碑。唐大中十一年。俱胝石幢記。唐咸通十年。武威侯廟記。唐廣明元年。已上並在金華縣境。杜叔倫去思碑。晏公類要云。在東陽縣。前達州刺史陸長源文。涵碧亭碑。在東陽縣。唐寶曆二年。法華寺碑。唐會昌三年。在東陽縣。智者法師碑。及本生寺碑。在義烏縣界。梁太子綱文。善慧大寺碑。陳大建五年。善知閣黎碑。陳大建五年。惠集法師碑。陳大建六年。還珠記碑。唐元稹文。轉輪經藏碑。唐咸通八年。重雲大師真身碑。唐乾符三年。普濟院碑。周顯德二年。已上并在義烏縣。聖壽寺碑。唐裴母潛文。和安寺碑。唐邵朗文。東峰亭記。唐馮宿文。在蘭溪園寺。萬安院碑。晉天福八年。永甯院碑。周顯德四年。已上並在蘭溪縣。千歲和尚碑。開元二年。在浦江寶嚴寺。左溪大師碑。銘唐李華文。在浦江縣。明招院壽塔碑。周廣順二年。在武義院。鶴巖院碑。清泰。

義烏真如寺耶律年號寺在義烏縣西南一百八十步東陽志云吳越錢氏會同十年建洪邁隨筆載錢氏有年號三曰寶大天寶保正而無所謂會同象之謹按會同乃契丹年號東都事略契丹傳載遼主德光以天福三年改元會同至開運四年南牧歷年圖載天福三年歲在戊戌而會同十年歲在丁未自戊戌至丁未整整十年意者錢氏奉德光之正朔則丁未之歲乃契丹會同十年故用其紀元耳十國紀年吳越王錢宏佐傳云開運四年正月虜陷京師稱會同十年而馬殷傳止書云開運四年契丹犯闕中國兵亂貢賦不通而不書會同年號是湖南諸國不用會同年號而吳越獨用會同年號故也吳越寶大年號東陽志云觀音寺大殿有梁吳越寶大二年立象之謹按通鑿後唐明帝天成二年吳越王錢鏐目中園喪亂朝命不通改元保正其後復中國乃諱而不稱今觀音寺之題梁皆已削去年月寺僧云吳越改元後用中國正朔故諱其事而削去與通鑿所書相應寺却有銅鐘題云寶大二年歲在乙酉置張巡許遠雙廟辯嘉泰甲子余謁郡侯南康李公景和見其追逮土偶械繫于庭問其罪則曰李侯家眷爲崇所擾故加之罪杖之溪澗投土偶于深澗絕其廟食未嘗不重李侯之果決也及余之郊外聽與人之誦曰此廟非他卽唐張許之祠也郡侯意其烹愛妾而無所歸旋擾其室既伏其罪而怪亦絕余獨念張許置廟始末郡志無所經見志乃洪公遵銓次必不逸書余固未能釋然後余緝閱故書見唐張巡傳載許遠子孜爲婺州司馬柳子厚南公廟碑載南霽雲子承嗣爲婺州別駕今婺之雙廟與倅解郡意者南許二子之所立乎余旣參祈公之史攷柳子之記又不能不譏李侯之太果而諄洪公之略也反覆張許之事

因嘆其捐軀以蔽江淮。而當時議者。反目睚陽。食人爲二子罪。巡烹愛妾。目激士衆。而後世乃以其饒居。而爲廟食之累。甚矣忠臣之不過也。自李翰作傳。以表其事。而當時之異論始息。余不量其誦薄。欲強引史傳。目證其廟食之始末。視李翰爲難矣。昔韓文公謂張許子弟材下。不能通其父志。由今日觀之。廟存而無所記。豈特不能通其父志於當時而已哉。昔我朝章聖皇帝東狩。過雙廟。畱駕徘徊。著金刻石。贊明厥忠。而司馬公光。嘆顏杲卿張巡之徒。世治則擯斥外方。抑沈下僚。世亂則委棄孤城。蓬粉寇手。何爲善之不幸。而朝廷待忠義之薄耶。我聖朝君臣待忠義之意如此。惜不及見洪公李侯。而一洗之云。

處州碑記

追魂碑在松陽永甯觀。唐故有道先生葉公碑。李邕撰并書。法善之祖也。世傳法善求邕書不可得。夜追其魂書之。俗謂之——恐未必然。人愛其字。模打不已。黃冠潛毀之。有銅鐘宣和造。寇焚蕪烈焰中。竟不銷鑠。聲亦不滅。若有神護。唐李繁孔子廟記。唐元和中。刺史李繁建孔子廟。韓愈爲之碑。杜牧書其陰。碑遭亂不存。宣和中。知州黃葆光模刻于學。而碑陰猶闕。有唐贈歙州刺史葉公神道碑。李邕撰。韓擇木八分書。其石運自晉州。擊之鏗然有聲。今在麗水縣北一百二十里冲真觀中。李邕書大唐開悟之寺在龍泉之薦福院。黃帝祠宇篆額。唐李陽冰篆。在仙都山。縉雲縣城隍廟記。集古錄。唐李陽冰篆并撰。陽冰禱雨。因移建于山上。碑以乾元二年立。刺史李銘送行記。正元中。李爲刺史。朝士之贈行者二十三人。石刻今存。唐青田縣尉楊光于作隱難記。在麗水縣北六十里之東巖。大略言袁晁黃巢之亂。民避難于此。

獲免者甚衆。好道廟碑在麗水縣東十里。唐大中十年。刺史段成式作廟記。今存。陳松司馬墓碑在麗水縣西四十里。郎期山下。乾符二年。卒葬于此。碑及銘記。並任省公文。李陽冰修夫子廟記在縉雲。記云。上元元年。縉雲令李陽冰修文宣王廟。換夫子之容貌。增侍立之九人。其餘六十二子。圖于屋壁。據陽冰記云。增侍立之九人。蓋獨顏回坐。而餘九人爲立像矣。李陽冰忘歸臺銘在縉雲之吏隱山。李氏窪樽銘在縉雲之吏隱山。李陽冰篆倪翁洞三字在縉雲縣東平里之倪翁洞。阮客洞詩在縉雲縣東九十里。有石室。鐫李陽冰詩。隱真洞劉先生塑像贊在縉雲縣東二十八里隱真洞。其碑見存。李陽冰篆初陽谷三字在縉雲之仙都山。

衢州碑記

古碑信安記文其最古者。徐偃王廟。則韓退之。西楚霸王廟。則賀蘭進明。詩則信安王禕。石橋記則嚴綬。女樓易棟賦則霍耿。若陸凝于奉之之偃王碑碣。皆漫缺不可讀。唐乾符六年。僧沖菴開山文樅碑銘在西安之子湖定業院。唐則天書明果寺在西安縣北玉泉鄉明果禪寺。類。唐白居易大徹禪師傳法堂記在西安縣北玉泉鄉明果禪寺。後唐清泰中。吳中丞所書發願文在常山縣西三十里福田院。唐杜荀鶴及禪月大師貫休留題在龍遊之石壁院。石橋詩刻記。唐廷評嚴綬。瑞魚銘。張子壽集。賀衢州進古銅器表云。伏見衢州所進——等。神物瓌奇。形製純古。魚爲龍象。旣彰受命之元。銘作久文。更表錫年之永。河圖舊事。無以加之。徐偃王廟碑。韓愈撰。徐偃王後記。唐于奉作後記。今在盤山廟中。雙檜堂記。開寶間。

吳越刺史謹知禮撰。吳越國王墨帖在保安院。信安志毛憲序。

建康府碑記

吳紀功三段石碑。天璽元年。皇象之書。今在府治。紬書閣前。集古錄謂之皇象碑。晉王祥墓碑在江寧縣之城西南。城寺之北。有古碑。斷缺不全。謝安墓碑。漢晉紀事云。謝安墓前。惟立一白碑。蓋當時難述其德耳。王羲之蘭亭記在三段石後壁。顏公太宗碑。顏魯公書。顏府君碑。顏魯公書。並在府學。卞壺墓碣。南唐徐錯書。在忠烈公墓下。陶隱居墓。熙甯中。金陵丹陽之間。有盜發塚。得隱起磚于塚中。讀其書。知山中宰相陶隱居墓也。其文尤高妙。王荆公因書。遺金陵天慶觀黃冠。遂以入石。陳景陽宮井欄石刻。唐人書。今在行宮。歐陽公云。晉王廣書。戒哉戒哉。字已不存。象之觀書。擒虎則去虎字。書世字則作廿。皆避目唐諱。知其爲唐碑。唐棲霞寺記。陳江摠作碑。唐高宗御書額。至今猶存。今在攝山寺中。去城四十五里。唐棲霞寺銅像背記。唐景龍二年。又寺中徐鉉書。古跡甚多。唐徐鉉紫極宮司命殿記。在天慶觀。徐鉉。蔣帝廟碑在蔣山廟。南唐追封慶王碑在婁湖橋東南路側。已上並在建康城中。及上元江甯界內。吳太極左仙翁葛公碑。唐調露二年重建。梁許長史舊館碑。陶宏景文。天監十七年立。在玉晨觀。梁太元真人碑。孫文籍書。梁許長史舊壇碑。陶隱居書。又有梁九錫文。孫文籍書。陶隱居帖在玉晨觀。陶隱居墓銘。自撰。陶隱居墓誌。梁昭明太子撰。華陽頌。陶隱居文。唐天寶九年立。義和寺額。梁昭明太子書。陶隱居碑銘。邵陵王綸撰。陶隱居碑陰。司馬道隱子徽書。唐紫陽觀王先生碑。唐摠章二年立。唐崇禧觀碑。太極元年立。唐

明皇授籙碑在崇禛觀。唐元宗授上清籙碑在華陽洞。唐句容令岑公德政碑景龍二年。唐禁山碑太和七年。今在玉晨觀。唐玉清觀四等碑開元十五年。正白先生碑梁邵陵王綸撰。今在玉晨觀。祠宇宮白鶴廟記大歷十三年。唐元靜先生碑顏真卿書。大歷二年。又云在紫陽觀。大歷七年。唐韋君碑正元三年立。在玉晨觀。唐聖祖碑寶歷二年。孔子尹真人贊皇公三碑寶歷二年。唐張孝子旌表碣咸通十三年。唐茅山孫尊師碑李德裕文。今在玉晨觀。題陶隱居塔唐保大十四年。青元觀殿碑唐保大十五年。下泊宮記王師頌文。元素先生碑徐鉉撰。在玉晨觀。唐紫陽觀碑徐鉉文。在玉晨觀。騎省石在句容縣治。唐許長史丹井銘徐鉉文。在玉晨觀。故元傅太師王君碑徐鉉文。已上並在句容縣界。溧陽長潘元卓碑後漢光和四年。今在尉廳。唐潘城寺碑劉驥文。在縣西九十里。唐禮部侍郎劉府君神道碑裴度撰。今在欽賢亭。校官之碑後漢光和四年立。洪邁夷堅癸志云。其石淪於固城湖中。紹興十三年。溧水尉喻仲遠得之。置廳事之側。蓋相距六百九十二年。今在縣圃。已上並在溧水縣界。西漢趙禹廟記唐中和三年。後漢溧陽侯史公神道碑晉永和八年立。唐正觀十四年重立。晉建安太守史公神道碑景龍四年立。晉廬陵太守呂府君神道碑晉冠軍將軍史爽墓石柱刻。梁兗州刺史史府君墓石柱刻。唐宣州溧陽縣永仙觀元宗先生碑銘開元五年。城隍廟記開元十七年。在舊縣城。唐祭酒史公之碑李陽冰篆額。重換司空廟殿記唐會昌六年。史祖廟禱雨記南唐昇元三年。已上並在溧陽縣界。宋宗慤母夫人墓誌碑以大明六年立。自此以下。圖經不載。而旁見他書。今附見焉。齊海陵王墓誌南齊謝朓立。石在江寧。齊明帝發其

兄鬱林王而立之。在位一年，又廢爲海陵王。華陽王先生碑，唐于敬之撰，王元宗書，以乾封二年立。在茅山。王法主碑，道士江旻撰，徐碩隸書，碑以正觀十六年立。在茅山。陳尼慧仙碑，陳景哲書，以天嘉元年立。梁智藏法師碑，梁蕭幾撰序，王澤撰銘，蕭挹書，碑以普通中立。梁茅君碑，道士文翰書，道士張澤集，碑以普通三年立。在茅山。王法主碑，唐劉禕之撰，齊懷壽書，碑曰昇真，以文明元年立。在茅山。張常洧碑，唐正元五年旌表，一一一勅一道，并紀孝行，碑高孚撰，旌表碣贊承瓌撰，王師乾神道碑，唐楊瑄撰，張從申書，碑以大歷十三年立。在句容縣。鍾山林下集序，唐石洪撰，以正元七年立。華陽頌，梁陶洪景撰，崔元亮長慶三年游山題記，附在茅山。司空殿記，司空光武時人，碑以會昌六年立。在溧陽。副元帥廳階記，唐殿級撰，大歷四年刻。在金陵。三茅山記，唐人書，大和三年立。茅山三像記，與崇元聖祖院一體書，李德裕既建聖祖院，并立玄元皇帝、孔子、尹喜三像，以寶歷二年刻。在茅山。崇元聖祖院記，唐賈鍊撰，徐挺古八分書。寶歷二年立。在茅山。賜李練師詩，詔唐道士任良友書，元宗所賜詩凡三首，正元十四年刻石。在茅山。景陽井銘，井銘有二，其一隋煬帝所作，其一張著撰。仙壇山銘，道士宋文幹以山石自然，因立壇其後，岑仲琰石爲像，碑目聖歷三年立。在溧水縣。已上並見集古錄。江南秦淮石志，皇朝類苑。江南保大中，凌秦淮得石志，按其刻有大宋乾德四年六字，磨滅不可識，諸儒參驗，乃輔公祐反江東時年號。溧陽瀨水貞義碑，李白文，徐鍇篆字題名，在中茅峯石上。荆公有詩，百年風雨草蒼昏，尙有當年墨法存，祇恐終隨嶧碑盡。西風吹燒滿秋原。建康志。史志正序。建康續志。朱舜庸編。吳瑒序。

太平州碑記

吳陶墓墓碑在當塗橫山晉陶氏亦有墓碣見存晉楊府君墓碑名亮洪農人桓溫破姚襄亮杖策來歸後爲雍州刺史卒今有石碑二一在泊山一在河澗碑陰各有巴蜀故吏姓名合五百人太守楊侯惜其斷裂徒置郡學李白天門山銘在天門山水心院石幢記在蕪湖縣西二里甯淵觀初爲水心院有唐廣明間石幢記羅泰石城記在當塗東二十里石城山之多寶院太和二年慈姥磯唐刻在當塗縣北四十里慈湖鎮之北嶼上有界牌二字乃唐刻也陶府君大舉德政碑在當塗縣東六十里丹陽鎮南之禪那院乃唐僧所撰永昌元年己丑建碑今存禪惠院記在當塗縣東十七里禪岳山有成通二年記刻石山頂廣濟院石幢在蕪湖縣北四十步院門外有兩石經幢一題曰大中十二年一題曰乾符六年東能仁院水陸會記在蕪湖縣東院有南唐水陸會記演教院碑在繁昌縣東二十里院有古碑上有長慶二字太平州詩南州集林枏序姑孰志楊侯序

寧國府碑記

題疊嶂樓詩南齊謝朓題疊嶂樓壁唐獨孤霖敬亭山梓府君廟題名高璩題梓府君廟詩李太白司空圖良吏記陳簡甫題開元良吏六人祭敬亭山文鄭薰又碑陰文杜宣猷重修敬亭廟記張延嗣梓府君神祠記崔龜從新脩梓府君廟記劉仲約大中二年新興寺碑盧肇書在縣北敬亭山大中二年相國裴休建禪定寺通公碑嚴綬新興寺新條流勅裴休新興寺經閣帖裴休白龍寺經幢在水陽鎮開成元年

石中丞廟斷碑廟在子城南石中丞仲覽宣州人魯府君廟碑在宣城縣南六十里廟有斷碑載武德六年魯知崑以宣城降冲妙觀斷碑在宣城縣東二十里會昌中立新興寺羅漢碑徐善福田寺經藏記大歷中崔龜從薛公去思頌崔巨築新城碑韓熙載碑陰林仁肇送二王詩李後主徐知證墓碑在宣城西四十里重修宣城縣廨宇記朱珣開元寺大殿記孟拱辰多寶佛塔記孟拱辰東禪院法華經記孟拱辰新興寺藏記唐天祐二年僧浩澄已上並在宣城縣界南陵修大農陂記韋瑁涇縣廳記薛文美水西寺碑唐宣宗孔子廟記徐鉉東峯亭記序在涇縣西二里唐永泰中季廣琛將兵討石埭寇告捷賦詩劉太真爲之序今刻石存焉已上並在涇縣界唐宣州響山新亭新營記樞載之撰云元和二年冬宣城長帥路應造賀蘭夫人墓誌集古錄云唐陸贄撰并書碑以正元七年立宣城志郡守趙希遠序李兼編宣城詩唐人已前詩篇失編集人姓名

徽州碑記

興唐寺碑唐呂渭文在歙縣越國公廟記唐汪台符文在歙縣問政先生碑記吳順義中方訥文在歙縣歸真觀碑江南徐鍇文在歙縣漢洞院碑在歙縣新安志云今院有南唐保大中碑婺源縣古縣記見新安志本縣沿革下州縣牌額容齋續筆徽州之山水清遠素無火災紹熙元年添差通判盧瑤悉以所作隸字換郡下扁榜自譙樓儀門凡亭榭臺觀之類一切趨新郡人謂字多燥筆而于州牌尤爲嚴重私切愛之次年四月火起於郡庫經一日兩夕乃止官舍民廬一空歙州折絹本末皇朝類苑五代方鎮割據

多于舊賦之外，重取于民。國初悉皆蠲正，稅額一定，其閒或有重輕未均處，隨事均之。福欽州稅額太重，福州則令以錢二貫五百折絹一疋，欽州輸官之絹，止重數兩。太原府輸賦全除，乃以減價糴米補之。往疑福欽折絹太貴，太原折米太賤，又陳居仁言行錄云：欽在五季爲偏方，夏稅特重，祖宗故輕之。他郡輸納，率以十二兩，惟欽十兩，比歲戶部謂不中度，却之。人以爲擾，孝宗欲仍舊貫，而慮輸有輕重，吏得病民，每十二匹，特蠲其二。新安志羅願編。

信州碑記

南巖古篆，上饒志云：在弋陽縣北三十里，有石壁鐫古篆二十三字，書跡甚美。唐人大篆洪蜀山水記云：貴溪王表巖，有會昌中———題名。唐元和碑在永豐之寶積院，蔣穎叔詩云：舊碑聊一讀，唯有記元和。草衣寺記在城下南巖，有唐楷德輿記。南唐欽道觀記在永豐縣，觀舊名王陽觀，有朱絜所爲記。乃南唐徐錯八分書徐鉉篆額，今碑在縣治。龍紀中雄石鎮請僧帖在貴溪之資國寺，象山陸九淵子靜有跋語，辨其真爲唐龍紀時帖。由龍紀之元，距紹熙辛亥，凡三百有三年云。王荆公信州興造記晉陵張公治信之明年，皇祐二年也。夏六月乙亥大水，水降，于是募人城水之所入，垣郡府之缺，考監軍之室，司理之獄，營州之西北亢爽之墟，以宅屯駐之師，除其故營，以時教士刺伐坐作之法，故所無也。作驛日饒陽，宅曰回車，築二亭于南門之外，左曰仁，右曰智，山水之所附也。梁四十有二舟于兩亭之閒，以通車徒之道。築一亭于州門之左，曰宴月，言所以屬賓也。凡爲城垣九千尺，爲屋八，目楹數之，得五百五十二。自七月

甲午卒。九月丙戌，爲日五十二。爲夫一萬一千四百二十五。洪芻遊洞記曲盡一郡山川之景，皆洪所身親而足歷者也。今附上饒志卷末。唐曹君墓碑容齋五筆云：慶元三年，上饒尉陳莊發土得唐碑，乃婦人爲夫君所作，君姓曹名因，祖父皆仕于唐高祖之朝，惟公三舉不第，居家以禮義自守，及卒于長安之道。朝廷公卿、鄉鄰耆舊無不太息，惟予獨不然，謂其母曰：家有南畝，足以養其親，室有遺文，足以訓其子，肖形天地間，範圍陰陽內，死生聚散，特世態耳，何憂喜之有哉？予姓周氏，公之妻室也。上饒志趙蕃編，王自中序。

池州碑記

大廳壁記元和八年，齊映爲守，日建裴晉公作記于廳壁，今不存。又韓贊文、竇潘文、刻漏記杜牧文、夫子廟麟臺碑、韋應物文、紫極宮碑、徐鉉文、康濟廟記、在建德、徐錯爲之記、昭惠廟、墨勅、昭惠廟在銅陵，神姓張名寬，嘗仕晉爲晉陽太守，唐裴休目墨勅贈游擊將軍，又以墨勅封保勝侯，及保勝公，今三勅俱存。開講詩集古錄，絜疇爲講老子而作，咸通九年，楊岩刻石，立于九華疇之所居。馬當山銘陸龜蒙文有云：言天下之險者，在山曰太行，在水曰呂梁，合二險之爲一，吾又聞乎馬當，彼之爲險也，屹乎大江之旁，怪石憑怒，跳波發狂，日黯風助，摧牙抗檣，幸而脫死，神魂飛揚，殊不知堅輪蹄者夷乎太行，仗忠信者通乎呂梁，使舟楫而行乎馬當，合是三險而爲一，未敵小人方寸之包藏。題元宗御書記集古錄，唐張說題元宗所書碑，御製書字，并年月日及模勒刻字人姓名，說所題者，大慧禪師塔碑也，侍岩記，李方元撰，李宗書。

會昌四年刻杜牧題名者。牧爲池州刺史。立左史湖之名而題之。張祐書。會昌五年刻。在池州。今同附于後。唐孚旣侯廟碑。容齋四筆云。在銅陵縣。唐中和二年立。池陽前集。吳尉張古序。池陽續集。崇甯中。畢漸序。池陽前記。政和八年。范致明編。池陽後記。建炎四年。張古序。秋浦志。胡兆序。

饒州碑記

饒州刺史碑。容齋三筆云。饒州良牧。自吳至今。目政績著者有九。賢郡團立祠以事。此外知名者蓋鮮。白樂天集。有吳府君碑。唐紫極觀鐘銘。在城紫極觀。天寶九載。上官經野文。唐薦福寺莊田記。乾興元年。僧志全文。唐能仁寺菩薩堂記。南唐邊縉文。唐薦福寺碑。冷齋夜話云。范文正公守饒。有書生獻詩甚工。生自言平生未嘗飽。時歐陽率更薦福寺碑。墨本直千錢。文正爲打千本。使售京師。紙墨已具。一夕雷擊碎其碑。坡詩。一夕雷轟薦福碑。蓋謂是也。唐饒娥碑。唐柳宗元文云。饒姓娥名。世流鄱水。娥爲室女。女事循整。鄉閭式敬。寶應中。父醉漁溺死。求屍不得。娥走哭水上。三日不食。耳鼻流血。氣盡伏死。明日屍出。蠶魚置蛟。浮死萬數。縣旁小民。悲感怨號。會錢具葬娥于鄱水西橫道上。宗元爲之記云。唐魏仲兗饒娥碣。在樂平。唐魏惜饒娥碣。在樂平。南唐雙溪觀記。在安仁。乾德二年。葉密文。唐自鳴山記。在安仁。唐咸通十年。歐陽證文。吳羅漢寺記。在安仁。僞吳順義六年。羅漢贊同上。玉石寺記。在安仁。唐逢汝舟文。都韻七談。容齋五筆云。鄱陽素無圖經。元祐六年。餘干進士——作——一篇。其敘土風人物云。張仁有篇。徐灑有說。顧雍有論。王德棧有記。其所引張徐顧王所著。今不復存。鄱陽志。史定之序。柳將軍墓碑。在安仁。唐咸通

六年.柳子厚與元饒州書見柳文.鄱陽舊志

輿地碑記目 卷一

二九

輿地碑記目卷二

廣德軍碑記

顏真卿橫山廟碑碑載自梁天監五年至唐天寶中。目祈禱感應。始贈水部員外郎。廣德軍桐汭志郡守趙亮夫序。

南康軍碑記

夏禹石刻在上霄峯石室中。世傳夏禹所刻。其大如掌。文皆隱起。僅百餘言。亦載于江州。梁簡寂觀碑。梁太子僕射沈瑋撰。唐簡寂先生陸君碑。唐寶應中。翰林供奉吳筠撰。南唐保大中立。簡寂觀碑。改修靈寶殿。并記改修靈寶殿并齋記。唐御史大夫王路撰。簡寂觀。修立石路記。唐掌元帥表奏徐憲撰。楚王谷景德觀記。朝奉郎柳宏撰。唐處士顏君禍。黃太史記海昏縣齋觀智顯寺竹林中所得顏家壘斷碑。魯公大字。清勁秀發者是也。龍紀道碑。唐永徽四年。南山寺題鐘。唐龍紀元年。流霞觀記。唐乾甯四年。永安縣記。後周顯德七年。已上四處並在都昌縣。靈溪觀碑。南唐祕書正字宋渙撰。今名祥符觀。真風觀碑。南唐虞部員外郎韓熙載撰。碑陰有當時嬪御姓氏十餘人。今名先天觀。徐鉉石刻在白雲菴。李仁宗姬諱。古書堂記。在城西十五里。南唐時李□古爲江州刺史。作記刻于崖下。今存。報恩院寺額。寺在福星門內。軍學之西。號塔院。南唐李後主所書院額。其碑尙存。慧悟師沖照寫真讚。西華湯悅撰。簡寂觀新建石壇記。成

部員外郎陳覺撰。簡寂觀重建大殿記。安西將軍張崇撰。陳令舉廬山記五卷。碑刻詩什。莫不畢載。廬山續記。紹聖中。太守馬珩因訪廬山諸寺創始之跡。出陳舜俞令舉廬山記目閱之。且謂令舉書止述記者之姓字。而不記其所述之文。因取碑碣。凡令舉所不載者。名曰——。

隆興府碑記

唐豫章寇蓋盛集記。獨孤及撰。舊石柱記。殿撰記。新石柱記。來某撰。章公遺愛碑。杜牧撰。在觀音院。滕王閣記。王勃撰。延壽寺碑。寺在府城。徐騎省書爲寺碑。李衛公劍池賦。在豐城縣西北寶氣亭。李司空廟碑。在豐城縣。去縣二十五里。長豐鄉。司空姓李。諱承勳。李神福之長子也。戰沒于此。因廟食焉。南昌徐鉉爲立碑以紀其事。寶峯院記。在靖安縣北石門山之寶峯院。權德輿爲之記。唐商朝爲塔銘。摠持寺碑。容齋三筆云。隆興府城內。——有一碑。乃乾符三年牒。又一紙。乃中和五年牒。栖霞觀記。在靖安。載劉懿真登仙事。鄭安靖爲之記。今碑尙存。天宮寺金銅釋伽像記。在城之景德院。光啓二年記。崇聖院古碑。在新建縣洪井北二十里。廣化院碑院。在洪井上之翠巖。韓熙載。徐鉉爲之立碑。龍沙章江院碑。在城北。南唐清泉禪師居之。保大四年。順化韓熙載作碑文。開元寺藏經寺。在城東。藏經皆唐經生所書。梅仙觀碑。在新建西北三十里。今名陽靈觀。昔梅子真旣以仙去。嘗于山上築壇。目朝斗。後人立觀以奉之。唐末羅隱嘗爲梅先生碑。法正禪師碑。在奉新之石智院。目元和十四年歸寂。柳公權爲之碑。歲久多殘缺。今猶存。有二三百字可讀。寶雲寺碑。在奉新縣東百五十步。有鐵鐸菩薩五十二軀。唐保大六年。祕書郎陳用寬

爲之記。今碑具在。昭德觀碑。徐鉉作重建記。碑在奉新之昭德觀。今碑尙存。西山風雨池記。正元三年。權德輿撰。唐故洪州開元寺石門道一禪師塔銘。權載之撰。後漢證君徐君碣銘。張九齡撰。北海李公放生池碑。同上。宋海陵王墓碑。慶歷中。洪州江岸權得。謝朓撰。并書。宋海陵王墓銘。謝朓文。固奇。而書亦有法。類編。蘇書。石入沈括家。十餘年後。爲夏元昭匿之。不知所在。江西使院小史記。集古錄云。唐崔祐甫撰。陸蔚之書。開元二十二年。始分江南十七州爲西道。宣州至于此。凡十八使。此碑以長慶三年立。文宣王廟碑。唐齊抗文。權載之集云。豫章舊志一卷。晉會稽太守熊默撰。豫章事實。雷次宗撰。見於崇文總目。豫章古今志。同上。見隋書經籍志。豫章記三卷。南唐涂圓撰。洪州圖經。李宗諤編。新建圖經。余襄公撰。職方乘。洪芻編。續職方乘。李大異編。

瑞州碑記

唐淨居寺碑。寺在上高縣西四十五里。舊曰龍居。隋開皇九年置。唐正觀三年廢。大歷三年復。寺有碑。施肩吾文。太和時進士。中和二年石刻。唐二賢廟。在高安縣調露鄉。應智甄。幸南容之祠。有莆田黃滔————記。廟立于正觀初。元和時敝。南容修之。寶歷景午。里人併祀南容。李德裕爲袁州長史。爲書祠額。普濟院碑。院在上高北十里。武泉山南。唐保大中。僧義從再築。有同光中記。五代楊溥浮橋記。在州西五龍廟。下載僞吳楊溥乾正二年浮橋記云云。南唐新建御名。州碑在鳳凰山之碧落堂。碑乃南唐保大十年立。南豐曾鞏學記。在州學。東坡書大愚石臺山詩。在木山。欒城書郡圃八詠。在郡圃。山谷書道院賦。

在州治。蜀江志學職雷公編。高安志郡博士幸元龍編。瑞州志周徐序。

袁州碑記

唐劉禹錫碑萍鄉楊岐山廣利禪院。唐開元中。廣利禪師塔。劉禹錫作碑銘。尚存。唐黃頗文宣王廟記。頗宜春人。爲文與盧巖相上下。所著書千餘篇。獨郡庠文宣王廟記存。袁州學記。皇祐中。祖無擇營建州學。李秦伯爲之記。章友直篆。柳淇書。世號爲三絕碑。熙豐間。館學第天下學記。以袁爲冠。上真觀記。在分宜。南唐徐鉉爲之記。乘廣禪師碑集古錄。唐劉禹錫撰并書。劉申錫篆額。碑以元和二年立。在袁州。唐相國房公銘之陰。柳子厚文有云。唐之大臣。以姓配。公最著。曰房公。相元宗肅宗。其理袁人。袁人不勝其餽。李華銘公之德。刺史王涯爲刻銘。舊宜春志。董宗說編。宜春新志。郡守滕強恕序。

撫州碑記

東方朔畫像贊。臨川志云。晉夏侯湛作初碑。在德州。天寶十三載。平原太守顏真卿作大字。勒之爲石。今碑在宜黃富民家。凡爲石六丈。高一丈五尺。謝康樂翻經臺記。顏魯公爲之。今碑已經再刻。杜佑去思碑。在城東三十步。大歷十三年建。刑部侍郎包佶文。時佑爲刺史。張景倩清德碑。在州城東三十步。大歷五年建。顏真卿文并書。篆額。時景倩爲刺史。戴叔倫遺愛碑。在州城東三十步。正元四年建。時叔倫爲刺史。魏夫人仙壇碑。晏公類要云。在壇側。唐大歷四年立。顏真卿文。元子皙遺愛碑。在崇仁縣南五步。大歷五年。準尚書考功符建立。刺史顏真卿文。今存。見晏公類要。顏魯公寶蓋山記。在崇仁縣。律藏院戒壇記。集

古錄。唐顏真卿撰并書。院壇皆僧智融所立。在州之寶應寺。唐撫州景雲寺故律大德上宏和尚石塔碑。銘白樂天撰。

江州碑記

夏禹石刻郡國志云。在上霄峯石室中。世傳夏禹所刻。其大如掌。文皆隱起。僅百餘言。亦載于南康軍。慧遠法師碑銘。集古錄。宋謝靈運撰。張野書。東晉末。居于廬山東林。碑在廬山。隋廬山西林道場碑。集古錄。渤海公撰。以大業十三年立。在廬山西林寺。唐辯石鍾山記。在州治。唐大和元年。李渤記。太平觀使者靈廟記。在本觀。唐開元二十年。李泚撰。使者靈驗記。在太平觀。開元二十年。張靈官記。在太平觀。南唐徐鉉撰。祥符觀真人廟記。保大二年。南嶽朱陵道士倪少通撰。東林寺碑。集古錄云。唐李邕撰并書。開元十九年立。在東林。復東林寺碑。集古錄云。唐崔黯撰。柳公權書。以大中十一年立。在東林。佛馱舍利碑。集古錄云。唐李湜撰。明乾節書。述東林興立本末。在東林。大孤山賦。集古錄云。唐李德裕撰。周墀篆書。會昌五年刻。李德裕有記。同刻在廬山東林寺。東林寺碑。銘寺有晉唐目來碑刻及諸塔銘。慶元己酉。經回祿之禍。開有存者。西林寺道場碑。在本寺。隋大業十三年。歐陽詢撰。唐顏真卿題名在道場碑文之上。唐西林齊明和尚碑。在本寺。大和六年。唐大中題名在道場碑文之陰。唐江州刺史裴行諷作記在齊明和尚碑陰。大中十四年。唐興果寺湊公塔。元和十二年。白居易撰碑。唐宏和尚石墳。元和十年。白居易撰碑。唐韋應物蒲塘驛詩。在德安縣驛中。玉清觀碑。在瑞昌縣本觀。僞唐甲戌立。陶狄碑。在彭澤縣南門。唐景龍中。馬

澤撰江州司馬廳記元和十三年七月八日白樂天撰江州南湖隄銘李翱撰顏魯公祖亭碑事見祖將軍廟下唐狄梁公碑在彭澤縣唐皮日休撰錢雅書潯陽志曹訓序

吉州碑記

大業碑又謂之故州碑吉水縣東北二十五里有故城續通典云故州城堞尙存半沒江中有龜趺在沙磧有石碑半在江秋冬水清人謂尙見大業等字香城寺碣唐皇甫湜作在郡西景德寺王藹墓碑唐平盧節度使王師範之子也事見古跡下輔順廟碑在永和鎮有周顯德五年碑廬陵縣令廳壁記唐皇甫湜撰靖居寺碑在廬陵之青原山有大中五年段成式記及天寶六載大和尙碑國慶寺經藏記在廬陵有唐大和四年經藏及開成四年郭京記顏魯公眞卿題名在廬陵之青原山靖居寺吉祥院記在廬陵縣西六十里今名寶嚴院有南唐保大十五年薛良記元寂禪師塔銘在吉水縣之龍華寺韓熙載撰朱陵觀碑在吉水縣南八十里碑徐鍇所撰齊芸亭碑在安福縣西九十五里有芸亭碑齊永明二年立其文磨滅唐李昇石刻李昇仕唐爲安福令有讀書齋石刻今存劉史仙壇記唐成通劉史撰禾山大舜二妃廟碑在太和縣南唐西昌令張翊撰紫陽觀新興佛碑在太和縣南唐西昌令張翊撰白鶴觀碑在太和縣西二里徐鍇撰吉州刺史廳壁記皇甫湜文廬陵香城寺碣皇甫湜文岑夫人誌集古錄云不著書撰人名氏夫人南陽人適隴西董淑碑以廣德中立段成式廬陵官下記二卷見唐藝文志顏魯公廬陵集十卷見令狐綯所撰墓碑廬陵志周必大編集

贛州碑記

天竺寺白樂天詩在水東三里。白樂天贈韶光禪師墨跡。舊存眉山。老蘇嘗至寺觀焉。後四十七年。東坡南還再訪。惟見石刻。因賦詩云。香山居士畱遺跡。天竺禪師有故家。空詠連珠井。疊壁已無飛鳥及。鷲蛇唐鍾紹京書。城東五里。惠雲院。有臨池禪院四字。乃———。大覺禪師塔銘在贛縣東北一百二十里。有唐長慶四年。大覺禪師塔銘。李渤爲銘。柳公權書之。又有郡守唐拔銘。及大寂師塔銘。亦權德輿筆也。廣澤廟碑。廟在贛縣儲潭山之麓。廟中石刻。有唐時州刺史裴譔祈雨感應碑。天王廟碑。在州衙後門城樓上。唐咸通二年。刺史李振撰。唐代石刻無恙者。惟此。福田院碑。在零都縣。有唐咸通中。進士楊知新重修寺記。崇福寺碑。在寧都縣東隔江院。有修寺碑及食堂二記。皆僞唐時郡人衷倫文。李後主重陽詩。在寧都之桃林寺。寺有李後主重陽詩。及禪月晝十八羅漢。孫志康題名。真跡存焉。安國寺記。寺在寧都縣西八里。有五代末御史大夫倫安國寺記。嘉濟廟碑。廟在水東五里。廟有唐進士楊知新。僞吳薛光範二碑。南唐徐鍇碑。舊在天慶觀。又有徐鍇施造石磬。仍爲之銘。景德觀碑。在州之景德觀。徐鍇爲之記。徐鉉篆額。章貢舊志曹訓序。

興國軍碑記

唐重巖寺記。在軍城景德寺。唐大和元年。舒元興撰。唐白巖寺記。在永興縣西北白巖寺。乃唐尙書右僕射中書令杜正倫撰。江夏費冠卿書。富川志潘廷立序。

臨江軍碑記

毛玠之墓碑郡城西有風義堡昔年進士陳京于園中掘得斷碑有———五字天慶觀殿額南唐徐騎省書曰金闕寥陽之殿今有石刻天慶觀記在軍城之天慶觀南唐徐騎省爲記戲魚堂帖帖十卷元祐中寓客劉次莊摹淳化禁中本而刻之次莊又自爲法帖釋文十卷其帖今與潭帖武岡帖並傳

建昌軍碑記

唐麻姑仙壇記集古錄云唐顏真卿撰并書碑以大歷六年立在南城縣唐小字麻姑壇記集古錄云唐顏真卿撰并書記文及刻石年月與前帙所錄者同而字甚小唐鄧天師碣靈昌郡太守李邕撰唐大德和尚石塔碑銘并序白居易撰唐南城縣客館記獨孤及撰唐鄧先生墓誌銘鄭畋撰唐南城縣羅城記刁尚能撰南唐盱江亭記韓熙載撰建昌軍圖經李宗諤編盱江志胡舜舉序

南安軍碑記

橫浦前集楊邦彥跋橫浦後集方崧卿跋開鑿大庾嶺路序見張子壽集有云初嶺東廢路人苦峻極開元四年冬俾使臣左拾遺內供奉張九齡緣磴道披瀆叢相其山谷之宜革其坂險之故

揚州碑記

龍興寺謹律和尚碑號四絕碑九域志云在龍興寺李華文張從申書李陽冰篆額時人謂之四絕碑姚崇立碑紀德淮南都梁山倉記沈亞之撰漢俞鄉侯季子碑集古錄云隸書不著書撰人名氏其碑但

曰來居此邦不書郡縣之名不著所立年月今在揚州大唐岐國杜公淮南遺愛碑銘楷載之文大觀九域志劉彥序廣陵志鄭少魏序揚州詩秦觀編

真州碑記

石帆銘宋中書舍人鮑昭文梁孝敬寺刹下銘并發願文二碑亦在靈巖山法義禪院顏王墓碑在揚子縣十都顏王村墓前有碑碣字畫磨滅冶山祇園寺碑在六合縣東北有唐開元二十二年建寺碑唐正晦先生碑先生姓陳名融正元五年東平呂溫述唐靈居寺碑在六合縣西北靈居寺有唐大和四年碑進士河南孫叔矩文冶山寺碑在六合縣冶山寺寺有碑其來甚久三絕碑即發運司東園記也歐陽永叔文蔡君謨書蔡君用顏筆而作豬體故號三絕

楚州碑記

漢東海恭王廟碑在山陽縣有碑斷裂僅有數十字云東海恭王祠唐得寶記楚州刺史鄭輅撰舊有碑今在寶應縣唐娑羅木碑在淮陰縣南大甯寺唐開元十一年海州刺史李邕文并書娑羅碑陰刊上海州李使君狀唐淮陰縣令張松質書趙悅遺愛碑集古錄云唐楚金撰不著書人名氏此碑淮陰所立天寶十四載刻開元聖像碑集古錄云唐陳知溫書開元二十九年元宗夢人告之曰吾汝祖也有像在京城西南百里可求之當見汝于興慶宮得之于盤屋山此碑以天寶元年淮陰太守李暉所建彌勒尊佛碑在淮陰縣南大甯寺垂拱四年宋甯積文發運使蔣之奇題碑陰曰寶積碑字字奇古惜乎不載名氏

也。龍興寺碑寺在清風門裏。舊有斷碑。白鶴觀碑觀在山陽縣治之後。五君子帖蘇子瞻黃魯直秦少游張文潛鄒志完與節孝徐仲車往還詩簡也。知州向洹刻于郡齋。今在楚觀。米南宮帖元章爲澠水軍時。與賀方回王彥周諸公往來帖也。新建學記慶歷二年。宋景文公鄆文。淮陰侯廟記蘇載文。開禧守禦事實合肥鈔本。今刻之山陽記。

秦州碑記

東都天女寺尼性空大師塔銘唐元和六年。給事郎于志言文。潁州庾府君夫人徐氏墓誌在務本坊。乾道六年。武烈帝廟飾土築墻得石。乃唐元和十一年刻。好事者模數十本。復藏故處。李陽冰碑在城隍廟。妙慈和尚塔銘斷缺不見。歲月云。旣濟文。而缺其姓。吳陵志萬鍾序。

通州碑記

與亭記鄭繹撰。崇州文宣王廟記王隨撰。海門興利記沈興宗撰。崇州廣教院記王隨撰。

滁州碑記

李庶子泉銘集古錄云。唐李陽冰撰并書。鑿泉琅琊山。勒銘于泉之側石上。其傍又有陽冰別題十八字。皆目大歷六年。刻在滁之琅琊山。歐陽公謂學篆者皆云陽冰之跡。世多矣。無如此銘者。中更兵燹。古刻散失。後再刻于郡齋。懷嵩樓記李德裕撰。琅琊溪述唐大歷六年。刺史獨孤及撰。琅琊溪記唐祕書郎劉溥撰。寶歷寺記唐正元三年。崔祐甫撰。白知節告身石刻今琅琊寺有唐滁州刺史白知節告身石刻。乃

開元十七年也。新興院講堂碑在全椒縣之新興院。唐顏元孫撰。林希望白鶴碑作于唐景雲元年。在全椒縣之白鶴觀。侯並寺古碑在全椒縣之侯並寺。醉翁亭記歐陽公文。東坡書。今再刻。而舊本僅存十數字。醒心亭記曾南豐文。豐樂亭記曾南豐文。曾子開慶歷集曾肇守滁。取慶歷目前滁陽事迹之見詩文者。爲慶歷前集。慶歷以後見于詩文者。爲慶歷後集。

高郵軍碑記

寶嚴院石刻在興化縣舊縣治。唐大順九年置塔基。礎石有刻尙存。南宮米公碑詞云。澤國之女。嗜膚麗筋。不就。有韓之子。氏不顯于一時。名可揭于萬世。新建高郵軍城記。梁周翰撰。禪居寺五百羅漢殿記。紹興四年。太歲丁丑。漣水軍使米芾書。掩關銘。秦觀。元豐初。舉進士不中。退居高郵。杜門却掃。以詩書自娛。乃作掩關之銘。高郵志無編集人姓名。高郵詩。秦少游編。

盱眙軍碑記

唐先福寺聖井碑在古盱眙先福寺。舊有碑。漫不可攷。額篆。唐正元寺碑。上有唐翰林學士吳道微數字存焉。磬泉在古離宮西南杜家山側。上有石刻。曰——。繡巖堂碑。米芾書。唐法華和尚焚身碑。在招信縣彭村市南妙明院。都梁志。都梁詩。並雷履序。都梁續志。都梁續詩。並耿與義序。

廬州碑記

廬州重建巢湖太姥廟記。唐龍紀元年。那甚夷撰。今在巢湖廟中。唐旌表萬敬儒孝行狀碑。大中十三年。

知州盧潘立。今在孝義坊。南唐重修巢湖太姥廟記。保大二年立。今在巢湖廟中。新開肥河記。開寶四年立。今在布政坊。廬州五縣均田記。開寶四年立。今在布政坊。唐盧潘四辯。謂左傳中廬在襄陽之宜城。不當曰廬爲中廬。振廩同食。亦在楚莊王所都之處。不當命廬江之館曰同食館。又謂爾雅。歸異出同曰肥。不應指夏水與肥水合。羣帥囚于治父。乃在荆襄。不應在廬江。浮槎寺八紀詩集。古錄云。唐沙門僧皎然撰。不著書人名氏。凡詩八首。不著刻石年月。在廬州浮槎山下。李翱奏田稅表集。古錄云。不著書撰人名氏。碑目寶歷元年立。霍公修齋記集。古錄云。不著書人名氏。其文但稱滑亳節度使霍公。而不著姓題名。附在廬州。梁公德政碑集。古錄云。唐崔錡撰。章玩書。薛益篆額。碑以大歷四年立。咎繇碑。皮日休文。有云。太史公曰。禹封咎繇之後于英。六日休道出英六城下。厥祀存焉。乃再拜于廟庭。退而碑之。請樅陽少尹刊于壁。梁縣定光院金剛經碑。其碑八九段。甚古。衣錦亭記。天禧間。張君房作。以馬亮兩守鄉國。故名。又有衣錦坊。浮槎山水記。歐陽修今文在福嚴寺內。李伯時山莊記。東坡嘗書李伯時山莊圖後云。伯時作龍眠山莊圖。自西而東。凡數里。其可游者。凡二十處。子瞻爲之記。子由有詩二十首。韓駒子蒼又從而和之。亦二十首云。新合肥志。帥李大東郡文學劉澹然序。

安慶府碑記

唐李習之題刻在山谷寺。見張商英游潛山記。法華院額在桐城。乃唐宣宗御書。唐太平興國寺碑。乃顯露年開碑。圖經載爲薛稷書。又有唐隸碑。亦有古法。唐天柱山司命真君廟碑。大歷八年。舒州丹霞府新

泉記保大二年。潛山真君廟左真人仙堂記開成三年。張處白撰。皖山祠禪唐永淳元年。太湖縣尉劉嘉哲撰。劉師憲書。山谷寺璨大師碑銘唐寶應元年。房瑄文。徐浩書。山谷寺智禪師銘唐大歷八年。獨孤及撰。張從申書。三祖大師碑陰記唐咸通二年。張彥遠撰。黟令祠堂記開成五年。開元寺碑陰記南唐順義九年。李宗撰。喬公亭記篆法甚古。保大十三年。徐騎省記。周將軍廟碑保大十三年。徐騎省記。山谷寺三祖大師偈唐御史中丞包佶撰。建中三年立。文宣王廟碑序徐龍門寺記徐九疊松讀徐保大中勅書石刻在三祖乾元寺。四面山大中寺唐碑在太湖縣北十五里。寺有古碑。題大中十三年建。咸通五年重修。又大觀中。知太湖孫鷗記云。大中帝者。宣宗也。其徵時。嘗避禍祝髮爲比丘。周遊天下。築庵隱于是。同安志錢紳編。續志蔡時編。舒州新堂銘李翱撰。四絕碑集古錄云。唐李陽冰篆。并李華文。張從申書。雙溪院碑集古錄云。南唐徐鉉撰。并篆記。碑目南唐保大十三年立。靈仙觀碑長編云。興國七年。舒州懷寧縣有老僧。詣萬壽山取寶。掘得夥石。刻誌公記云。吾觀四五朝後。次丙子年。趙號太平。二十一日。僧忽不見。州以石刻來獻。六月甲戌。詔舒州修司命真君祠。號曰靈仙觀。九朝通略云。太平興國四年。嘉州亦有石文云。趙二十一日。

蘄州碑記

杜公生祠碑集古錄云。唐張瓘撰。史惟則八分。碑以乾元二年立。在蘄州。唐太守杜敏生祠碑見九域志。唐震覺大師碑白居易文。見九域志。唐戴叔倫撰。曹王泉出師碑在黃梅縣東一里。五祖院衆造寺。蘄春

志丁光遠編

和州碑記

和州刺史廳壁記在設廳西。唐劉禹錫文。其略云。歷陽古揚州之邑。于天文直南斗魁下。在春秋實吳之封。後爲楚所取。秦併天下。以隸九江。而亦爲九江治所。晉平吳。復隸淮南。至永興初。因析爲郡。而益之以烏江。宋建臺。目爲南豫州。又益之目龍亢。梁之亡也。北齊圖霸功。擁正陽侯湖明目歸。王僧辯來迎。會于茲地。二國協和。故更名和州。唐劉禹錫和州詩在設廳東。唐劉禹錫陋室銘。柳公權書。在廳事西偏之陋室。唐李思聰雞籠山詩在小廳東。唐李白天門山銘。御史邢夢臣書。在小廳東。唐柳公權書金剛經。在舍山褒禪寺。唐李陽冰篆西楚霸王靈祠額。在烏江廟。唐張翺白字碑。在烏江廟。唐李德裕項亭賦。在烏江廟。賦云。望牛渚之蒼然。嘆烏江之不渡。思項氏之入關。按秦圖而割據。恃八千之剽疾。棄百二之險固。咸陽不甞。王業已去。雖未至于陰陵。誰不知其失路。恥沐猴之醜詆。乃烹韓而泄怒。謂天命之我欺。何霸王之不寤。唐姚闢烏江圖經詩在烏江項王廟碑陰。李宗重修碑在烏江廟。南唐保大中碑在烏江廟。舊圖經治平閒。余從周修。新圖經程九萬序。

黃州碑記嘉定兵火後石碑多焚毀不存

圖經李宗諤編。齊安志厲居正編。齊安集許端夫編。齊安拾遺許端夫編。齊安故實王中實編。春亭記韓瑁爲亭。魏公記之。其後魏公因黃人孫賁來見。感念作詩。有嘗念春亭記。烏敢示不朽之句。賁以魏公詩

刻石東坡爲之記云云。

濠州碑記

唐彭晁禹廟記記大略曰昔禹治水之日會于塗山則此地是也今禹會鄉因茲而立今有禹家夏家者皆是禹之苗裔元和十四年彭晁記唐勸栽桑碑在定遠縣門外唐大中十四年濠州刺史侯固奏乞令人廣栽桑而官司無收稅唐杜亭碑在鍾離縣西七十里遺碑村元和中太常寺協律郎杜牧作今碑尙存州碑古篆世傳以爲李陽冰書按唐地理志州舊名蔡至元和三年始益之以水從濠是時李陽冰沒已久矣或云元豐中郡人錢叔獻見一石刻云濠州碑及開元寺碑皆江南韓熙載書智源禪師塔銘元和九年立在鍾離縣西南九十里今爲廣慧寺唐張皓禪窟寺碑在定遠西北三十里太平興國禪院唐應福寺彌勒佛記咸通四年立在城中之乾明寺唐勸農勅集古錄云不著書人名氏唐宣宗時濠州刺史侯固奏言其州以桑爲稅民患伐去之固勸使栽植請除其稅勅依其所請并李宮請立石狀同以大中十一年立

光州碑記

漢遺愛廟碑期思遺愛廟在固始縣西北七十里昔楚莊王封孫叔敖之子於寢邱建廟期思歲久祠宇隳壞漢延熹三年固始縣令段君復爲立祠且刻其事于石碑畫今存元豐八年勅以遺愛之碑爲額阮之武詩云楚續光輝存簡策漢碑突兀銷期思風雲會合當年事簫鼓喧闐此日祠弱嗣負薪廉節著怪

蛇膏劍德名垂，廟封又見標遺愛。子產陰靈想已知，梁大同七年石柱記在城北二十五里之中。晉明寺上有鐫記，于酉字上漏一字，圖經遂改大同七年爲天監七年。象之謹按：天監七年，乃是戊子，大同七年則爲辛酉，當作大同七年。唐刺史郭道瑜德政碑，九域志。新浮光志。褚孝錫編。

無爲軍碑

晉人書法在寶晉齋，巢縣大力寺掘地得碑，其碣云：地去巢城十里分，招提名目古今存。風磨斷礎痕，黯黯雨剝殘碑點盡昏。一道澗聲飛石壁，兩邊山色鎖雲根。杜鵑花裏啼幽徑，往事依稀似訴論。紫微洞有唐人題刻在巢縣，洞內有唐人杜子春等七人。正元二十一年磨崖。阮戶部有詩云：一溪流水過雙池，池外三峯雲四垂。行到唐人題字處，紫微巖下立多時。常取水以淪茶，有詩云：紫翠山圍小洞天，洞中石下有寒泉。他年誰補茶經闕，合在康王谷水前。巢縣紫微觀隋碑，隋開皇十四年。劉穎製銘云：廬州襄安縣紫微館晉咸康四年，會稽道士王妙才之所剏也。其碑敝剝難讀。南唐重建巢湖神廟碑，保大二年。廬州刺史周鄴記。唐白將軍廟碑在巢縣，元和七年立。其略云：昔姚萇有不臣之迹，堅怒乃詔白將軍虎斬萇。虎戰敗力窮，沈于濡水，而堅亦敗績，爲萇所殺云。

安豐軍碑記

東漢孫叔敖廟碑在安豐縣東三里，孫叔敖廟。八公山廟碑在壽春縣北四十里八公山廟，前有碑，乃齊永明十年立。宋武帝受命壇碑陰在宋武受命壇。唐楚王祭淮壇碑在壽春縣北四十里，唐永泰元年立。

壽州刺史張公度去思頌大歷十年起居舍人趙運文王湍書春申君碑皮日休文有云春申君憂刑不勝目身市奇計不曰忠乎荆太子既去歇孤在秦其俟刑待禍若自屠目當饒虎不曰烈乎然徒都于壽春失鄧塞之固去方城之險捨江漢之利其爲謀已下矣猶能目吳爲宮室目魯爲封疆春申之力哉萬勝岡新城錄沈亞之撰壽州團練廳壁記沈亞之文

衡州神碑圖經無碑記門而碑記散見諸處年月無考

神禹碑韓文輟樓山詩云輟樓山尖——字青石赤形摹奇科斗拳身蘊葉披鸞鳳泊擊虎螭事嚴迹祕鬼莫窺石柱在耒陽縣西五十里其上有字今磨滅所可識者天寶之字而已唐文學儒林碑有大唐文學儒林碑銓德觀碑上有開元二十年衡州司馬趙頤真漢桂陽周府君碑上載東漢耒陽人谷明爲九真太守明旣爲耒陽人則碑疑在耒陽縣又有周府君碑聶氏墳石誌在衡陽縣西九十里羅彥墓碑在耒陽縣西南二十里谷所墓碑在耒陽縣東北五十里墓碑云延康五年葬于此元次山茅閣記在子城西永泰二年記元次山寒泉銘在平陽江口東巖記在合江亭東正觀五年刺史宇文氏記西谿記在合江亭宇文氏有銘衡陽志宋剛仲序吳九真谷府君碑集古錄云隸書不著書撰人名氏碑以鳳凰元年立在耒陽臨海谷侯碑集古錄云隸書不著書撰人名氏碑亦無年月不知何時立也在耒陽

永州碑記

大唐中興頌在祁陽浯溪石崖上元結文顏真卿書大歷六年刻俗謂之磨崖碑又按練潛夫熙甯開作

笑峴亭記曰：次山文章道勁，魯公筆畫渾厚，皆有目驚動人耳目，故中興頌寶之。中州士夫家，而潛溪之名，因大著稱。嶧臺銘集古錄云：唐元結撰書，不著名氏。嶧臺巨石也。銘目大歷二年刻。又有唐亭、東崖、潛溪、唐廡四銘，皆結撰，真書，不著名氏。大歷六年刻。朝陽巖記元結所刊記，尚在巖下。自唐迄今，名公畱題，皆饒于石。小磨崖山谷潛溪詩，後人目爲——又王明清揮塵錄云：崇甯三年，黃魯直竄宜州，泊于零陵，時外祖曾空青坐鉤黨，先徙是郡，約遊潛溪，觀中興碑。太史賦詩，書姓名于詩左。外祖止之云：某方爲流人，豈可出郊。公又遠徙，豈可不過爲之防。太史從之。但詩中云：亦有文士相追隨，蓋爲外祖設。張文潛中興頌碑，張文潛詩云：玉環妖血無人掃，漁陽馬厭長安草。潼關戰骨高于山，萬里君王蜀中老。零陵志：張挺序，潛溪前集李仁剛編，潛溪後集侍其光祖編。

郴州碑記

義帝碑 在義帝廟

道州碑記

漢故平郡侯相蔣君之碑，在營道縣南三十里荆山。漢故綏民校尉騎都尉桂陽曲江長熊君之碑，在營道縣北四十里龍村。無爲觀鐵磬文，在修真第二壇，無爲觀，其文云：齊永明十年四月五日，國主爲一切舍識，造鐵磬十二枚，無爲洞篆刻。洞在寧遠之舜溪碧虛洞。元次山名。正元閒李嶠篆，在寧遠之永福寺東。元次山永泰二年題名，在寧遠紫虛洞。柳子厚記。後人集徐浩書，再刻。道州刺史廳壁後記。刺史呂溫。

撰唐永徽甲寅碑在天慶觀。唐周魯儒碑在江華薦福寺。唐太和六年立舜廟狀舜祠表。圖經云。江華令翟君善篆籀。元次山陽華巖銘。宸樽銘。舜廟狀舜祠表。皆其所書。舊碑在懷古亭西。石上有州刺史河內字。又有前江華令翟令問書石之趾。有二三十字。末有大歷字。八分書也。九疑圖記。永泰丙午。元次山撰寒亭觀元結撰。翟令問八分書。亭在江華縣。宸樽銘元結撰。翟令問書。陽華巖銘元結撰。翟令問書。已上三碑。并永明二年刻。集古錄云。道州律令要錄序。呂溫撰云。此州法吏何洛庭。良士也。溫與其撮要講其義。書于廳事。含暉巖記。唐劉夢得文。天皇元年舜碑在玉瑄巖。春陵志。章穎序。

寶慶府碑記

古刻無釋。菜文在郡學。濂溪周先生文。修學記在郡學。廣漢張栻記。武夷胡宏記。邵陽志。淳熙壬寅。教授李章之序。邵陵類考。郡守鞏嶸序。

全州碑記

二妃廟記在清湘縣南。漢初平二年建廟。唐元和間。柳宗元記。盤石廟記。黃庭堅文。并書。

桂陽軍碑記

盤王舊經見于太守題名。韓張亭碑在臨武。龍川廟碑在藍山。桂水集見桂陽志。太守題名下。未知編集人姓名。桂陽志。教授鄭伸編。

武岡軍碑記

柳子厚武岡銘見柳文。都梁志鄭昉序。

茶陵軍碑記闕

江陵府碑記

孫叔敖碑卽楚相孫君諱饒。字叔敖。縣人也。碑以漢延熹三年立。鶴雀賦碑在枝江縣楊內翰宅。係草書。前有隋大業皇帝序云。陳思王。魏宗室子也。後題云。黃初三年二月記。晉公安縣二聖記。永和年間。晉人王粲記。婁至德如來聖跡。曹子建碑在枝江。楚莊王廟記。羲之書。倚相碑。羲之書。唐明皇注老子碑在城西。開元觀。乾道五年。張孝祥移于府治。三公廟碑。唐呂誼。且陶侃。羊祐。杜預三公。聚爲一廟。後又祀誼于其西。元結爲之記云。韓文公題名石刻。江陵志云。愈爲江陵法曹。當時之題名石刻存焉。唐武士護都督。荆州碑。按江陵舊志。載武士護。正觀中。爲荆州都督。有白狼嘉禾出境內。太宗手勅褒美。此碑。開禧丙寅後。因修大軍倉。得于地。已碎裂。今因見存者。載之。後梁宣明二帝碑堂。劉禹錫撰。又作詩云。玉馬朝周從此辭。園林寂寞對豐碑。千行宰樹荆州道。暮雨瀟瀟聞子規。荆南節度判官廳壁記。皇甫湜撰。枝江縣南亭記。皇甫湜撰。白石驛碑。歐陽公集古錄云。江陵北四十里白石驛。蓋驛側數里。有後梁宣明二帝墓。唐相蕭嵩爲其祖立碑于驛之北。因名。唐楚王堤記。正元十年。沙門貞裕集晉王羲之書。唐江陵尹呂誼廟碑。衛密撰。顧誠書。唐江陵尹呂公表集古錄。唐元結撰。顧誠書八分。碑目肅宗元年立。在江陵府呂公祠堂中。城西開元觀斷碑。查藻詩云。斷碑最愛開元時。上有模糊五千字。法華臺記。在枝江縣法華臺。至

道三年春，鄭文寶掘地曾獲——古帝寺碑在潛江縣二十里東北，寺內有斷碑一截，其字磨滅不可讀。江陵府官石幢記，唐正元十年，吳仲舒纂，元豐六年，得之于金鑿寺，亦有黃魯直題，帥王師心移置于杞梓堂下。經藏修造記，在龍門山外金鑿福昌禪寺，有晉天福六年，荆經藏修造記，見存。南平高王廟碑，周顯德二年，孫光憲撰，今在城西三王廟前。南平高武信王神道碑，王諱季興，葬于江陵縣龍山鄉。乾德六年，陶穀撰。南平高文獻王神道碑，王諱從誨，葬龍山，艾穎撰。南平高正懿王神道碑，王諱保融，葬龍山，陶穀撰。渤海高公神道碑，公諱保勗，陶穀撰。寇萊公祠堂碑，劉敞撰。唐質肅公神道碑，劉摯撰。渚宮故事，李淑部鄂志，載渚宮舊事十卷，唐余知古撰，自鬻熊至唐江陵君臣人物事迹，史子傳記所載者，悉纂次之，今第有五卷云。

鄂州碑記

太宗御書崔顥黃鶴樓詩，石刻在州治。舜帝廟碑，在蒲圻縣北，有斷碑，載二妃事，字漫滅不可攷。隋文帝舍利石塔銘，在州東十里勝緣寺，塔記云：隋仁壽初，文帝目釋迦如來感應，舍利分布天下，建塔百所，是塔爲天下第二。緣果道場博塔舍利銘，隋人撰，近時民家掘地得之。唐閬州武陵縣令翟府君墓銘，正元十一年，碑今在總領所。唐甯遠將軍李公墓銘，正元十三年。唐扶風馬氏墓銘，元和七年。唐胡府君夫人朱氏墓銘，太和七年。唐馮府君綸墓銘，太和七年。唐處士韞墓銘，開成三年。唐姜夫人墓銘，開成三年。唐故鄂闕文墓銘，會昌六年，已上七碑，皆近時掘地得之。今在左軍統制衙。唐寶豐院記，在江夏東六十里。

本唐末貴州刺史王銳母陶氏墳庵有記。乾符四年朱朴撰。今記猶存。唐萊萸山山存制大師碑銘在崇陽之金界院。唐乾符乙未趙譚撰。頭陀寺碑舊碑乃瑯琊王中簡栖文。唐開元六年張廷珪書。今亡。新碑乃江南徐錯篆額。韓熙載撰碑陰。今新碑猶存。黃鶴樓記在黃鶴樓。唐永泰中閻伯理撰。魏萬成書。李陽冰篆額。唐德尖山院塔記在咸寧縣西二十里。唐中和三年朔有古石塔鐫記猶存。李陽冰篆鄂州字。鄂州二字。唐寶應二年李陽冰篆。世傳初篆時鬼神泣空中。士大夫爭摹。目致遠。謂可禦魑魅。吳乾正二年石幢在江夏縣東南五里慈雲院。有石幢刻吳乾正二年重建。又有唐保大開所建殿猶存。鄂州南樓磨崖記容齋四筆云。慶元元年鄂州修南樓。剝土有大石露于外。奇崛可觀。郡守吳瑤見而愛之。命洗剔出圭角。卽而諦觀。乃磨崖二碑。其一刻兩字。上曰柳。徑二尺四寸。筆勢清勁。下若翻書人字。唯存天脚。不可復辨。或以爲符。或以爲花押。邦人至禪飾置神堂。香火供事。或云道州學側虞帝廟內亦有之云。柳君應辰。是唐末五代時湖北人也。其一高丈一尺。闊如其高。而加五寸。刻大字八十五。凡爲九行。其文曰。乾正元年。荆襄寇亂。大將出陳武昌。詔太守楊公出鎮。後云。荆江京漢推忠輔國侍衛將軍居中記。

輿地碑記目卷三

常德府碑記

唐桃源碑詳載溫造所述碑中。唐梁山廟二碑。唐元和四年。董挺撰修陽山廟碑。唐太和九年。刺史劉端夫。賽請陽山神文。又沱潛別有陽山廟。董劉二碑在焉。徐錯方輿記。遂謂梁松征蠻死于此。遂爲其神。樂史寰宇記。亦祖于此。不知後漢書載松征蠻。歸死洛陽。與此所載不同。赤山廟碑在沅江縣東北五十里。——有一言光宅二年立廟。天寶六載改其山爲蠡山。招屈亭碑。唐龍朔中。縣令蔡朝英重修。且刻石以記其事。沈公臺碑在武陵西南三里。光福寺竹林中。今猶存有古碑。題額六字云。重建沈公臺記。碑字漫滅不可讀。記謂沈約爲沅南令。按約傳。未嘗令沅南也。清陵館碑在郡西西明寺。後有臺。云是李陵爲臨沅令。遊息于此。有古碑漫滅不可讀。天慶觀碑乃白雲先生管師復集柳公權體書。字畫端楷。人以爲法。天王院碑建隆元年。丞相范質書。桃源行容齋三筆云。陶淵明作桃源記云。源中人。自言先世避秦時亂來此。乃不知有漢。無論魏晉。係之以詩曰。嬴氏亂天紀。賢者避其世。黃綺之商山。伊人亦云逝。願言躡輕風。高舉尋吾契。自是之後。詩人多賦桃源行。亦不及淵明所以作記之意。按宋書傳云。潛自以曾祖晉世宰輔。恥復屈身後代。自宋高祖王業漸隆。不復肯仕。所著文章。皆題其年月。義熙以前。則書晉氏年號。自永初以來。唯云甲子而已。然余竊意桃源之事。以避秦爲言。至云無論魏晉。乃寓意於劉裕。而借秦以

爲噓耳。桃源石文夷堅志云：建炎三年，鼎州桃源洞石澗有文似天書而字畫皎然可識，凡三十二字云：無爲大道，天知人情，無爲窈冥，神見人形，心言意語，鬼聞人聲，犯禁滿盈，地收人魂，言雖簡而警于人世。桃源山界記集古錄云：唐狄中立撰，徐元書并篆額，開成五年立。襄陽山文集古錄云：唐劉端夫禱陽山文凡五首，不著書人名氏，以太和九年立。武陵北亭記劉禹錫撰，圖經郡守胡介序。

岳州碑記

湘夫人碑岳陽志云：黃陵廟前有荊州劉表題云：——庭有斷碑，晉太康九年立，額題曰虞舜二妃之碑。元和十四年，韓愈過而禱焉，無姓和尚碑報恩光孝寺，舊名聖安，卽柳宗元——所著者也。石壁篆文岳陽志曰：平江縣有昌江山，真人艾君居之，石崖壁立，壁有篆文，夏禹治水，嘗至于此。君山神祠堂記懿宗咸通四年，巴陵令李密思撰，桂陽丞陳玠書。樵桂亭記滕宗諒撰。江心小石詩蛟室圍青草，龍堆擁白沙，護江蟠古木，迎棹舞神鴉，破浪南風正，收帆畏日斜，雲山千萬疊，底處上仙槎。王直方云：此老杜過洞庭詩也。李希聲云：得之于江心一小石刻，潘子真云：元豐間，有人得此石刻于洞庭湖中，而不載名氏，或以示山谷曰：子美作也。今蜀本已收入集，而不紀其得詩之由，故錄其詳于此。黃陵廟碑集古錄云：韓愈撰，沈傳師書，長慶元年立。夏侯宋客墓碑夏侯宋客爲岳州刺史，墓碑見在華容鎮北一里。元次山文，事見鄂州舊圖經。幕阜山記在平江縣，記曰：山有石壁刻銘，上言禹治水登此山，高于平地二千八百丈，周五百里。四絕碑滕宗諒守岳，取岳陽樓古今賦詠，刻石于上。范文正公爲之記。蘇舜欽子美書。

其丹邵餽篆其首時稱——

澧州碑記

雙泉僧石碑寰宇記澧陽縣雙泉有高僧脩行于此有石碑缺落慈雲禪寺碑即澧陽藥山寺唐光啟二年雷滿奏立寺額斷碑尙存香積院古碑在澧陽縣西一里有古冢及古碑漫滅不可讀惟額存三大字曰氏墓誌不知其爲誰氏也藥山牛欄八字古碑不知歲月刻石藥山田朝奉墓銘在石門縣元豐五年蘇頌文柿木成文太平字言行錄富弼言澧州——有——公言今四海靡然未見太平之象請不宣示於外

沅州碑記闕

靖州碑記

唐久視中古碑圖經云元豐癸亥通道于廣西于溪旁得古碑乃唐久視中碑詳見鑿字溪下

峽州碑記

廢汝陽觀碑寰宇記云在遠安縣梁大通五年荊州刺史湘東王繹碑李刺史墓碑隋大業五年葬在廢狼山縣南舊經云墓前有碑篆蓋云南郡太守李巴西墓曹王泉墓在廢狼山縣西六十里正元中——爲江陵節度荊州記云李曹王以江陵節度使死葬焉李家石碑荊州記云縣長南陽張朔撰在廢狼山縣南缺落不可辯李將軍墓經幢在清江北霧洞山李景威嘗事高季興高氏納土守義以死子孫因

家墓傍有經幢可攷。

歸州碑記

古松枝碑在高陽鄉朱家村。碑在樹上去地十許丈。相傳云昭君祖塚碑。石柱廟碑。廟在秭歸縣之長城鄉柏長村。唐黃魔神廟記載唐蘭陵公自右史竄黔南泝峽。夢神將佑助公出郡。紀載甚詳。乾符丁巳。司戶袁循記。今其碑在紫極宮。又有譽鄉磨崖趙公記。及張無盡正訛碑。載李吉甫及寇萊公舟行。皆獲神之助云。玉虛洞碑有唐碑一片。在洞門崖石之下。混元皇帝像。在郡西五里天慶觀。開元二十九年。牛仙客奏置。天寶元年。劉守滔刻之石。唐元皇帝像及唐銅鐘。在郡北龍興觀。內有元皇帝像。及唐僖鳳二年。歸州刺史董寄生所造銅鐘。重十斤。懷忠堂記。至和中。蔣概作————謂戰國距今。作者如宋玉。則止于辨。王褒止于懷。劉向止于嘆。賈誼止于弔。皮日休止于諷。梁竦則悼騷而已。揚雄大儒。猶曰遇不遇。命也。何必湛身哉。不知先生之心。三仁之心也。蔣概有三游洞記。與周茂叔俱游。則處交必端矣。

辰州碑記

銅柱銘在會溪城。晉天福五年。溪州刺史彭士愁。納土求盟。楚王馬希範請于朝以立之。學士李阜爲之銘。五代史謂之彭士然者。字之訛也。當以————爲正。景星寺碑。安福寺。在沅陵縣城外西南隅。寺有盛藏。用所撰寺碑猶存。義蓮塘石刻。澗浦紅旗石壁間。有義蓮塘三字石刻存。瞿柏庭記。長慶二年。刺史溫造。刻石紀其事于桃源。

復州碑記

會景石上題唐朝寶史君名。夢野亭記景祐五年郡守王琪撰。夢野亭詩景祐諸賢所作。蘭亭記葉石刻。太守何公榘刻。陸鴻漸煎茶碑見人物門。陸文學傳集古錄。唐劉冥鴻書。陸羽自敘也。劉虛白以羽自傳。并李陽寫真讚。又爲後敘附。咸通十五年刻石在復州。龍蓋寺碑集古錄。唐徐元弼撰。王辭書。碑以開成五年立。在復州。

德安府碑記

晉董黯墓碑圖經云。卽董城。在孝感縣北一百三十里。昔孝子董黯家焉。故後魏大統十六年。改爲董城郡。然明州慈溪縣亦有孝子董黯墓。唐徐浩所書碑碣。見存當攷。玉碑壁史云。州東十八里有宰相林。卽唐許氏墓。昔人因葬發地獲一碑石。卽孝昌公許君墓碑。治平中。郡守周燮以其石類玉。以爲玉碑。自其墓輓入城。易以他刻。磨去其文。視之。非玉也。鄭麟述止之。無及矣。金泉寺唐碑寺在府西五里。有石浮圖九級。上鐫數百字。周武后延載元年。安陸縣長孫達等所建。唐李聽碑歐陽公集古錄云。聽自安州刺史遷神武大將軍。而史不書。獨見此碑。

荆門軍碑記

蒙泉題詠序由沈傳師而下。得五十七人。朱震序。後梁宣明二帝碑在長林縣南一百五十里。唐韓休撰。沈約墓碑在本軍管通判家。玉泉二碑其一邵子明。其一李安期。玉泉山大通碑唐神武皇帝所題。唐正

元玉泉廟記大理評事董挺三星院石塔刻在當陽縣東莒壩其石柱刻云唐正元十七年韓智壽和尚舍和塔餐霞觀碑在當陽縣之圓臺有一一基乃陳宗遜撰庚遠書碑字剝落其碑中云前梁尙書侍中基州長史云云三王城古碑在當陽縣之綠林山漢王匡王鳳王常之所屯故曰三王城城中有故碑字缺落石馬洞碑在花溪之下清溪之上其廟神卽關王也五代間有斷碑尙存永興觀碑在當陽縣後街唐元和中立唐南泉大雲寺蘭若和尚碑天寶中作唐玉葉詩集古錄云在荆門惠泉寺唐沈傳師李德裕唱和也關將軍祠堂記集古錄云唐董挺撰張儉書以正元十八年立二聖金剛碑集古錄云唐瞿撰并書開元中有史濟者過洞庭遇風將溺潛禱之見二神移其舟于沙上而免由是往來行旅皆禱祠之碑以元和三年立

漢陽軍碑記

晉征南將軍胡奮碑元和郡縣志云在魯山南平將軍黃廣之碑寰宇記云在魯山爲討杜曾刻石以紀事

信陽軍碑記

唐李刺史慕神道碑刺史名鳳在軍城東南隅大歷中爲申州刺史有神道存焉字沒滅不可讀舊圖經教授郎德麟編新圖經郡守關良臣序

壽昌軍碑記

梁武王華容寺碑在武昌。西山唱和石刻在武昌。夏侯宋客慕表唐元結撰。在武昌縣。惠公禪居表元結撰。在武昌縣。窳樽銘在武昌縣。東方山石刻在武昌之東方山。有石刻云。漢東方朔之故隱也。怡亭記將之奇序云。怡亭銘刻于江濱巨石之上。至今存焉。乃永泰元年李陽冰篆。李莒八分書。裴虬作銘。唐令君馬向石門石刻在石門。郭祥正詩云。雙崖屹然起。別蘚認題識。又注云。石刻存焉。退谷銘——序云。杯湖西南是退谷。杯湖銘序云。杯湖東抵杯樽。西侵退谷。北匯樊水。南涯郎亭。

襄陽府碑記

漢元儒婁先生碑舊在穀城。今移在光化軍。漢南陽太守秦頡碑在今宜城縣故牆中。漢郭先生碑在穀城縣。歐陽公集古錄云。歲月未詳。不見書撰人姓名。在襄州穀城縣。東漢襄陽太守胡烈碑。皇朝郡縣志云。在南漳縣之固城。諸葛武侯故宅碣。晉李興撰。魏劉熹學生冢碑。集古錄云。文字磨滅。其間有稱大魏。而有學生名百餘。熹嘗歷穀城。令學者從之受業。而歿者悉葬之。謂之學生冢。在穀城縣。晉南陽太守司馬整碑。晉南鄉太守頌。在今副都統司。墮淚碑。寰宇記云。在襄陽縣東九里。晉羊祜之鎮襄陽。有功德于人。百姓于峴山建碑立廟。歲時饗祭。望其碑莫不流涕。杜預因名曰——。梁改墮淚碑。梁大同十年。太常卿劉之遴撰。今在羊祜碑之陰。梁檀溪寺禪房碑。集古錄云。梁劉建之撰。沙門道安重建。天監十一年立。後梁修峴山亭記。在峴首。陳伏波將軍墓誌序并碑陰。在府治。後周儀同碑。周元年。宇文周碑。今在襄陽縣民董氏家。按通鑿。宇文周立國之初。但稱王。不建年號。至陳武帝永定三年。崔猷建議。請稱皇

帝建年號始改元武成。故此碑但稱元年。則此碑之立當在武成之前。後周席肅公神道保定四年卒。碑今在府治。周襄州靜真觀碑。今在府中。隋鳳林寺與國寺碑。集古錄。鳳林寺碑。庾信撰。又李德林製與國寺碑。隋開皇中立。今在襄陽縣延壽寺。隋啓法寺碑。集古錄云。隋丁道護書。仁壽二年立。隋故處士羅君墓誌銘。在府治。容齋隨筆云。其字畫勁楷。類褚河南。然其父子皆名清。爲不可曉。龍朔二年立。唐啓法寺金銅無量壽像碑。張昌齡文。永淳二年建。碑今在襄陽之龍興寺。唐阿陁經碑。無年月。在襄陽之龍興寺。周襄州靜真觀碑。何彥先撰。登封元年立。碑在府中。武后時碑也。唐旌表尹孝子碑。張柬之文。萬歲通天二年立。今在府中。集古錄云。天寶五年立。唐襄州編學禪寺碑。章承慶撰。鍾紹京書。開元二年立。集古錄云。在襄州。今在轉運司愛峴閣下。唐裴公碑。開元八年建。在峴山。唐靳公遺愛碑。張九齡撰。在峴山。唐獨孤府君碑。集古錄云。李邕撰。蕭誠書。誠書世多有。而此尤佳。碑今在峴山。唐金剛經石幢。唐開元二十六年建。碑在龍興寺。唐故襄州處士孟君墓碣銘。唐樊澤撰。碑今在谷隱寺。唐放生池石柱記。集古錄云。天寶十載。李愷記。在府城小北門外。唐宣城驛記。元和十四年。韓愈撰。唐新學記。正元五年立。盧羣文。在府學。唐侍中王粲石井欄記。集古錄云。正元十七年。于頔撰。胡鉦書。上元二年。來瑱移井欄。置于刺史官舍。故甄濟撰。彭朝議書。碑在都統司。樊公遺愛碑。李絳撰。元和八年立。在子城中。唐高廟詩碑。會昌五年立。碑在府治。唐蜀丞相諸葛公碑。大中三年。李景遜撰。今在隆中。唐漢光武新廟祝文。大中八年。李景遜撰。今在襄陽之八疊。唐羊公及改墮淚碑。大中九年。李景遜重立。碑在峴山。唐置延慶禪院碑。蔣係撰。今在

延慶寺。唐延慶洞行記。唐咸通。蔣係。盧滔等。遊山所題。碑今在延慶寺。唐東海徐公德政頌。李鷲撰。咸通六年。在峴山。唐相國徐公辭立碑表。咸通九年立。在峴山。唐聞喜亭記。趙璘撰記。在子城上。唐故麾雲將軍宋公墓誌。咸通九年立。在張王廟。唐新修後漢荊州劉公廟碑。劉樞撰。廣明二年。碑劉巨容所立。碑在城中廟前。唐改封諸葛亮爲武靈王廟記。唐光化五年。封諸葛孔明爲武靈王。碑今在隆中。唐延慶寺重修法堂碑。碑皆殘闕。今在延慶寺。後梁新修峴山亭記。正明二年記。碑在峴首。石晉新剏臥龍山武靈王學業堂記。李光圖撰。天福三年記。碑在襄陽之伏龍。盧僎碑集古錄云。唐開寬撰。史惟則八分。碑字殘闕。劉棗強碑。唐詩紀事云。皮日休撰。———墳去襄陽郭五里。曰柳子關。襄之人只知孟浩然墓。不知有先生墓。峴山亭記。熙寧三年。歐陽修記。聞喜亭詩。歐陽修撰。在———東坡帖在高齋。諸葛武侯贊。張栻撰。在府治。鄒道鄉碑在府治。

隨州碑記

舜井斷碑。碑字漫滅。唯碑陰有五大夫字餘亦莫辨。相傳秦時。碑舊在舜子巷草間。元祐間。移置州治。今在漢東閣下。元祐丁卯。許覺之記。碑首有詩云。一千二百餘年外。萬古銷磨不可尋。舜子井泉誰記古。隨人閨巷祇如今。隸書字雜科虫體。民爵名存樂石陰。登覽時來醒醉目。也勝他物在園林。漢延熹六年。敬祀頌記。在桐柏山淮濱廟。唐漢東紫陽先生碑陰。李白撰。柳公綽書。碑角殘缺。字漫滅不可讀。碑陰寶歷二年。紫陽先生塔銘。李白撰。碑。寰宇記。在廢光化縣。開元寺。唐賜院額。碑寺今名普安。在城東二里。金剛

經碑亦在普安寺。歐陽文忠公送襄城李令小詩。送張文潛三小簡碑刻在漢東閣下。壁門皆真蹟。東坡墨蹟崇甯改元刻石。今在倅廳。大洪山慈忍靈濟大師碑文楊傑撰。大洪山靈峯禪寺十方記張商英撰。淮濱大字在淮濱廟。舊志林蕤序。新志董之奇志。

鄂州碑記

唐毗沙門天王祠堂記開成丁巳。鄂州刺史崔耿撰。荆山郭橋記正元十年。鄂州長史劉丹記。孟亭記咸通四年。皮日休撰云。先生襄陽人也。說者曰。王右丞筆先生于鄂之亭。先是亭之名。取先生之名。後易之以先生之姓云。又江陵寄居李耆壽。嘉定庚午。于鄂州白雲樓之倉側。得斷石一塊。上有六十五字。乃唐率更體。文理斷續不可讀。其間有孟先生三字。終于波動岳陽城五字。則知其爲孟亭記。今石尙存。風土考古記。教授石才孺作。宋王之宅有井。龜鶴有池。聊屈之山。鹿湖之靈。雨澤應焉。高僧之塔。白乳之異。兕渠懼焉。以至新鄂。肇鄂亭之名。王維畫孟亭之像。李昉創五客之堂。崔耿建天王之祠。皆昔人勝概遺跡。

均州碑記

漢中部碑 漢張來君碑 魏興太守碑在豐利縣。隋章氏神道並漫滅。隋顯崇觀碑。隋大業五年。爲至尊皇后祝壽之所記。銘存于州治。後碑云。大業五年。己巳歲。今五百餘年。觀在鄖鄉縣西二百三十里。大唐威武公廟記。乾道三年。翁洮撰。山南東道觀察傳趙凝立。唐延福寺碑在鄖鄉縣乾明寺。上元元年。王府功曹沈長卿撰。後火焚。碑湮毀。興國中。僧海清于坎招中。依堵墻整之如故。石橋記在武當山落帽峯。

舊魏興郡太守譚義德政碑在鄖鄉縣一百五十里。大唐延福寺浮圖記成甯五年創。沈長卿纂文張元觀書。乾明寺重刊經藏記上元三年建。張士遜述。黃通書。新圖經教授段子游序。

房州碑記

後唐刺史修廡斷碑圖經云自唐正觀十年由竹山徙房陵廡宇其詳莫可考證。近得斷碑數百字有特修廡署壯郡城之氣概。巧安池榭光銜府之威稜。而逸其年月。究其官稱。乃後唐之刺郡者。唐述聖碑在南門外五里田間。唐盧陵王嗣聖元年遷房州。神龍元年復闢故宮爲龍光寺。寺有述聖碑。建中三年立。今斷缺不全。乾溪石壁間有篆書古字。見道隆遊山記。房陵感說皇朝類苑云。感說者不知何人所撰。偶一弊冊中錄之云。熙甯丙辰。襄州通衢一死婦阿毛。其夫楊金。配隸房陵。既死本州。陳請願負夫骨歸葬故鄉。遭時大疫。遂斃于道。嗚呼。轅門之匹婦。豈不知改從于人。免凍餒以苟餘生乎。醜能以義藏中。惻然不憚數千里之遠。負夫骨以歸。此節婦義女之爲。反斃于道。天乎。福善助順之理。信所以難忱也。

光化軍碑記

漢元儒婁先生碑集古錄云。隸書不著書撰人名氏。碑以熹平中立。在光化軍乾德縣壽墓之側。今遷于縣門下。晉南鄉太守整碑集古錄云。晉南鄉太守碑。不著書撰人名氏。碑云。君諱整。字孔修。太宰安平王之孫。太尉義陽王之子。今在光化軍。軍卽夔州穀城縣之陰城鎮。按晉志不列南鄉郡。據此碑所載縣令名氏。有武陵。筑陽。丹水。陰城。順陽。析六縣。此蓋南鄉郡所治也。南陽南鄉人爲之立此頌碑。以泰始四年

立。今移光化軍。又容齋隨筆亦嘗有云。金石刻。有晉南鄉太守司馬整碑。其陰刻掾史以下姓名。合三百五十一。以晉史考之。南鄉本南陽西界。魏武平荊州。始分爲郡。至晉泰始中。所管八縣。才二萬戶耳。而掾史若是之多。掾史旣然。吏士又可知矣。民力安得不困哉。晉順陽王碑。在固王古城。

棗陽軍碑記

唐隨州棗陽縣普照寺毗沙門神素像頌并序 驢驢橋石刻三字在唐城鎮。

廣州碑記

吳隱之貪泉詩在州治廳事東。貪泉碑唐南海別駕陳元伯銘。舊植于泉之側亭上。今徙于廣平堂。廣州都督宋公遺愛碑頌張說撰。公諱瓌。饗軍堂記柳子厚文。南海神廟碑集古錄云。唐韓愈撰。陳諫書并篆額。元和十二年。孔戣重修。南海神祠以十五年立。此碑在廣州南海廟中。圖經云。又有修廟碑。修東西二廟碑。梁羅浮山銘集古錄云。梁肅宗撰。蕭世貞書。大同元年立。廣州古壇。皇朝類苑云。魏侍郎瓚。初知廣州。忽子城一角。頽執得一古壇。壇面範四大字云。委於鬼工。蓋合而成魏也。乃大築子城。未幾。儂智高寇廣。其城一擊而摧。獨子城堅完。民逃于中。獲生者甚衆。東莞縣五百羅漢閣記蘇軾撰。又有舍利塔銘詞并書。十賢贊并後序。蔣之奇撰。州學記王十朋撰。南海志郡守陳峴序。南海文集三十卷。無編集人姓名。

韶州碑記

漢周府君記。府君後漢時。爲桂陽太守。開瀧水。有利于民。當時立碑紀其績。碑在樂昌縣西武溪上廟中。

郭蒼文碑尾云。太和九年重修。歐陽修集古錄。凡三跋尾云。此君漢書無之。今碑石缺。不著其名。靈池山碑碑云。開山和尚靈震。于山頂開池。始興郡記見東漢志。注曲江縣下。唐張九皋碑集古錄云。蕭昕撰。史仲方書。長慶三年立。陸羽題名在仙人石室中。古傳鴻漸管水至此。韶州重修東廳壁記。乾符元年。刺史謝肇撰。新修虞舜廟碣文。唐嶺南東道節度推官謝楚撰。長慶元年立。六祖賜諡碑。唐柳州刺史柳宗元撰。元和十年立。張文獻碑銘。唐嶺南節度經略使徐浩撰。集古錄。長慶三年立。張尙書碑銘。尙書諱仲方。白居易撰。朝陽樓記。皇甫湜撰。余襄公神道碑。歐陽修撰。韶州修衙記。余靖撰。韶州泐溪石室記。余靖撰。韶石亭記。余靖撰。韶州湧泉亭記。余靖撰。韶州真水館記。余靖撰。九成臺銘。東坡。曹溪銘。蘇頌撰。濂溪祠堂記。張栻撰。又州學濂溪祠堂記。朱熹撰。州學張公余公祠堂記。楊萬里撰。朱晦庵韶州學講堂四齋銘。明倫堂曰。天敘有典。匪學弗明。我作此堂。大猷是經。匪忠曷勸。匪學曷程。詔爾學子。永觀厥成。崇德齋曰。尊我德性。希聖學兮。玩心神明。悅修獨兮。廣業齋曰。樂節禮樂。道中庸兮。克勤小物。來膚功兮。居仁齋曰。勝己之私。復天理兮。宅此廣居。純不已兮。由義齋曰。羞惡爾修。勉擴充兮。遵彼大路。行無窮兮。圖經郡守楊祐跋。

循州碑記

唐威惠紀功碑有靈應錄在本廟。唐儀鳳中刻。白鹿石刻。白鹿山。唐開元二十三年。二白鹿出見于此山。因以爲號。時雷鄉縣令杜楚賓斬斯永記。此石刻之文也。後立于龍川縣治。張曲江遺筆興寧縣學二字。

乃曲江公書。模自博羅有年矣。霍山記國朝至和二年。司法朱何作記云。大略峯巒三百七十二。如大佛迹峯。志公樓峯。仙殿前峯。白牛塔峯。大獨石峯。皆峯之特秀者。其靈勝如栴檀彌勒之像。文殊印迹之所。石臼搗藥之聲。浮邱煉丹之竈。靈迹之尤著。其塔廟有蒼蒙靈龜之寺。循陽志翁韶序。

連州碑記

梁廖冲飛昇碑。刺史蔣防立。劉禹錫廳壁記在郡治。元和十一年立。連州燕喜亭記。韓昌黎。

南雄州碑記

張九齡開大庾嶺記在大庾嶺上。唐元傑開東嶺洞谷銘。唐詩紀事云。元傑有真陽果棠寺。開東嶺洞谷銘。并序云。保昌志教授曾恕序。唐修路銘。唐給事中蘇□撰。修大庾嶺奏本朝。廣南東路蔡杭奏。四并堂記并箴。太守潘俠新修。推官張墳記。道院記。太守潘俠新修。黃匪躬記。

封州碑記闕

英德府碑記

衡州刺史蘭欽德碑在縣城外。梁天監七年立。湘東王蕭繹文。其石斷裂。文字磨滅。南巖亭刻記于石壁。集古錄云。唐李蕃撰。周鑾又作到難一篇同刻。李蕃書。元和六年立。在真陽縣。真陽志。在元和七年。唐李蕃文。果業寺開洞谷記。集古錄云。唐元傑撰。元和十一年立。涵暉谷石壁上刻。唐人元傑刻。景德三年。郡守王仲達于石壁間得元傑所刻開洞谷銘。及涵暉谷等字。因建宣聖祠。及置書院于谷中。唐人刻。養茗。

臺字在涵暉谷，唐人刻石，到難篇周鑿文，在碧落洞。南僞漢盤御室記，在碧落洞。乾和七年，鍾允章撰。碧落洞楷書三字，乃鄧克柔書。隸書三字，乃潘侍書。洽光縣開元寺佛頂心經，字畫道勁，似虞柳所書。圖經無編集人姓名。

肇慶府碑記

唐法華寺詩，大和八年，集古錄云：右法華寺詩，唐時越州刺史李紳撰，其後自序題云：大和甲寅歲遊寺，刻詩于壁，詳自序所言，似紳自書，然以端州題名較之，字體殊不相類。唐李邕端州石室記，開元十五年，集古錄云：右端州石室記，唐李邕撰，不著書人名字，考其筆蹟，似張廷珪書，疑廷珪所書也。李文饒題名，集古錄云：唐李德裕題名，字爲八分，稱丙辰歲題者，開成元年也。在滁州，并朗州刺史溫造，長慶三年，桃源宮題名，端州司馬李紳，長慶四年，石室題名，附造題名，在鼎州，紳題名，在端州。陸興慶軍詔，元符三年十月，徽宗卽位，未改元，詔曰：惟高要之奧區，乃南國之舊壤，土風淳厚，民物夥繁，朕誕受多方，紹承大統，願啓封于茲土，實賜履于先朝，茅土之榮，是爲基命，節流之重，宜欽隆名，可賜端州爲興慶軍，郭祥正遊石室記，記曰：洞開其上，則七山建斗，司天之喉舌，其下則澗泉不澆，停碧一杯，窺之毛髮冰，酌之則煩心灰，四傍皆石，乳玲瓏中斂，圓蓋窈窕萬丈，莫窮其崖。李習之題桃榔亭，李習之題云：朝與監察御史章君詞，皆自東京如嶺南約偕行，翱居信安四十餘日，比及江西，章君亦前行矣。上桃榔亭，見章紀姓名，且有念我之言。唐李邕石室記，唐盧鋌陳氏忠孝兩全記，余襄公梁寺丞墓表，嵩臺記，穆瑜撰，嵩

臺集穆瑜編。

新州碑記

唐光府君清德碑在新興縣。笏竹城記紹興二十年。郡守黃濟遣人取笏竹以爲城。環袤一千二百八十八丈。胡寅爲記。見新昌集。新昌集。龍山集。不知編集人姓名。新昌志廖演序。

南恩州碑記

瑞靈山古碑見仙釋門。羅山志黃學序。

惠州碑記

唐博士佛跡記有巨人迹。在湯泉之東。瀑布之西。散印于巖石之上。深者二寸許。瑞像記五代僞劉時。僧惠進作瑞像記。立于中閣院殿側。圖經教授余蠡序。新圖經郡文學黃以常序。

潮州碑記

韓退之題名集古錄云。唐韓愈元和四年題名。在濟源。并大顛壁記附。李公亭記。唐正元十三年立。韓文公廟碑。東坡文。金山石刻。金山有始開金城山及韓山祠記。郡守題名。並刊于石。招韓辭。陳文惠公爲韓公祠。爲文以招之。名曰——古瀛集。帙三。凡著述之關於州常侯。律命編爲集。潮州圖經。郡守常律序。新圖經。教授陳宗簡序。

德慶府碑記

圖經李宗諤編

梅州碑記

州學記滕侯元發守郡。郡學生食不給。民有爭公田二十年不決者。侯曰。學無糧。而以良田飽頑民乎。乃請爲學田。學者作新田詩以美之。三賢堂記元符初。元城劉先生以論事謫于梅。至建中靖國初。去徙于衡。蓋在梅二年有奇。立像於文公之側。與程爲三。續學記南海屬郡。潮爲大。潮之風邑。程鄉爲大。五季僞劉陞其地曰敬州。國初避諱。以梅易敬。周必大記。鼎勑貢院記周必大記。

靜江府碑記

桂林石瑞唐太宗時。桂州獻石瑞文。上有字曰。聖主大吉。子孫五千歲。韓雲卿平蠻頌。九域志云。唐李靖爲嶺南安撫大使。有平蠻頌碑。韓雲卿文。李陽冰篆額。訾家洲亭石記。訾氏所居。訾氏亭記。柳宗元文。隱山六峒記。唐韋宗卿。陽朔縣廳壁記。唐吳武陵。全義縣復北門記。柳宗元撰。修堯舜二祠祭器碑。唐趙觀文撰。新開隱山記。吳武陵撰。隱山六峒詩賦叙碑。唐李渤撰。重修靈渠記。唐刺史魚孟威撰。饗軍堂記。柳宗元文。唐衡嶽道士李彌明詩刻。在唐帝祠。唐大歷磨崖。在舜祠。虞帝廟碑。唐李陽冰篆。桂頌。范成大所作也。桂林以桂名。顧弗植。桂成大始收之。資植之。正夏堂。植已而去。郡爲之詞。幾後之人勿剪伐。見賓州安城志。桂林志。鮑同序。桂林編。黃豈編。劉襄序。桂海志。范石湖序。嶺外代答。周喜序。

容州碑記

元刺史奏免科率狀在郡齋。唐盧藏用碑開元四年。舊在景星寺。今在報恩寺。十洞記吳元英。普甯志司法梁日成編。唐刺史題名序郡守陶弼。王慶曾思元堂詩碑見斷碑門。

象州碑記

石羊山大字石羊山。在武仙縣。上有六行大字。隱約如草書。四傍皆無路可達。莫能辨其真。土人相傳爲仙人留題。象郡志丁世英序。仙巖石刻詳見景物上仙巖下。

邕州碑記

天威經新鑿海派。咸通九年。靜海軍營書記裴鉶撰。唐銅柱銘在左右江。其刻云。銅柱折。交人滅。建武志尹安中編樂公明序。大宋平蠻碑。余靖文。邕州馬退山茅亭記。柳子厚文。邕管雜記。長編。雍熙二年。上覽———歎其風俗乖異。詔嶺南諸州民。嫁娶喪葬。衣服制度。委所在長吏。漸加戒勵。俾遵條式。

昭州碑記

唐明皇丹霄驛詩。刻驛前南面架危橋。久欲登臨畏路遙。今日偶然尋得到。直從平地上丹霄。此明皇丹霄驛詩也。南漢銅佛識報恩光孝寺殿。貯銅佛一軀。趺坐蓮花中。五代僞劉時所鑄。高一丈二尺。闊六尺。座高七尺。縱廣一丈。巨拇圍五寸。他稱之金闍寶障。皆銅所範。妙極精巧。後有識云。維大漢大寶四年。玉白泉石刻在昭平縣龍門峽上。有龍門峽玉白泉六大字。鄒道鄉祠堂記。南軒文。五瘴說。梅摯作刻石在梅公亭云。今觀瘴說。謂仕有五瘴。以急催暴斂。爲賦租之瘴。良惡不自。爲獄訟之瘴。昏晨酣宴。爲飲食之

瘴。侵牟民利。爲貨財之瘴。盛陳姬妾。爲帷薄之瘴。其意以爲有一于此。雖在穀下。有不可道。矧其瀕海之地。表嶺之區耶。得志軒記。鄒浩。張夢立字序。鄒浩。昭潭志。章楫編。

梧州碑記

元結冰井銘。井在州北一里。唐大歷十三年。容州經略使元結過郡。目曰冰井。又爲銘刻石泉上。銘曰。火山無火。冰井無冰。——甘寒可凝。鑄金磨石。篆刻此銘。置之泉上。彰厥後生。吳武陵墓石刻在桂坊橋上。有石刻云。咸通二年七月五日。吳武陵之墓。蒼梧志。薛誠之編。蒼梧集見集賢堂下。無編集人姓名。

藤州碑記闕

潯州碑記

南海乾和白石秀林之記。乾和三年。歲次乙酉。奉勅鑄石。玉皇儀像侍衛九軀。并修金籙齋慶讚記。臣吳可一撰。余襄公學記在慶歷中。詳見修貢院記。潯江志。教授黃鐘序。白石洞陽明觀記。景祐二年立。陳坦然墓記。余襄公撰。龔州廳壁記。鄒陽石誠撰。太守題名記。大觀二年。郡守張浙云。

貴州碑記

懷澤志。教授譚景光序。

柳州碑記

柳州文宣王新修廟碑。柳子厚文。黃柑堂碑。在黃柑堂。柳子厚所題詩刻。今存。乾明寺碑。柳子厚來刺是

邦而建寺有碑。東亭記前人。大雲寺柳宗元碑。見存。柳州山水記前人。柳侯遺碑。學有夫子廟碑。蓋子厚親筆。久仆無聞。淳熙己酉。太守趙彥禮復得舊斷碑。并蓋于學宮草莽間。遂龜于郡治明秀堂。羅池廟碑。韓文公作。集古錄云。長慶元年立。靈泉寺磨崖碑。王安中重修學記汪藻。

橫州碑記闕

融州碑記

唐平蠻刻久。視元年。玉融志楊昱。天下第一真仙之巖。張于湖書。

賓州碑記

韋厥碑。智誠洞。去縣四十里。蓋韋厥所隱之洞也。碑乃廬州刺史章敬辨所撰。葛仙巖三大字。在州西十五里。葛仙巖。安城志吳遠編。

化州碑記

石碑亭。去城六七里。因陵鐵寇平。紀功刻于道左。連山巖。頤立。歲久碑已斷仆。今郡守劉俊。取石于雷陽。重刊焉。唐羅州刺史馮士歲。并妻吳川郡夫人墓記二碑。陵水志劉奕序。譙國夫人廟碑。有行狀刊于碑。碣。蓋高涼洗氏之女也。

高州碑記

誠敬夫人廟碑。石極古。礧錯。雖不平整。而其光瑩然。遇天日清明。迫而視之。可洞見人物往來影。書舊相。

傳，以此碑乃鑿石所製。圖經教授劉棠序。

雷州碑記

伏波將軍廟碑東坡文。有兩伏波。前伏波指路博德。後伏波指馬援也。雷州新學記嘉祐八年。余襄公文。李丞相留題。余謫萬安。行次雷陽。適海南黎寇猖獗。艱阻。留寓天甯丈室。累月。聞官軍既破賊。即日戒行。南渡。次瓊筦。不三日。祇奉德音。蒙恩聽還。往返才一十日。復天甯舊館。建炎三年。歲次己酉。李綱伯紀書。威武廟碑陰記。故翰林蘇公謫儋耳。既北歸。作漢伏波將軍廟記。迨今踰三十年。未克建立。綱以罪謫居萬安。遣子宗之攝祭。默禱于神。異時倘得生還。當書蘇公所作碑。刻石廟中。以荅神貺。時建炎三年。李丞相綱文。雷州城記。胡銓。南軒先生修學記。前記在乾道六年。再記在淳熙四年。

欽州碑記

烏雷廟記。自唐以來。所有碑記。今猶存。廟在城外半里。州學記。南軒張栻撰。甯越郡志。慶元改元。郡守林會序。又簽判廖演序。

廉州碑記闕

鬱林州碑記

隱仙巖留題。在南流縣壁上。有元和十四年來遊字。餘不可考。唐乾符中碑。北戍灘在博白縣西南一百里。馬門灘之下。唐咸通末。安南都護高駢。既平蠻獠。詔歸闕。自海路由合浦而上。經是灘。險不可行。又中

伏巨石，駢因畱俸錢，遺海門防遏使楊俊營治之。至今舟楫通行，人無艱阻。乾符中，俊立碑以紀其事。碑今存焉。鬱林圖志舊記李宗鄂序，新志施坤序。

宜州碑記闕

賀州碑記

龍母廟秦古碑在蒼梧門外，神乃秦人，碑備述靈異。蘇許公烈女碑在廟中，廣陽島石刻碧雲巖，在宮川縣一里巖洞，遠深，石壁絕高，處有石脈成三字，曰廣陽島，遠望分明，近視如擘絮狀。幽山丹甌記太和五年，李邵撰，惠澤侯廟碑在廟。

瓊州碑記

乘桴浮于海賦，建炎元年，李丞相綱自澧移謫萬安軍，已渡海至瓊，而德音聽還，想必是渡海而作也。瓊州學記朱晦公作，見晦公集，瓊管志義太初序。

昌化軍碑記

六無帖東坡謫儋耳，貽書江浙士友云：食無肉，出無友，居無屋，病無醫，冬無炭，夏無寒泉，見瓊管志，峻靈王廟碑東坡文。

萬安軍碑記

瓊州華遠館題壁，李丞相綱以建炎二年，自澧州移萬安軍，十一月二十有五，日南渡，次瓊管，後三日，祇

奉德音聽還。以十二月五日北歸。寓華遠館。凡十日。載惟自唐以來。宰相有罪謫海上多矣。得生還者。以一二數。又皆積年始內徙。而今者往返曾不踰旬。天恩寬大。感極而繼之以泣云。

吉陽軍碑記闕

福州碑記

閩遷新社記集古錄。唐濮陽寧撰。書爲八分。以大中十年立。懷道閣黎頌集古錄。唐李邕撰。并書。碑以開元二十五年立。永福縣無名篆古號仙篆。集古錄云。在福州永福縣觀音院後山下。世俗傳以爲仙篆。人亦有以道家之言譯之者。曰。勤道守三一。中有不死術。亦莫知其是否。今作三巖院。重興院碑在蒜嶺。西有石碑。勒石馬泉三字。水際香積院記。院在水際里。天成三年記。刻石今存。安國寺碑。長興元年。閩王所立。李陽冰篆。在神光寺。般若臺記。刻于華嚴頂。與處州新驛記。緡雲縣城隍記。鏡水忘歸臺銘。世寶之爲四絕。上生院記。在州西南烏石山。大中六年。西院大律師碑。在閩縣大乘愛同寺。于頔書。羅漢堂記。在大乘愛同寺。顏顥書。賈島章敬國師碑。在閩縣方山寺。懷一塔碑。皇甫政撰。在閩縣聖泉院。開元中勅書。在連江縣光化寺。南澗天王寺石像記。正元六年。歐陽詹撰。毬場山亭記。元和八年。馮審記。東山聖泉法華院記。大和四年。劉軻記。懷安縣天王堂記。咸通六年。何蟾記。太姥山記。乾符六年。唐林嵩撰。恩賜琅琊郡王德政碑。乾甯三年。于兢撰。重修忠懿王廟碑。天復元年。錢昱撰。永福縣高蓋名山院碑。乾封歲。王瞻撰。自開元勅書以下。並長樂集。新修神光寺碑。長樂集。咸通五年。李勳撰。雪峯寺無字碑。有客題詩云。一片

如屏紫翠間。風吹日炙。蘇花斑。莫言簡裏無文字。正要常人著眼看。雪峯真覺大師碑。唐僖宗時。黃滔撰。烏石宣威感應王廟碑銘。用契丹年號。陳邦撰。并序。長樂志云。會同十年封。長樂志又云。年號史闕。東陽志。義烏縣真如院碑。吳越會同十年建。洪邁隨筆。載錢氏有年號三。曰天寶。寶大。保正。而無會同年號。象之謹按。通鑿。晉天福三年。歲在戊戌。契丹主耶律德光卽位。改元會同。至後漢天福十二年丁未。整整十年。蓋是歲福州陷于吳越。錢氏是時。錢氏不置年號。只用中原正朔。契丹入汴。故用契丹年號二。浙既用。會同年號。是年福州既屬吳越。故福州亦用會同年號。薛老峯碑。在州西烏石山頂。突起二峯。日向陽峯。咸通中。侯官令薛逢創亭其間。仍倒書——三字。光祿臺碑。在侯官法祥院。有石踞然。鐫光祿吟。董四字。甘棠院記。在州治。錢氏有土日錢。豈爲太守作記。開寶七年。建善寺碑。在長溪縣。建隆四年。吳謹辭撰。太原灘留題。陳武休後序云。永福太原灘。有太原二字。不知何代人書。天寶狀元識碑。夷堅志云。福州福清縣石竹山。乾道三年。居民夜半聞山上有聲如震雷。明旦山頂有大石方九丈。飛落半腰間。縣士李槐云。山下舊有碑曰。天寶石移。狀元來期。龍爪花紅。狀元西東。邑境有石。陂曰天寶。是歲永福人蕭國梁魁天下。永福在福清西。又三年。興化鄭僑繼之。正在福清之東。閩中名士錄。寰宇記云。自唐設科舉場。此州才子登科者甚衆。黃璞築而爲錄。閩中記。慶歷二年。林世矩序。長樂志。梁克家編。

建寧府碑記

唐正觀中石刻在湛盧山。去松溪縣南二十里。分水嶺銘在崇安縣。鐫于岩石上。集公山石刻在建陽縣。

北江先生側管聚徒讀書側與羣弟相繼登第如葉祖洽游酢迺其尤顯者有山齋題名勝果院記天聖中章得象記乘風堂記北苑鳳凰山高處有石鐫爲碣字大尺許端勁有體蓋慶歷戊子柯適記甌粵銘李綱序云惟甌粵之民好鬪相挺爲亂及王師削平其徒盡殲議者謂甌俗生子僅留一二餘悉溺之所殺幾何因果報應理固宜然二說雖殊實相表裏原其不明君臣之義蓋緣不篤父子之恩平居于父子之間無虎狼之仁則臨變故之際貴其守節而不爲亂豈可得哉子所厚者薄則無所不薄因果報應又不論也藥石之言明著勸戒建安志張叔椿序游先生祠堂記朱熹文

泉州碑記

唐暨克華州廳壁記趙曄記席相新六曹都堂記正元十一年歐陽詹撰今謂之僉廳席相北樓記唐正元初歐陽詹撰二公亭記唐歐陽詹撰桃林場記大中十三年盛均撰馬懿公壁記元和二年馬摠撰王氏刺史廳壁記保大五年黃滔撰永春縣記開寶二年立又有江公望多暇亭記刻于碑陰惠安靈光院記天聖八年蔡襄撰萬安橋記莆陽蔡襄記并書高士峯石篆延福寺中有西峯卽唐徵君居處有石篆題曰高士峯柳公權書晉江縣瑞峯院有閣榜曰瞻部靈源之閣相傳——而烏雀不敢棲其上清源集程卓命從事李方子輯爲四十卷真德秀序泉州刺史之數蔣陞王詹事祠堂記本朝建隆改元至嘉祐刺史卓然可稱者端明蔡公一人自嘉祐六年至乾道刺史卓然可稱者閣學王公一人泉州進士題名鄭俠序唐相李深之題名呂夏卿同殿大廷老閱書北臺看唐相李深之題名慨然作詩云一篇論

諫手曾開七字題名拂綠苔。莫道元和最多士。幾人曾訟左軍來。清源集。泉山集。陳從易有泉山集二十卷。事略。

漳州碑記

唐王諷三平大師碑。唐沈懷遠碑。咸通二年。晉亭碑。張登詩云。瀟酒——。陳元光威烈廟記。唐垂拱二年。漳州登科記。元祐七年。清漳集。乾道間。郡守林孝澤編。五代僧楚熙糧料。歷蔡如松峻山南北二峯。靈跡記云。北曰幽巖山。狀如伏龜。乃五代僧楚熙居之。有陳洪進月給糧料。歷藏于巖中。

汀州碑記

唐中丞伍公墓誌。正明元年。舍人張策撰。鄞江志。慶元戊午。昭武李皋詮次。林仲文序。鄞江集。林仲文序。

輿地碑記目卷四

南劍州碑記

仙書石在劍浦縣之東，蕭坑之前，或指爲仙書，潛澹院留題在劍浦妙峯閣上，有蔡襄題字，及李孝彥草書，賈青詩云：溪聲灘外急，草色雨中深。客意自南北，山光無古今。虎頭巖記在將樂縣南，龜山楊時記，鎮國廟中碑見古迹門，寶華院記在將樂縣南十五里，有僞閩王氏鑄銅鐘，天王院留題在沙縣壁間，有唐韓渥題詩，延平志廖挺編，胡舜舉序，尤溪縣新學記，晦翁文。

邵武軍碑記

王氏石銘，夷堅志云：邵武人危氏者，大觀二年，葬其親于郡西塔院下路傍，踰月雨過，視墳側隱然有痕，掘之得銀酒盃二，銅水缶及鏡銘一，又得埋銘石，其文曰：琅琊王氏女，江南熙載妻，丙申閏七月，葬在石城西，諸器皆依古，而制度精巧，非世工可及。更隱堂銘，葉儀鳳撰云：樵溪之水清澈玉，樵嵐之山翠可掬，溪水之湄山之足，上有寒梅擁修竹，武陽志高光編，葛鷲序，樵川集黃璋序，李丞相祠堂記在軍學，晦翁文。

興化軍碑記

石敢當碑，慶歷中，張緯宰莆田，再新縣治，得一石銘，其文曰：石敢當，鎮百鬼，壓災殃，官吏福，百姓康，風教

盛禮樂張。唐大歷五年。縣令鄭押字記。今人家用碑石書曰。一一一三字鎮于門。亦此風也。仙篆石在蒲田縣北十里陳岩山。巨石坦平。文跡縱橫若篆書。方叢陳巖詩云。蟲文鳥篆不可識。如讀胸腹神禹碑。石碑在蒲田縣南十里嶺上。有石平闊數尺。上有鳥跡書文。不可曉。中峯庵記曾開天台庵記云。南山廣化寺。有庵百餘區。齋楹相摩。軒檻層出。如中峯瑞泉。天宮。號爲絕景。

成都府碑記

漢蜀太守何君造尊榿閣碑容齋隨筆云。在成都府。其末云。建武中元二年。漢王渙墓碑在新都縣北五里。渙字穉子。東漢循吏也。冢前有二石闕。其一題漢故兗州刺史雒陽令王君穉子之闕。其一題云漢故先靈侍御史河內縣令王君穉子之闕。漢文翁學生題名集古錄。不著書人名氏。文翁題名可見者。凡一百十二人。碑在益州。漢文翁石柱記集古錄云。漢隸不著書撰人名氏。永初中。火災被焚。惟廟內兩石闕在。太守高朕重立。又于其東別築周公禮殿。碑以初平五年立益州。殿柱記先儒謂鍾會書。非也。鍾會是晉成熙元年始入蜀。距漢興平初禩已七十一年。不應追書也。今在禮殿。東漢學殿歲月記繫年錄云。紹興六年。成都教授范仲爰奏疏。言本府學殿。建于東漢之初平。漢人以大隸記其修築歲月。刻于東楹。至今九百四十三年。蓋天下棟宇之字。無過于此者。高宗皇帝御書大成殿榜繫年錄云。紹興六年。上書大成殿榜。賜成都府府學。左右生題名歐陽公集古錄。謂爲晉宋間碑。晉益州刺史羅君碑在碑陰。晉朱齡石刻宋高祖檄譙縱文在石室。館學廟堂記唐永徽元年。賀公亮撰集古錄。謂不著撰人名氏。不同。州學

廟堂頌唐神龍二年史濂撰唐平蠻碑集古錄云唐蕭晉用撰開元十九年刻石紀功在成都昭烈帝廟又容齋隨筆云咸都有——開元十九年南蠻爲邊患明皇遣內常侍高守信爲南道招慰處置使以討之拔其九城此事新舊唐書及野史皆不載肅宗以魚朝恩爲觀軍容處置使憲宗用吐突承璀爲招討使議者譏其以中人主兵柄不知明皇用守信蓋有以啓之也先主廟碑正元四年蘇瑞撰在昭烈帝廟中章梟寶國寺記正元中立段文昌元和中律師銘共爲一碑見在府學蠶市記章南康文在華陽縣寶歷寺寺有南康象最得其真武侯碑陰記集古錄云唐崔備撰元和二年武元衡刻及其寮屬題名於武侯廟碑陰古柏行長慶四年段文昌文重寫前益州五長史真記李文饒撰云益州草堂寺列畫前長史一十四人代稱絕迹余嘗于數公子孫之家獲見圖狀乃知草堂繪事靡不造真者余以精舍甚古貌像將傾乃選其功德尤盛者五人摸于郡之廳正資福院記集古錄云唐李德裕撰長慶二年立石諸葛武侯碑在昭烈帝廟中元和四年裴度撰柳公綽書摠管大學碑周益州刺史齊國公宇文憲頌德碑也石室贊唐維州刺史鄭藏林撰大歷十年殿中侍御史李樞篆修文宣王廟碣會昌五年裴坦撰唐柳公權書金剛經在城中嘉祐禪院唐僧大辯修功德碑元和十五年立在文殊閣唐章南康碑二並在大慈寺佛殿中石本九經在府學容齋隨筆云皆孟昶時所刻其書潤世民三字皆闕畫蓋高祖太宗諱也龍興寺碑容齋隨筆云乃前蜀王氏時所立及唐諸帝諱皆半闕云高駢築城記唐中和四年翰林王徽記在城中信相院孟知祥修城記後唐天成二年李昊記唐明皇追諡孔子冊文本朝太平興國五年府

尹辛仲甫立石。十賢贊今存其七。姚宗贊冉伯牛。宋景贊冉有。源乾耀贊閔子騫。章杭贊子貢。陸餘慶贊子路。盧從愿贊子游。裴瓊贊子夏。觀政閣記。秦漢至唐。領太守刺史節度使之職。有政績可考。而畫像存焉者。得二十八人。別圖于他閣。而榜曰觀政。呂大防———成都志云。畫像存焉。二十有八人。李冰。文翁。王遵。張堪。第五倫。廉范。种嵩。李膺。高朕。諸葛亮。王濟。高儉。陸象先。蘇頌。嚴武。韋甯。章阜。高崇文。武元衡。段文昌。李德裕。楊嗣復。杜棕。魏謩。牛勣。夏侯孜。高駢。陳敬瑄。文翁等畫像十贊。宋祁撰。祠之內圖文翁。嚴君平。鄭子真。司馬相如。楊子雲。蜀士先賢凡九。及公之像而十。常山公贊。蘇文忠公留題。成都志云。極樂院有蘇文忠公壁間留題。至和丙申季春二十八日。眉陽蘇軾與弟蘇轍來觀。盧榜伽筆迹。今存。成都古今前後記蜀山人孫汝聽。修成都古今前後記六十卷。見眉州江鄉志。趙清獻公成都記。見張有成光福寺記。成都志袁說友序。

崇慶府碑記

蜀先主碑在晉原縣西南二里。唐房瑄文。唐李百藥碑在江原縣之萬歲寺。文字殘缺。唐開元碑。唐天寶八年。碑在晉原常清觀。鮮于仲通文。唐開元皇帝送趙仙甫尊師歸蜀詩碑。見在新津縣寶真觀。唐樊知遷碑在江原縣淨居寺。唐顏師古文。今額殘缺。翠園山碑在永康之翠園寺。文字殘缺。萬歲寺碑。碑記具存。見萬歲寺註。善願堂留題。見趙抃記。范公鎮留題在太平院。范公入蜀遊岷山過此。紀行于寺之經閣。上云。熙寧八年三月。遊青城間。四日。趙峨眉俱過此。與百世相見。百朋百嘉侍行。蜀郡公范鎮記。法天寺

留題見法天寺記。蜀州刺史廳壁記。唐詩紀事云。正元十四年。皇甫澈刺蜀州時。賦四相詩序云。蜀州刺史廳壁記云。居相位者。前後四公。謨。明。弼。諧。遷轉歷止。願已無取。忝跡于斯。景行遺烈。嗟嘆不足也。謹述其行事。詠其休美。庶將來君子。知聖朝之德云爾。

眉州碑記

漢刻黃龍甘露之碑。在彭山之黃龍鎮。楊洪碑。漢健爲太守。——在今彭山縣北小板橋。楊中云。五十年前。餘洪字。其官皆磨滅。不可考究。今洪字亦無矣。北平山碑。在彭山縣之北平山。大書北平山治之碑。餘不可讀。碑陰書大唐上元二年。道士施仕衡等字。南康郡王紀功碑。唐正元十三年建。碑元在龍興寺。乃皇太子誦書。天聖五年。移在州衙門外。唐眉州勅羅城記。唐大順三年。盧極撰文。眉州新移彭山縣記。唐會昌五年。樓旦撰文。唐丹稜縣龍鶴山成鍊師植松碑。唐天寶元年。歲次庚寅建。城東貢院佛殿中。唐碑及五代碑。城東寺殿宇。建于唐時。今爲貢院。中有古碑二堵。象耳山李白留題。夜來月下臥醒。花影半亂。滿人襟袖。疑如溼魄于冰盞也。李白書。杜子美兩川夔峽諸詩。石刻黃庭堅書。詳見大雅堂下。夷獠誓碑。寰宇記云。在洪雅縣市中。大池院題。去眉山縣一十里。蘇文忠公嘗過之。今柱上有手書云。自老翁非還。偶憩。治平丁未十二月七日。子瞻。凡十八字。州園十詠。紹興間。邵博。眉州古志。孫汝聽編。通義編。家安國編。江鄉志。張伯虞編。劉光祖序。

簡州碑記

後周宇文泰紀功碑碑在本州界首云。泰數遣都督入蜀。一治石岡縣。一治懷遠縣。見簡池志。郡守壁記名氏始。唐正觀十三年。見劉左史折柳亭記。韋南康紀功之碑在州治。頌春亭側。碑甚巨。乃御製。皇太子臣誦奉勅書。唐乾符修城碑在州之城隍廟。天光觀唐碑觀在陽安縣東三十里。有唐碑可讀者云。大和初。三洞道士王道賜。因張文學施地基。創建羅漢院。石刻在陽安縣。有僧繼暉。斬木開基。而崖石呈露。見石鐫羅漢等像。有碑曰。唐興元元年。禪師道明鐫刻。以爲禪宮。靈巖院石刻在平泉縣西南二十五里。院中石刻字。乃元和長慶間。周文王廟碑在陽安縣西北七十五里。卽後周高祖文帝之廟。舊碑題額云。大周植基碑。元年歲次丁丑造。元年卽後周閔帝之初元也。今石刻存焉。北巖院碑院有唐碑。其歲月乃大歷時重修云。聖居院碑唐中和年建。

嘉定府碑記

漢楊宗暢墓碑墓在夾江縣東十里。墓前兩闕。其左隸書。漢故益州太守楊府君諱德字仲墓道十六字。漢和帝時開道碑在夾江縣西。蜀郡青衣。越嶲道界。中有永和七年。永和八年等字。漢靈帝時張道陵碑在洪雅縣易俗鄉。上有嘉平二年三月一日等字。沐川古碑唐垂拱三年。玉津令馬元慶等。殺馬湖夷賊紀功。今存。李德裕石闕舊市鎮有名。灘曰墨崖。其上有唐李德裕領重兵過此九字。孝女碑在犍爲清溪口楊洪山下。東漢永建初。孝女叔先雄。以父泥和墜湍水。尸喪不歸。雄于父溺處。自投水死。後五日。與父尸相持浮江上。郡表言爲雄立碑。國朝元祐中重立。都安王廟碑碑載隋開皇九年。置青衣縣。後周保定

二年置青州。宣政二年始爲嘉州。靈鷲山碑。唐正元中僧乾光爲其師道真令徐宗彞撰碑而碑刻于長慶中。韋南康大像碑在凌雲寺大像之左。郭璞移水記記謂世主播遷戎羯亂華于是優游笑傲放意于山水間仍于嘉州城東百步烏尤山鑿書巖而蘇子由詩亦指其注爾雅于此。史謂無入蜀之文。謹按移水記有嘉州二字則非璞之手筆。怨後人之附會耳。蓋嘉州之名始于後周而自周已前。止曰漢嘉郡。曰龍游縣耳。安得有所謂嘉州哉。或者後人追書則未可知耳。當攷張無盡沐川寨記其略云。南蠻東北接壤常挾吐蕃以爲中國患。蓋其路一出大渡河一出沐川源一出馬湖江等。其狹邪之徑曰榮經曰八面菁曰黑水曰中鎮曰賴因曰龍水曰陰川而沐川之路常爲嘯集之地。申孝友西南會要孝友論。唐自開元之際始有南詔之憂。蓋合六詔而南詔最強。連吐蕃而蜀患乃酷。降及大和之際李德裕作籌邊樓。南詔頗有所憚而蜀賴之以安。今西南諸蕃自祖宗以來以迄于今。阻隔大蕃之要道實爲蜀部之藩籬。是致雲吐之三蕃不復疥疽于中國。今邊夷近屬雖衆且微。然而勢合則強。力分則弱。必離其黨使不得親分其勢使不得不弱斯可矣。嘉定志郭公益編續志林潔已編嘉州詩岑參編。

雅州碑記

漢蜀郡太守治道記其碑在榮經縣西三十里。建武中元二年立。羊寶道碑在嚴道縣東三十里。漢永初六年碑也。漢故檢校巴都太守樊府君碑。建安十年三月上旬造。高孝廉墓碑在嚴道縣東二十里。按其碑年月乃漢建安十四年。高君兄弟皆孝廉。有二十大闕。其一曰。故益州太守武陰令上計吏舉孝廉。諸部

從事高頤字貫方。其一曰漢故益州太守陰平都尉武陽令北府丞舉孝廉高君寶字貫光。又一大碑。其首云故益州太守高君之碑。邛崃關開路記。天寶六年。章仇兼瓊記。龍興寺碑。在州城外。有唐咸通四年。再建。——吳行魯建。又有二蘇先生墨跡。亦在本寺。平羌江繩橋碑。在嚴道縣平羌橋。有唐咸通十年。上官朴所撰。碑字亦隸體。今在江濱廟。兩面碑。在廬山縣南五里。與府君碑甚近。碑面與背。皆有篆文。歲久訛闕不可識。或辨其文曰廬山縣碑。尊樾閣記。建武中元二年。其碑在榮經縣西三十里。景峪縣崖間。巽巖李兼有跋。以辨正年號。且言按後漢紀。建武二十三年夏四月。改爲中元。無建武字。又按祭祀志。改建武二十三年。爲建武中元元年。以此知記與志合。而紀失之矣。神水閣記。在榮經縣東三十里。銅山峽中。碑字久磨滅。今已不復可考。故老相傳。其體大率如尊樾閣字云。李白月下帖。在郡治。楊凝式詩帖。在郡治。魯直水蘭歌帖。在郡治。魯直梁甫吟帖。在郡治。雅安志。李嗣文序。

威州碑記

鼓角樓記。唐維州軍事判官高潤文。乾符五年十月十五日。維州刺史李光置。天寶寺碑。唐咸通六年建。軍事判官陶師文。伏波廟碑。唐咸通八年。左武衛兵曹參軍崔遂文。

茂州碑記

唐迴車院碑。唐刺史蓋巨源撰。大中十三年立。唐刺史題樑黃堂梁記。有寶歷元年。刺史寶季餘。大中三年。刺史劉成師。咸通三年。刺史蓋巨源題。張延賞脩城記。按董守愚兩路記。載唐大歷十四年。吐蕃大下。

火焚了郊館。興元元年，張延賞重修。其後別駕大夫，脩建城宇，堡壁雉堞。茂州治平寺碑，寺舊在外，緣叛羌董阿丹焚。元豐初，移入城。滋茂池善應廟碑，張商英無盡居士文，其神或傳姓吳，或傳姓郭，頗有異同。西山記，紹聖中，茂守曹坦作。更生閣記，政和丁酉，倅貳跨鼈先生李新，目擊靜州之變，記載其事甚詳。圖經郡守史憲序。

隆州碑記

漢黃龍甘露之碑，在籍縣江口。上銳下方，其狀如鍾。大書————文字餘不可讀，其可識者，羣臣將軍位號，蓋爲龍紀也。豔陽洞石碑，在洞之顏，書曰豔陽仙洞四字，字體兼篆，不知何代書，旁有款識。歲久磨滅，東南貴人見此碑本，寶而藏之，以爲真漢隸也。唐金剛經碑，在佛龜山磨崖，唐正觀中，率更令歐陽詢書。道超和尚精德碑，在古城山平等寺。天寶四載，薛兼金撰。開國王碑，在唱車山。正元元年，貴平令王覺記。張天師靈廟碑，元和十五年，知陵州李正卿撰。貴平縣牟尙書墓記，唐同光五年，陳貴民領州事。文宣王廟碑，在貴平縣縣學。長慶五年，刺史李正卿撰。尹太階書。龍興寺大藏經碑，見在報恩寺。開成四年，吳商撰。篆字。心經碑，在小大悲閣。咸通七年，仇溥撰。并書。修大悲堂碑，在小大悲閣。景福二年，僧承微記。黃帝書陰符記，在至道觀。咸通十五年，邱冲書。古大悲堂碑，在報恩寺。乾符三年，周宋莒撰。超覺寺記。廣明二年，陵州刺史蕭統記。龍華院山門路記，在籍縣。天復七年立。今爲觀音院。唐節度使楊公墓碑，隆州井研縣道旁有石刻云：唐銀青光祿大夫檢校御史中丞上柱國節度使楊公墓。其旁多楊姓，乃其

子孫也。靈泉院碑在本寺。後唐同光三年立。僧曉微碑在寶林院。西蜀明德元年立。又有顯教大師碑。廣政四年立。鐵騎將軍碑在歸安鎮。孟蜀廣政二年立。寶峯院記在貴平縣西北四十里。院內有王羲之記。王氏廬墓銘。飛泉山碑。其碑有二。並在仁壽縣東。——。飛泉山院碑。唐神龍元年立。在超覺寺。玉堂硯銘。文同。與可將赴陵州。孫洙巨源以玉堂大硯贈之。與可屬蘇子瞻爲之銘。陵州在高山。上難得水。蔡君謨法帖。東坡多心經。文與可書千字文。並在州治。

永康軍碑記

漢石刻治道記。距紫屏二里許。道旁有漢石刻三。皆治道記也。其一曰建平五年者。孝哀時刻也。其一曰永平元年者。孝明時刻也。在范公平磨崖之西。鬼界古碑在鬼城山下。昔天師驅鬼于絕域。有——。——。字畫磨滅。不知年代矣。天師戒鬼筆迹在大龍橋側。深一十三丈。闊三十丈。晉博在郡西鉢孟泉。因墾地得一博。上有晉太康年號。隋薛道衡磨崖碑在玉女祠。後有磨崖碑云。刺史薛道衡撰。或云薛曾。唐正觀十三年章賞作觀魚記。在軍城五里北山朝天寺。唐崇德廟記。唐李德裕鎮蜀時。重建崇德廟。命段全暉爲記。唐元和十四年寶幢院記在青城海晏寺。唐僖宗中和年改海晏寺記在本寺。唐觀音院記在青城縣東南九里。有唐乾符二年記。青城山碑在常道觀軒轅石龕之下。隋大業七年立。太常博士陰道文。元宗眞容碑在六時殿下。修丈人殿祝文。碣進士任璠文。在丈人觀殿上。置丈人觀碑。徐大亨文。在丈人觀三門下。紀符瑞碣。廿遺榮八分書。在丈人觀三門之右。修諸觀功德記。鄭敷書。在丈人觀大殿之右。延

慶移觀手詔碑在——後絕峯之上石龕中開元十二年立唐吳行魯碑在鬪雞臺有古碑尚在但字畫磨滅蓋唐大中十一年治隸彭州時長史吳行魯所建碑也玉壘關碑唐大中十年白敏中帥蜀日建關旁有大碑卽幕府陳可度頌功德之碑獠澤水石記路次石門崖壁鐫吳行魯大中七年奉使巡邊行見——唐人徐浩書金剛經導江天宮院有——全帙今刻之石杜光庭重修冲妙觀記在青城縣一里冲妙觀也韓擇木八分書延慶觀靈寶真人五符幢下其下記銘乃開元十二年立蜀嘉王宗壽墨迹僞蜀王建宗子嘉王宗壽與能仁院僧卯往來書劄二十餘簡存于院墨迹宛然如新迎祥寺鐘樓刻字在導江縣北——內有——不記年月觀其有節度押衙字知爲唐末五代間刻也寺有老泉爲記東坡所書碑刻俱存青城山甲記唐杜光庭編永康志教授張增編青城山乙記范仲立編

石泉軍碑記闕

瀘州碑記

蕭齊碑在丁公岩磨滅難考唐高宗安樂山取丹經詔碑在安樂山唐高宗賜進經道士詔碑在安樂山劉真人藏經碑在安樂山唐真如寺碑在州北真如寺唐蘇公甘井碑在州城南門上唐乾元中都督蘇元開井記黃太史書砥柱銘碑在高寺大像記醉僧圖詩碑黃太史三碑並在開福寺尹吉甫祠堂記許沉爲之記曰父老相傳周尹吉甫實生此地見于圖經舊矣陳帥損之作清穆堂以祠之管觀酈道元水

經注江錫異聞與華陽國志頗類其載楊雄琴清英敘伯奇流放并子安之操附之江陽雄蜀人也其說必有據吏隱閣記治平四年鄧太師縉作邑于瀘州作吏隱閣曰瀘之合江邑居之南轉清溪而上六七里曰安樂山世傳隋開皇劉珍先生登真之地杜光庭爲之傳李淑爲之記開皇所置三觀其一尙存乃命道士作劉真人祠堂因名其閣曰一一一鏡硯銘黃太史銘曰瀘川之桂林有石黟黑瀘川之人不能有而富義有之以爲硯則宜筆而受墨唐安任君從簡之硯面爲鏡而背三足形駭天下若山林不若而不待訪諸禹也瀘州平夷記熙寧中范百祿撰今在江安縣之偶住亭劉真人傳杜光庭撰合江縣安樂山騰清三觀記皇祐己丑李淑撰江陽志教授李潛序江陽譜永嘉曹叔遠編集

潼川府碑記

晉雲南太守段宗仲德政碑宗仲有德政墓在通泉縣碑在墓下唐護聖寺鍾銘唐龍紀二年節度使顧彥暉鑄有銘甘泉寺誓犀碑李雍書李義府碑寰宇記在永泰縣北馬元直開元中誥圖經云元直在唐爲滁州刺史家有開元中誥陳拾遺與趙彥昭郭元振題壁圖經載杜甫題陳拾遺宅詩跋唐薛稷書慧普寺稷道衡之孫魏鄭公之甥也以書名天下慧普寺三字方徑三尺筆畫雄健在通泉壽聖寺聚古堂梓州官僚磨崖贊唐武后時司法參軍楊炯作在北崖字十六七磨滅不可讀游仙觀老君碑田真人殿記在中江縣集虛觀蜀廣政六年碑王勃庾信護聖寺碑在城北護聖寺彌勒院記李商隱書甘泉亭碑李潮八分書在城北護聖寺水陸淨土殿北劉峴文塚碑在城南長壽寺兜率院之崖壁精舍四證

堂碑 道興觀碑 道士胡君新井碣銘並見李義山集蓮花漏記天聖中燕公肅守梓州日置仍自爲之記梓潼古今記淳熙間郵令孫汝聰作梓潼風俗譜元祐間教授石慶嗣作舊圖經李宗壽序新潼川志劉甲序

遂寧府碑記

唐張九宗題記在府東崇元觀其字圓勁有虞褚風骨唐覺苑寺鑄鐘記在蓬溪縣覺苑寺唐元和十二年遂州刺史張九宗撰鐘記兼書唐劉纂文宣王廟記碑後唐天成四年唐磨崖金剛經圖在長江縣南二十里唐天復四年禪林碑在鶴鳴山福勝寺李仁表文唐賈島詩碑在長江縣蜀安國寺碑在州羅城外有蜀永平二年碑後唐武信軍軍衙記廣政間歐陽炯文卞高五十六體篆字碑在小溪山之長慶院蜀明德四年碑在小溪山嚮尼寺金地院孝童孝女碑在青石縣九節鎮遂寧好閩中志載熙甯中遂寧守向公著——十章寄聞守鄭公申鄭蒼以南隆好十章遂寧志馬崇文序

順慶府碑記

漢車騎崖石刻郡國志云後漢車騎將軍馮緄於此鑄崖刻石十有餘處寰宇記在流溪縣相如故宅石記在相如縣之西南光聖佛寺漫不可讀父老尙知其爲唐陳子昂之文二良牧碑馬肩孟撰載唐二刺史事碑在郡治醋庫之側唐朱鳳山觀銘長史息袁玘文在山上唐金泉山僊居述唐太和五年果州刺史章公肅文在山上唐鄭餘慶詩刻在金泉山上唐誥刻在金泉山僞蜀刺史徐光溥詩刻在金泉山唐

移縣碑在南充縣門。大中年立。文字磨滅。不可詳辨。唐王維送楊長史赴果州詩在郫治。唐屈突公德政碑在西充縣資福寺。河南府陸渾尉崔晟撰。唐僊林觀碑在西充縣列真觀。唐中書侍郎趙彥昭撰。唐程仙師蟬蛻偈。阜筭碑在西充縣隆真觀。唐圭峯禪師傳法碑在西充縣金蓮院。唐相如縣石龕佛。豫記在縣治。縣令陳子良撰。僞蜀誓火碑。永平五年建。在州北廣川廟。永興節度使王彥超重建。行成思堂。石刻不著其姓。今附于後。作堂在姑孰。把麾來果山。男子四方志。萬里如目前。振振佳公子。性行純于天。既知仁有本。自應枝葉繁。宣尼語參孝。推廣十八篇。君能擴充之。九思極其全。道行身亦立。揚名顯其先。回觀廬墓人。卑卑何足言。謝寰山靈泉碑。謝真人父諱寰。所居名謝寰山。山有院。名靈泉。有一唐碑。字多訛缺。耆舊錄自漢紀信以下三十六人。並見學錄。蒲士龍所編。一一又有趙嗣業。趙藻昌。游問爲之贊。并繪像于鄉賢堂。又自隱逸王公。字已下一十四人。在一一外。亦繪像于鄉賢堂。又復搜訪自王籍已下二十餘士。悉繫于左。而其於游公。仲鴻傳。紀趙忠定。紹熙甲寅始末甚詳。開漢志。郡守朱繁。一一序云。紀將軍加封語詞有云。實開漢業。故建樓命名曰開漢。郡志名編亦曰開漢。理亦無礙。而郡志序云。又以開漢名郡。象之竊詳州名郡名。皆朝廷所錫。不應擅改。今九域志第曰南充。郡尙朝廷所以命也。未請于朝。以求改命。而自稱曰開漢。于理未安。

資州碑記

漢永建五年漢安脩棧道記在內江縣界磨崖。字今日磨滅。陳君德政碑。陳君失其名。漢永建五年。爲漢

安長有碑在隄井壩層崖之腹，字雖磨滅，然尙可考。隋勅改羅漢院碑，隋初————，碑今在法雲院。

唐開元棲神山路記在法鉢池前，刺史房渙文。唐顏魯公書中興頌碑二，一在東岩，一在北岩。河相宏農碑在資陽縣王褒墓左，王褒墓石表西漢王褒墓，在資陽縣北二十五里，碑字已磨滅。三仙磨崖題名在資陽縣三江鎮，碑云貞元四年十月十日，杜錫、崔熊、席整三人同遊。洗公石馬塔院記。滴水巖結界記。

鄭鋼詩在北巖，及帝國寺。陳圖南詩在得道山，井邵博跋。崇壽觀碑，唐天寶二年建，元宗御書額，見有石刻，乃唐御史中丞宋渾文已磨滅。杜光庭醮壇山北帝院記。王師閔西巖龍潭瀑布詩。李渭北巖詩。盧井北巖詩。張公瑾北巖詩在龍水，重修北巖詩。唐邵泰文。裴晉公自贊在靈虛院。靈仙觀碑。西漢王褒宅，在資陽縣西駟馬里，今改爲靈仙觀，觀有碑碣，洗硯池尙存焉。唐裴瞻墓碑記，唐左僕射裴瞻墓，在盤石縣北五里，有世譜碑記，藏于寶靈院。唐韋皋紀功碑，碑在郡市心居民室下，紹興丁巳，穴土有碑石，太守命工取其石，重欲撤民屋不果，止錄其文，乃御製紀功碑銘并序。皇太子書，碑面殘缺不全。惟碑陰乃開成元年，奉從孫繼爲本州守，日記述其文具全。遂復覆之。安夷軍詩碑，紹興十六年，內江令董昌齡移徙新市，平縣基土中得小碑一片，有詩云：戰馬向風嘶，荒雞隔水啼。終日隨征旆，何時罷鼓鞮。青松亭記在州治，唐乾符四年，四川節度使成都尹高駢記并書。毗沙門天王讚，紹興壬戌，郡守邵博得碑，城北隅。唐羊士諤爲刺史，撰并書。資中志，扈自中編，李質序。

普州碑記

唐棲巖山寺讚銘序唐開元戊辰前刺史宏農楊令珪博陵崔克讓及刺史房公失其名唐老君應見碑唐開元觀———開元二十九年岳陽郡奉勅建大宋淳化二年重鑄唐紫極宮碑集古錄唐樂聞撰賈島書樂彥融篆額宮元元皇帝祠也樂又重修碑以會昌元年立在普州唐西巖禪師受戒序普州刺史章忠開元十年建普慈志郡守楊泰之序郡北小千佛院記普慈志在開皇十三年建唐宣宗賜浪仙墨制在大中八年賈浪仙墓表字浪仙燕人廣明庚子東蜀從事上谷侯圭表曰於戲有唐詩流賈君之墓賈島墓誌集古錄云唐蘇絳撰馮賢書碑以會昌四年立在普州聶公真龜記在靈居山軍事判官何光遠撰廣政四年建茗山平寇錄見普慈志卷末

合州碑記

唐令長新戒在赤水縣開元二十四年立元宗嘗擇縣令百六十三人賜以丁甯之戒其後爲縣者皆以戒刻石集古錄取焉景祐中令重刻之今非唐故物矣古書巖在巴川縣石間隱隱如篆文不可讀石門彌陀像在石照縣之北巖唐開元二十三年州別駕張釗爲刺史孫希莊作祭龍多山題名天寶十四載十月十一日大中大夫守巴川郡太守真寧縣開國男上柱國賜紫金魚袋韋藏鋒準制醮祭唐大歷王鏐石鏡題名在內水石鏡之趾大歷十三年云此石出時兵甲息黎庶歸六氣調五種熟刺史兼侍御史王鏐記盧舍那佛二菩薩記在石照縣之北巖唐長慶二年刺史劉溫作集聖院記在赤水縣之龍多山唐咸通間李稭作季札墓銘在巴川縣相傳以爲孔子所書張從申記云舊石湮滅元宗命殷仲容搨本

傳之。大歷中再刻。此從甲所記也。此刻不知何人所模。濮巖銘距城三里。元祐五年郡守劉象功磨崖。唐孫樵龍多山錄善刻。元祐七年劉象功再書。道勁可喜。龍多山鷲臺院記。紹興三十二年十一月。續雲馮時行記。將軍祠石刻在龍門山東八里印土院。院有——石刻云。故唐將也。逃難山中而死。葬山陰。或曰。戰國人也。每歲春夏。民以車蓋迎其神至水上。張幄致饗。唐永泰二年。石刻在化度院。在縣西五十里。石刻但云永泰二年。按永泰齊明帝。唐代宗年號。齊永泰止五月。而唐永泰二年十一月始改大歷。故知爲唐無異。鴈塔題名在赤水縣。宣和間。柳城始刻。置長安慈恩寺。蓋搨本也。活樂鄉校記。沿涪江四十里。郡人度正立夫子廟。士之向學者有所依歸。又自爲之記。墊江志郡守任逢編。

榮州碑記

大周聖德勅石文碑。在州衙子城門外。長安三年立。韋績撰。州院碑。爲蜀司倉參軍荀延慶撰。真義侯碑。在本廟。唐元和二年遷。舊經云。卽古獨孤白馬蜀將二人廟也。唐刺史薛高邱磨崖碑。在榮德山。唐開元二十年。刺史薛高邱磨崖碑。多載仙靈事。今字畫已磨滅。榮隱山修道觀石碑。在本山上。榮黎山古寺碑。在本山上。唐乾符元年。禱雨碑。在榮黎山上。榮德山薛刺史磨崖碑。在山半。靜難侯廟碑。在本廟內。圖經。隆興元年。李濂爲守。教官句演編。

昌州碑記

演教院碑。在昌州舊基院。有斷碑。載唐咸通歲。縣令唐允中建。淨土院碑。在昌元縣東四十里。碑云。唐大

和五年建石佛寺記在永川縣東二十里。方舟李公石爲之記。唐韋君碑在北山。乾甯二年。靖南令胡密所作。吳季子墓碑在北山。相傳以爲孔子書。開元中。殷仲容奉詔模搨。大歷中。蕭定刊之。潤州有張從申題其後。高祖大風歌碑在北山。古文孝經在北山。凡二十二章。與今文十八章小異。按今文。先出於漢初。而古文與尙書同出於孔子壞宅。今文已盛。而古文獨不得列之學官。惟孔安國。馬融爲之傳。及明皇法。今文十八章。孝經爲古文益微矣。司馬光。范祖禹。皆曾繳進。光謂始藏之時。去古未遠。其書最真。祖禹又爲之說。亦云古文庶得其正。六經圖碑在郡學。郡人楊甲鼎。卿所著也。六十四卦象碑在昌元縣。畫維摩石碑。紹興間。北山刻云。郡之惠因寺藏殿壁陰。有水墨畫文殊詣維摩問疾一堵。意全相妙。合經所說。恐浸慢滅。故石刻于此。靖南志太守黎伯巽序。

渠州碑記

雙石闕在大竹縣北一里。其一鐫云。漢謁者北屯司馬左都侯沈府君。其一鐫云。漢新豐令交趾都尉府君。其闕上各鐫出屋宇禽獸飛走之像。又有單石闕二。相去雙石闕一里。其中鐫雕物像與此同。三聖碑係唐睿宗御製文。今在縣南州學內。道德經碑在城北紫極觀。唐咸通中州刺史程壽建立。後漢車騎將軍馮緄墓誌銘墓在大竹縣古賓城。雙石闕西南一丈二尺。按後漢書。馮緄。宕渠人也。墓銘碑尙在。碑額篆云。車騎將軍馮公之銘。碑文作隸書。字猶可辨也。公府建置碑。開寶三年。張琪記。乾德六年。許充修創。大唐渠江縣冲相寺碑。碑立于會昌之後。古賓城碑。九域志云。流江古賓城有古碑。文字磨滅。宕渠志無

編集人姓名無郡守題名及仙釋詩章等文。

敘州碑記

晉張麟夫人墓表在慶符縣南一百六十里。章南康記工碑在江西舊州治岸。潏元和五年刺史張九宗立碑碑陰載南康謝賜表碑至今字盡大半磨滅。定誇湖唐碑在城東門外有唐碑存焉有曰山蒼蒼烟際橫波渺渺湖水平其餘漫滅不可考。唐都督戎州李通破賊碑在州南一百里今碑字亦殘缺。大唐南詔王碑在石門界唐正元七年袁滋題。唐古戎道記在州治之對天蒼山崖壁間唐人所書筆畫勁正乃唐乾封二年詹君秀修復此道而爲之記。唐黎幹墓表在州西岸石馬溪之上今石馬尙存。唐張九宗修花臺寺記元和五年張九宗書。金箱口在宣化上流三十里吳季成所卜築在山之阿有山谷老人所書盤谷序。虔州學記碑刻山谷悟軒石刻在南溪縣資聖院。

懷安軍碑記

漢張子陽碑漢幽州刺史犍軻太守張子陽碑在唐化鎮松江五里許乃張子陽墓。東漢順帝永建四年造唐昌利觀記在昌利山延祥觀開元中金堂尉沛國武捷撰。王頭陀塔銘在雲頂山塔院正元十五年薛倕撰。如舜禪師碑銘在金堂龍槐院唐節度使杜琮撰。支提石塔記在三學山唐節度使段文昌撰。鸚鵡舍利塔記在三學山章奉撰。爲八戒和尚謝復三學山精舍表李商隱撰。放生記誓文在中江岸上太和二年令狐綯撰。杜光庭功德記在三學山楊浦壽昌寺記在耶中山三學山飛石記邑宰張西撰。段翳

故宅舊碑後漢隱士————今郡城內天慶觀是也。有段隱居李真人二像。有舊碑字畫磨滅不可辨。金堂尉沛國武捷碑在金堂縣東延祥觀。唐開元中立。金淵志郡守韓植序。

廣安軍碑記

鶴栖山古碑鶴栖山在冀都鎮。有石碑字雖漫滅。尙髣髴可認。其大略云。唐貞元十年。歲在甲戌。果州女子謝自然白曰。昇仙。刺史李堅以狀聞。又爲之傳。於時先有雙鶴栖宿此山。然後飛迎。自然駕之而去。自後俗呼爲鶴栖山。按自然昇仙在果州金泉山。李堅上其事。有唐德宗賜詔。今刻於金泉。年月日與此碑所載不差。故縣鎮顏魯公碑舊傳宰邑有姓顏者。魯公之先。魯公之刺湖州也。過道因有碑銘。今碑磨滅。存十四字曰。命除湖州刺史顏真卿勒銘於道院。乾道中移置軍城。龜山碑在岳池縣東六十里。鑿地得斷碑。乃唐人經行所記。勅賜孚惠靈應廟碑在轟然山。有晉太康八年碑文。廣安志嘉定改元。郡守盧唐英序。

長寧軍記錄文

五代僞蜀勅牒武成三年。牒清井鎮。羈縻十州五國土。都虞候羅元審。武成三年。牒清井鎮。羈縻清州土。刺史羅元楚。永平元年。牒土兵馬使羅元審。國朝所給誥劄。嘉祐三年。給長寧夷人頭首斗蓋充土刺史。陪國朝所給誥劄甚多。今始錄其一。或補以官資。則誥上帶曰。每年添鹽若干斤。綵若干疋。更不依律令支給請受。祥符平夷本末 慶歷皇祐平夷略 熙甯經制諸夷本末 元豐平乞弟本末 范中書百

祿誓夷文熙甯七年平五國蠻作文以誓之其碑在今報恩寺范榮公進誓平夷文表 趙招討平晏夷賀捷表 長寧志嘉定己卯教授賀寅東序小桃源銅牌見小桃源下梅聖俞春雪詩歸田錄載蘇子瞻嘗于清井監得夷人所買蠻弓衣其文織成梅聖俞春雪詩蓋其名重傳落夷狄

富順監碑記

漢董孝子墓表聖燈山之近有董孝子墓墓表云漢益州刺史廣平郡侯董孝子磨崖碑皇宋皇祐七年知監張齊古題云西山城郭沿灘數里羣峯重疊一佛獨立容相端正真如塑出高聳數丈古代留跡後倚林翠前瞰江碧圖記謂聖佛中巖普覺院記天禧丁丑賜院名康定二年翰林學士李淑撰咸平獎諭李處榮勅守臣黃裳跋章聖皇帝錄邦人李處榮殄殲均賊之功擢榮州長史勅書藏其家石燈臺讚郡人王光明儒家舊收公用燈臺刻————一首并序進士元銳撰元和中莊伯良能書富義縣令公才富順志郡守楊汝爲序

夔州碑記

漢鹽鐵盆記在巫山縣黃太史石刻云余弟嗣直來攝邑事堂下有大鹽鐵盆有款識蓋漢時物也其未曰永平二年晉桓溫隸字碑在巫山有黃太史跋嘉定癸未清使王觀之併黃太史跋俱徒置清廟王又作跋語考其爲晉周撫墓碑今此碑已不存唐夔州刺史廳壁記長慶二年五月一日刺史中山劉禹錫撰今見存夔州始興寺移鐵像記劉禹錫撰夔州都督府記唐會昌五年刺史李貽孫文繆師禹書載歐

陽公集古錄。今在漕臺。鑲水記碑字。但紀官名。有都押衙金吾大將軍白元囁等字。神女廟詩集古錄。唐李吉甫詩一首。以正元十四年刻。邱元素一首。無刻石年月。李貽孫二首。會昌五年刻。敬憲一首。元和五年刻。沈幼真書。其他杏無書人名氏。在巫山。關城白帝廟碑其一。元和元年。其二。長興二年。其三。廣政五年。巫山詩碑。唐金吾衛兵曹參軍沈真撰。元和五年建。重修大仙廟記。唐甯江軍掌書記司空蕭撰。同光四年建。杜少陵詩石刻。少陵遊蜀。凡八稔。而在夔。獨三年。平生所賦詩。凡千四百六篇。而在夔者。乃三百六十有一。治平中。知州賈昌言。刻十二石于北園。歲久字漫。建中靖國元年。運判王蘧新爲十碑。今碑在漕司。移城記。景德四年。丁謂撰。八陣圖銘。舊經云。有圖銘石刻在瑣中。今不復見。蘇子由詩云。中原竟不到。置陣秋無所。登井記。陳剛記云。夔惟節度府漕臺兩廳有井。紹興二年。井大壞。景公領使事。發地二百尺。而及泉。以栲木鑿之。夔州圖經。故相國安國公乾曜。嘗參軍事。修圖經。言風俗甚備。見劉禹錫序。舊圖經。李國緯編。固陵集。費士幾編。新夔州志。馬導編。

開州碑記

盛山宿雲亭記。石在州西北三里。唐元和十三年。刺史韋處厚詩。溫造撰記。盛山十二題詩。唐韋處厚撰。韓文序云。韋侯所爲十二詩。其詩其意。以人谿谷。上巖石。追逐雲月不足。日爲事讀而詠歌之。令人欲棄百事。往與之遊。和者元稹。許廉佐。白居易。李景儉。嚴蕃。溫造。于是盛山十二詩。與其和者。廣行于時。唐開元。刺史新宅記。權德輿撰。盛山集。商有序。圖經。李宗得編。

施州碑記

招撫蠻人盟誓碑九域志云在邊上近西高州界首知保順州田承恩誓狀天聖五年刻石在天木寨蠻人納貢物碑在儀門下天聖五年丁卯立皇宋獎諭碑轉運使王立奏蠻人上京進奉在路多有撓擾今後只就施州納下貢物支與例物三年一度于元定數內十人量差三兩人上京買賣天聖五年五月日勅蠻人向永思等誓柱文皇祐五年歲次癸巳立略曰皇明如日所照不偏眷愛若天無遠不覆溪洞蠻人輸忠事國刻石設盟謹當固草芥之命以奉本朝無復肆犬羊之狂以觸憲綱所有歸順蠻供納結牢重誓款狀鐫之用傳不朽他誓文皆不經惟此可讀故錄之蠻人田思忠等受降碑文碑在寧邊寨南五里受降立誓元豐六年立碑長四尺闊一尺蠻人廖萬崇等誓柱文碑在寧邊寨南五里元豐六年立誓刻石界首

達州碑記

漢車騎將軍馮緄碑蓬州志載在永睦縣之西八十里緄薨于威帝之永康元年其文瞭然可讀其父煥亦有兩碑斷裂不全僅存大概漢廣漢蜀國侯李翊墓銘及屬國侯夫人墓銘翊以靈帝熹平二年卒夫人不著姓氏疑其爲威氏首尾亦已剝缺書字崖碑在巴渠縣四十里多斷缺不成文理其間有晉昌太守字按晉孝武方立晉昌郡則此必東晉以後人碑耳唐處士墓碑在州城北十五里楊斗壩馬腦鼻山下乃唐景龍二年刻字畫道媚如歐柳可愛元稹告舍三陽神文元和十三年作在通川之華陽觀廣福

院修佛殿記在永睦之廣福院。卽唐福田寺。有會昌三年。王欽說修佛殿記。瀘潭院鑄佛記在通川縣東。富教里岸側石上。乃唐人所鑄。傍有中和造像之姓名百餘字。餘多漫滅。瀘潭又有龍洞。節婦碑。初節婦趙氏。贅居。有兇人欲犯。脅以白刃。節婦不爲動。旣而誘以百端。終不可。遂刺殺之。時皇祐一年。知州薛俅表其節。爲之立碑于遠州之西北山上。後邑令薛仲侃爲泐祠。繪節婦於中。黃山谷贈通川令韓廣政文。韓廣政赴通川日。黃庭堅以言贈之曰。惟勤能辦公家。惟清能律奸貪。吏嚴而信。則吏不病。民簡而敏。則民多在野。

珍州碑記闕

忠州碑記

丁房雙闕在臨江縣。已王廟。有——雙闕對峙。廟庭高可二丈。上爲層觀。飛簷裴裊。四旁多刻車馬人物。在闕上爲雙扉。其一扉微啓。有美人出半面而立。皆極巧妙。其刻漫滅。有漢——等字。尙可認也。屈原碑。九域志。江原君石闕在州西十五里。今遷于郡庠。有延熹二年等十七字。嚴孝子碑在城西十二里。今遷于郡儀門。碑字半漫滅。有延熹二年七八十字。五大夫碑在梁山軍界。上字尤漫滅。然字乃漢隸。脩道碑字亦漫滅。有建初二年等十二字。嚴顏碑蘇東坡嚴顏碑詩注云在忠州。詩曰。先主反劉璋。兵意頗不彊。孔明古豪傑。何以爲此事。劉璋固庸主。誰爲死不二。嚴子獨何賢。談笑傲碁几。國亡君已執。嗟子死誰爲。何人刻山石。使我空涕淚。玉虛觀有唐碑四。皆修建觀宇碑。洞真觀唐明皇夢天帝降碑在本觀。禹廟唐

碑今字盡漫滅。豐都景德觀唐碑十段。丞相修觀記。段少監修齋記。天尊石像記。老君石像記。感應碑。張大理詩。杜光庭石函記。李吉甫真人影堂記。二真君碑。二仙公碑。唐平都二仙公碑。景雲二年。李陵之撰。唐平都山二仙君銘。景雲二年。薛湜撰。玉石碑。即景德觀三真人碑。唐正元中。李吉甫修。碑刻見存。碑石瑩潤。號曰一一。唐平都山真人景堂記。平都唐碑。惟此三碑尤佳。皆李吉甫修撰。又曰玉石碑。唐土洲耆老思舊記。正元十七年。段文昌記。唐刺史房公式善狀碑。在唐土洲上普甯院中。今在郡庠。唐豐都三官堂碑。唐中和元年。忠州刺史陳旒撰。唐杜光庭碑。在平都山。唐率更柘漿帖。一一一一。真蹟藏于臨江農民瞿氏。聖深購得之。命男宗。摹于忠之議道堂。紹聖四年七月二十四日題。後有涪翁跋。王右軍半月橋帖。在州庠。有涪翁題跋。商比干銅盤銘。唐人開元間。于偃師縣掘地所得。一一一一。有十六字。字畫奇壯而古甚。其釋云。右林左泉。後岡前道。萬世之銘。茲焉是寶。得銘之地。後五步。乃比干墓。今碑銘復列於平都山。南賓志樊漢炳序。荔枝圖序白文公文。

涪州碑記

涪陵太守闕其上書云。漢涪陵太守龐肱。闕龐肱者。即龐士元之子也。劉後主時。嘗爲涪陵太守。淳熙中。賢良任子宣舟過涪陵。於小民家。見漢隸隱然。遂載以歸。碑在左綿任賢良家。至今猶存。此事得之夔路鈐幹馮田。馮乃任之甥。唐千福院水泉記。光啓中。太守張濬撰。李文定公神道碑。在報恩光孝禪寺。張方平撰。普淨院記。在涪陵江北普淨院。治平間。校書郎傅耆記。誓虎碑。在許雄山下。廣漢縣令神道。俗傳爲

——近碑仆，虎入城，縣官設祭，復立之。虎遂止。古書山碑去樂溫縣四十里，按山上石刻云：唐大歷間，有人修此山路，于石穴中得科斗書數軸，古書之號，因此而得。山谷碑在涪陵尉廨，涪陵紀書錄紀伊川和靖諸賢語錄。花藥夫人詩序，熙寧五年，臣安國奉詔定蜀，民所獻書可入三館者，得花藥夫人詩，乃出于花藥手，而辭甚奇，與王建宮辭無異。建自唐至今，誦者不絕口，而此獨遺，奔不見取，甚爲可惜也。臣謹繕寫，入三館而歸，口誦數篇於丞相安石，明日與中書語及之，而王珪、馮京願傳其本，于是盛行于時。花藥者，僞蜀孟昶侍人，事在國史。臣安國題龜陵志楊興序，新志鄭鑿序。

重慶府碑記

漢故益州刺史碑在本府。巴郡太守張泐頌德碑，漢靈帝中平五年立，事見合州志。今碑在府學中。白君冢碑在巴縣，文字缺落。禹廟碑，銘巴志云：江州縣治塗山，有禹王祠，及塗后祠，有碑銘。豐年碑在江岸，謂之義熙碑，每水落而碑出，則年豐，人爭摹打，數十年不一見。蜀廣政十五碑在東陽鎮市心。周濂溪跋彭應求詩序碑在溫泉寺。圖經李宗壽編。

黔州碑記

漢故孝廉柳莊敏碑在州廨內，字迹銷訛。唐黔南節度使趙國珍德政碑，上元二年立，在州南隔江。重建州衙碑在州治。廣德元年碑，龔宇記云：開寶四年，黔南上言，江心有石魚見，上有古記云：廣德元年二月，大江水退，石魚見，部民相傳豐稔之兆。崔能神道碑，歐陽公集古錄，在長慶二年。黃魯直留題，魯直謫居。

有涪翁晚策杖至此觀江漲雨餘天欲涼十五字墨蹟在州之嘉禾堂此外如綠陰堂丹泉萬卷堂皆魯直舊所書墨跡。

萬州碑記

報恩寺漢碑圖經云陝中漢刻少今萬州報恩寺有碑高五尺乃漢桓帝延熹間所刻石凡百餘字土人謂之宜子碑絕塵龜石刻——三字在西山石壁字體清勁類晉宋間人書寶像記練巖有裝修隋朝——岑先生銘嚴挺之撰開元二年立又有段文昌銘正元三年四月十五日鐫岑公洞記在——元和八年段文昌記魯直留題在岑公洞下巖寺聖業院碑碑在蘇溪大江之濱三生石旁薛封可見者咸通三年王子歲十一月建如是者十餘字爾大雲寺碑寺有唐僧圓滿傳及宣和間萬州守李裁書冉仁才碑見松革門南浦州下萬州廟碑乾德乙丑白廷晦爲刺史重修之距今二百三十餘年碑雖存而漫滅不可讀白刺史題名記開寶二年九月白廷晦題名記上云刺史白廷晦今本州萬利廟有碑仆草莽中比因考閱得之字皆漫滅獨白刺史名銜在靈顯王碑皇朝累加封昭毅武惠——遺愛碑碣列于廟南浦志趙善贛編新志王子申序。

思州碑記

縉紳馮先生作夏總幹墓誌留示田氏大概恭南夏子明爲太學名諸生老不售自少時識思州田祐恭政和某年田氏被召赴京師謂子明曰我邊臣今北闕見天子懼禮文率略坐不恭公屈相吾行如何子

明度田氏意不可解免。謂曰：吾老不任行。有子大均，習詩禮，明識時務，年方二十餘，俾從公。宜任輔公入覲事。田氏大喜，以子明之子大均行。至國門，有旨朝大慶殿，拜伏進退，不類遠人。太上皇異之，問其故。祐恭對曰：臣生邊遠，不知禮節。臣之客夏大均，書生也，實教臣朝覲之禮。上大悅，厚錫田氏，賜大均保州文學。大均字正卿，拜命還。久之，參夔路選授奉節簿。建炎初，蜀人張上行帥夔門，劇賊王闢、郭守忠破歸州，入巫山，將拔瞿唐關徑入。蜀帥命正卿調田氏兵曰：正卿厚田氏，比至田氏，宜卽就道，事急矣。可日夜兼行，以濟吾事。正卿發田氏兵，不一月至巫山，摧賊鋒，賊還走保歸州，再戰，賊大敗，收歸州，乘勝逐北，至房州竹山。常是時，峽外大賊，以十數，連百餘萬，荆楚赤地數千里。至是以人爲食，莫不妄意蜀郡富饒，人人垂涎，誓突入瞿唐關，快其所欲。自田氏破王闢，郭守忠夔路軍聲大振，自是羣賊始不敢有意於蜀矣。

梁山軍碑記

涼山呂保藏漢篆。涼山上有呂保藏，在絕巖半腹有一穴，人跡所不到。漢末赤眉之亂，有呂保藏家資巨萬，資金寶綠木而上，鑿崖以居，盡伐崖下木，寇不能近。後舉家終焉，紹熙中有樵夫得一券于崖側，非銅非鐵，其聲鏘然，上有古篆云：西漢之末，赤眉遷遁，黃金千兩，坑埋而走，羔豚十祭，其財自阜。今藏所猶存。浮蘭碑通川志記梁山軍忠州兩界，舊有漢刻石，著白虎夷王姓名。今其上刻漢時官屬及白虎夷王及夷民等姓名，尙有可考，但字多磨滅。梁山驛唐碑題云：令長新誠之記，乃明皇御製。梁山令尹戴元得此，賦于萬州守河東裴公而刻之，乃大中十年也。嘉定丁卯，郡守李錫移其碑于軍治，其詞云：我求令長，保

又下民民之不安，必有所因。侵漁濩廣，賦役不均，使夫離散，莫關其身。徽諸善理，寄爾良臣，與之革政。政在維新，調風變俗，背偽歸真，教化爲先。惠卹于貧，無小無大，以躬以觀，青旌勸農，執不攸違。曷云被之，我澤如春。舊梁山驛碑，驛在軍之東四十里，書舊相傳。李唐時，有白虎蛟龍爲民害，民至遷居以避之。韓昌黎嘗按部經行，二害乃去，作碑識之。今名其地爲碑坊，碑猶存于溪側，其字漫滅，不可復識矣。飛練亭碑，多唐人碑刻。圖經教授黃震仲編。

南平軍碑記

西心坎崖上，隸書西心坎崖上，有隸書云：本初三年三月十六日，共二十餘字，多缺不可讀。在潯溪寨路，去軍七十餘里。本初，後漢質帝年號。吹角塢，古磨崖，吹角塢有古磨崖，風雨剝削，苔蘚侵蝕，惟識其一二。曰建安，其他不可辨。在潯州堡，去軍四十里。建安，漢獻帝年號。姜維碑，在吹角塢，其始有一穴，開內有碑，相傳以爲——，今已磨滅。南州石像，頌南州鎮下三里崖上，有石佛像，近歲有碑出於下云：南州城門前石岸石像頌井序，司法參軍員外郎置，同正斬豫撰，乃開元十八年十二月丙戌，中大夫使持節南州諸軍事守南州刺史上柱國晉昌唐虞景所造盧舍那石像也。白鵠寺鐘碑，鐘記字雖磨滅垂盡，尙餘一二，可識曰：——處士彭城劉欣撰，劉孝標墓銘，晏殊撰。南平志，郡守趙彥邁序。

大寧監碑記

丁晉公謂夔州移城記，景德三年記。太祖皇帝出師平蜀，由劍巫峽分兵以入，而灑潏激射峻惡，樓船戰

燈難進易退步騎自襄州西山裹糧兼行林麓無際澗壑相接不知道路之所從得蜀民詣王師獻畫由大寧路直趣襄州平蜀之師實取道于此也。

雲安軍碑記

周靈王符碑在棲霞宮其文之末有周靈王三字漢處士金廣延母子碑初無文字但有人物唐雲外尊師碑在雲昇宮唐杜光庭文見九域志今名栖霞宮人物碑所勒皆車馬人物或云古者修車馬備器械之圖也。

興元府碑記

張騫墓碑在城固縣西二十三里石碑文字磨滅不可辨李固墓碑在城固縣西三十里唐章奉撰碑檢玉觀碑在西縣一里本津口北按舊經云昔有襄氏女并陳安民于此上昇仙有唐會昌中鏤石題記重修安遠城碑在西縣城內中間門東漢司隸校尉楊君頌集古錄隸書不著書撰人名氏文爲韻語碑在興元漢公昉碑集古錄隸書不著書撰人名氏及年月在興元唐公碑在城固縣北三十里唐公廟前碑文缺落其略云唐公城固人也。有仙人與公藥妻子犬畜倏然與之俱去餘皆不可識諸葛武侯行廟碑在西縣唐正觀十一年置永平間石門記洋州志云在今興元褒縣石門有記云高祖受命興自漢中道由子午出散入秦梁蕭懿墓碑劍南詩藁云興元姚節度園以折碑爲石筍文猶可識蓋梁蕭懿墓碑簡文爲太子時撰書法道勁可愛褒城驛記唐孫樵撰在雙林驛山南西道額李陽冰山南西道新修

驛路記集古錄。唐劉禹錫撰。柳公權書。李陽冰篆。號三絕碑。開成中。山南節度使歸融。自散關南至劍門。鑿山石。棧道千餘里。以通驛路。碑不著所立年月。在興元。張將軍新廟記集古錄。唐李巨川撰。唐彥謙書。楊守亮重修張魯廟也。以龍紀元年立。在興元。魏石門碑。永平二年。大歲己丑。梁秦典策。王遂書。洛陽縣。武阿仁鑿。刻武侯碑陰。孫樵撰。唐山南西道節度使廳壁記。開成二年。劉禹錫撰。棧道銘。歐陽詹撰。興元。新路記。有石刻。凡七十字。其側曰。大康元年。案其刻。乃晉武平吳時。蓋晉由此路耳。文宣王廟座松記。節度使令狐楚命掌書記。鄭從讜作。從讜餘慶之孫。澣之子也。圖經。李宗諤編。舊志闕。荅舒序。

利州碑記

唐南池新亭碑。劍南詩藁云。唐長慶中。南池新亭碑。在漢高帝廟側。亭已失所在矣。唐李義山碑。在籌筆驛。舊有碑。近經兵火不存。棧道銘。歐陽詹文。蘇頲利州北佛龕前重題。在佛龕。山谷紀行碑。在嘉川縣靈溪寺。元豐三年題。圖經。寧武志。鄒廬序。楊炎正編。

閬州碑記

唐正觀碑。王蜀咸康碑。並在大冢觀。其石光瑩。前後可鑒。人號透明碑。顏魯公磨滅記。在新政縣離堆。岩下。歐陽公集古錄。唐顏真卿撰。并書。碑以寶應元年立。在閬州。元稹留題。唐元稹以諫官。賁通川司馬。今達州也。曾遊雲臺山。書行記于山之鐘樓枋上。新政縣大歷碑。在新政縣江崖之次。顏魯公書。碑傍有佛老子像。像旁又有二小記。皆大歷中所建。王徽留題。唐僖宗朝。丞相王徽未第時。曾經閬中。次南部。

合符寺。登高念遠。因賦詩。李後主書。南唐李主煜。尤善書。元祐二年。太守李孝直。乃煜族孫也。家藏得親書。李太白風。模勒於石。立之普通院。崔善德政碑。王蜀武成中。崔善爲刺史。有惠政。里人爲德政碑。今在衙門之東廡。鮮于氏神道碑。一在三教院崖上。一在墓田。其文與書。皆出顏魯公。又有樊諡仲通碑。亦在墓田。非魯公之文。亦魯公之筆也。裴晉公銘。南部裴迪。唐丞相晉公之後。國初爲新政令。因家南部。至今尙收得晉公之像。及累任告身。自撰真贊。墓銘並存焉。唐道襲墓碑。在報恩寺。汝南令神道闕。在閬中縣。郡守張晦辨云。于東面得隸字十有二。缺而不可識者有七。寇萊公詩。公嘗過本州新井慈光院。留海棠詩云。喧風花雜滿欄香。盡日幽吟嘆異常。醜笑牡丹虛得地。玉階開落對君王。今竊於縣廳柱上。司馬公留題。本路運使司馬池。丞相光父也。天聖九年。遊台星巖。君實侍題于崖上。末云。司馬光捧硯。闕苑記朱涉文。前記何求文。續記曹無忌文。新記王震序。

隆慶府碑記

李業闕。在梓潼縣西五里。舊經云。前漢侍御史李業葬此。遺赤眉毀破二闕。臨官路。其碑亦漢隸。後漢趙相國雍墓石闕。在梓潼縣北二里。前有石闕石麟。其文曰。漢——雍府君之墓。漢沛國范宿友墓石闕。在梓潼縣東六里。有石闕。上有文曰。——晉張載劍閣銘。王隱晉書云。昔張載隨父入蜀。作劍閣銘。益州刺史張敏見其文。乃表天子。刻石于劍閣焉。魏太尉鄧公神廟記。唐長慶四年。劍州刺史邢冊題。鄧艾衛聖侯碑。在普安縣北十五里。唐中和五年八月。劍州刺史郭淮立石。唐李商隱重陽亭。

銘在郡東山之陽。唐大中八年，太守蔣公侑創亭，李商隱序而銘之。石刻今存。悟本寺碑，寺有唐盧照鄰所撰碑，歲月既久，其文缺焉。清義何氏古碑，在劍門縣，有登高臺，存一古碑。唐光宅中建，其間所載，有名暮者于此生四子，孝弟義遜，家八十口不異居。儀鳳二年，勅賜清義門。陰平縣記，唐大中六年，郭茵撰。開元寺重修中和極樂院銘，大順三年，劉崇望記。唐韋表微劍閣銘，劉國均石刻在普安縣報國寺靈泉。昔唐僖宗巡幸至此，有微恙，飲其泉，頓覺清愈，因名爲報國靈泉。今有石刻存焉。宣詔亭內碑，以天成四年四月一日記。在本府。郭璞縣路讖，石刻在武連縣。據郭璞云：縣路翠武功貴，縣路青武功榮。其後青城何居琰宰是邑，遂刻石於縣治之門內，以詔邦人。景福院石碑，在梓潼縣二十五里許。葛山之景福院，始州碑在劍門縣二十里許，有一古州基，自縣至彼，攀木緣磴，至此稍平，有一豐碑，字名磨滅。開皇三年，李德林文，土人謂之——蓋隋時以此爲始州也。

巴州碑記

唐守巴州裴禕修廡宇記，會昌四年甲子歲立，今在郡廳。唐古佛龜石刻，在城南二里，有大書石刻，載唐乾元三年，山南西道嚴武奏臣頃收巴州，其州南二里，有古佛龜，舊石，鑄五百餘佛，望特賜洪名，勅以光福爲額。北山老君影跡詩，王望山，舊名北山，山半石壁，隱出老君像，唐人爲賦。北山老君影跡詩，唐張禕題。擊甌樓，唐中和四年，尙書右丞相戶部張禕記。賦在樓下。唐巴州紫極宮記，大中元年，軍事判官進士蕭珣記。在迎真宮。唐嚴將軍廟記，廟在城西門內，碑在本廟。唐正元元年，韋曾爲廟記。南龜題詩，石刻在

州南二里之廣福寺。自唐迄今。名公題詠。皆刻之于石。唐兜率寺碑。在東龕。寺廢而碑存。碑字不可辨。集州兩角山記。唐集州刺史楊師謀書。今在難江縣。集州紫極宮記。唐開元二十九年。兵部尚書牛仙客作。今在難江縣。唐李繼顏誥詞。刻于郡廳。唐光化三年。中書舍人錢珣行。放生潭三字。州東五里。有一潭。潭一石。上刻————。每水落石出。方見。意亦唐刻也。薛使君布政碑。唐乾符年間。壁州刺史裴眞辭作。石在乾符間立。唐人題西龕櫻桃詩。在西龕。其名磨滅。成王李雄讀書臺石碣。今在梓潼縣七曲山顯德祠中。壁州神廟石刻。在今通江縣北四十步。有元光三年制書刻于石。龍興寺碑。在通江縣南一里龍興寺。唐壁州刺史鄭凝績之父鄭畋作。乾符中。鄭凝績侍養其父。畋于壁時所作也。壁州山寺記。大唐中和歲次癸卯。丞相鄭畋撰。菖蒲澗記。唐開成四年。或云集州刺史蘇味道遺跡也。石鼓峽記。趙寅爲集州刺史。有————。在難江縣。唐正元石刻。恩陽縣南渡江。登石梯數百級。上義陽舊縣治石梯之側。懸崖上有刻字云。唐正元十四年十月二十日。再修此路。餘皆磨滅不可辨。南隆州牟縣界碑。在恩陽縣西北百里。有斷碑刻云。南隆州牟縣界十里。北集州難江縣界五里。縣令李昱立。唐韋蘇州詩————。送令狐岫宰恩陽縣詩。刻石于縣之驛亭。唐難江公山威惠廟記。唐天寶改元。田彥識撰。廟在難江縣。神乃漢張魯之神也。唐嚴武乞賜山南寺表。乾元三年。南山記。唐中和四年。尚書右丞判戶部張祚題。巴南新置屋宇什物石記。會昌四年。巴州刺史裴禕記。孫氏園石刻。在通江縣二十里龍灘之側。唐末。監察御史盧重卓率壁州刺史辛巢父等六人。分韻賦詩。有石刻在焉。瘞麟銘。淳化中。牛生奇獻于古集州山民魏奉家。

鹿首魚尾，魚鬣而龍鱗，四趾如玉，身有五色，民以爲妖而斃之，乃瘞于縣北十五步，楊義仲爲之銘，修路記鄭子信撰，城牙樓記圖經云，李楫爲記，有舊碑二，其一僞蜀廣政己未之記，其一天聖乙丑之記，七佛龕圖經云，乃唐張祚扈從僖宗入蜀時，經此所鑄，龕名公鉅卿題詠甚多，皆刻之于石，沙塽渡碑在難江縣，唐集州刺史蘇味道題字，嚴侍御暮春五言在西龕寺，史俊寄嚴侍御楠木詩在南龕，郝昂陪嚴使君暮春五言二首在南龕，詩甚典麗，蕭珣建天王堂記，在天王堂，楊士諤十四詠在東龕，折柳詩十絕嘉祐五年，太守鄭淵賦柳詩十絕刻石，其自序見折柳亭下，流盃十四詠流觴亭在西龕寺上，唐乾元戊戌，嚴鄭公武所創，大歷間盜起，地遂廢，開成丙辰，刺史唐元封復修，蓋取羊士諤流盃十四詠以自序爲證云，巴南十七景蘇欽以閩中望江南十首記郡景，別駕史彭永仍賦————清化前志教授劉甲編，續志教授李鈞編。

蓬州碑記

干祿字碑，唐顏魯公干祿字碑，在郡治之蓬萊堂，顏魯公書碑，刻顏魯公爲蓬州長史，在蓬四年，往來新政，縣鮮于氏家，爲書離堆記，今在縣之西南崖石間，又書鮮于仲通里門記，復以小字書之，又大書磨崖碑，廣數丈，今皆在崖石間，自書崖石，故書體尤爲精妙，安祿山題在透明巖，大唐先天二年，安祿山造彌勒佛一龕，祈求云，衆之按唐史祿山傳，祿山死于至德二載，年五十餘，而先天二年，卽開元元年，歲次癸丑，下及至德二載，歲在丁酉，已四十五年，以年月考之，祿山是時未及十歲，不應入蜀祈禱，此可疑者一。

也。又祿山傳載張守珪爲幽州節度日，祿山以盜羊獲罪當死，守珪壯而釋之。通鑿開元二十年，張守珪始爲幽州節度，而開元二十四年，張守珪始執祿山赴京師，不應開元元年已曾入蜀，此可疑者二也。以相傳之久，兼恐別有姓名偶同，姑兩存之。福緣寺唐碑在蓬池縣西五十步，敘碑云：唐大中七年，蓬州刺史吳延述賈氏本支碑在蓬池縣之輯瑞院，院有古碑，字畫磨滅無餘，不可考。其題云：——四大字極精，明蓬之諸賢或祖于此云。石佛院碑在營山院之西北四十里，有古碑云：開寶六年丙子朔，蓬州朗池縣石佛院記。大蓬山天寶碑在良山縣之大蓬山，秀立觀，元祐中，何彥國詩云：誰向山陰漫刻鏤，雨淋日炙隸文全，依稀記得昇平事。天寶猶題十二年。咸通中石刻在伏虞縣之延真觀天尊祠，中有小石，僅有成通中葺之五字，可辨考。景福寺碑在良山縣南十里大蓬山上，有唐昭宗天復八年修寺碑。方等院碑在蓬山縣，載蓬山本漢宕渠縣地，至德二載，徙其縣併入營山，有古彌勒殿，按碑云：大隋創建，僞蜀廣政二十一年更新羅漢閣記在樓溪觀音院，戊子端拱元年刻石。咸安志李學序。

金州碑記

隋蒙州普光寺碑 歐陽集古錄云：蒙州普光寺碑，蒙州者，漢南陽郡之育陽縣也。碑以仁壽元年建，碑無書撰人名氏，而筆畫道美，觀之忘倦。蓋開皇仁壽以來，碑碣字畫多妙，而往往不著名氏，惟丁道護所書嘗著之。然碑石在者尤少，余每與蔡君謨惜之。自大梁已後，率更與虞世南書，妙盛既接，於唐遂大顯。周萬歲通天碑，報恩光孝觀在石泉縣，有————前內供奉書手王惠元書，其石擊之清亮，全類玉。

音碑陰有段文昌題。西天佛足碑在天聖廟院。唐僖宗碑圖經云。今碑子波。有唐僖宗一碑云。乾符四年。漢陰縣助修道。施主云云。安康志郡守家子欽序。

洋州碑記

漢永平間石門記。在今縣元褒石門有記云。高祖受命。興自漢中。道由子午。出散入秦。唐許敬宗撰。桂州都督李襲志墓碑。永徽五年碑。而墓在真符縣。唐衡州刺史李公孝儒之碑。永徽三年碑。而墓在真符縣。周洋州司馬李正亮墓碑。唐聖歷中碑。華陽寨磨崖刻。駱谷路華陽寨下有大溪。俟冬水落。則見大字刻之道傍云。建中三年造。此得意閣。迴河鎮同節度副使張大使記。山南西道節度使南陽張公清德。美化之碑。梁國喬琳撰。上柱國陰冬曦書。李公名獻恭。與鄴侯李泌實推薦之。蓋肅宗時人也。唐德宗復洋州租賦。詔德宗之回鑾也。降詔以復洋州之賦曰。朕巡狩山南。自春涉夏。師旅殷會。日費既廣。州閭杼軸。歲計其空。東作妨時。西成罕望。雖黽勉從事。人不告勞。而憫悼積中。予實知愧。昨者。減其租稅。優以復除。庶乎有瘳。訖用小息。洎駕言旋軫。躬履畏途。絕隔祭迴。危樓綿互。時經霖雨。道阻且修。工徒造舟。縣人葺路。靡間耄老。莫獲甯居。而又齋負糗糧。供備頓舍。涉于千里。餓我六師。居人露處。以罔依宿。麥過時而不穫。觀茲妨奪。彌增感傷。前所復除。未足酬卹。式敷惠澤。以紓大勞。洋州除先減放秋稅外。給復一年。嗟乎。古先哲王。東征西怨。顧予不德。重以勞人。補費餘勸。是有寬卹。申命長吏。明加優贖。稱朕意焉。此陸贄之詞也。唐德宗升洋州爲望州。詔正元元年。德宗幸興元。道出洋州。後升洋州爲望州。詔曰。自昔多虞。順時而

勤古公避狄兆永祚于岐下高帝徙蜀建雄圖于漢中王蹟所興子孫是奉觀遷居之遐阻知致業之艱難矧天下爲家不常厥邑王者所至四方會同崇號設都于是乎在朕遭福寇難播越梁岷烝庶煩于億武徒勤于扞衛凡百執事各欽厥司人皆競勸物以豐給嘉乃成績予眷不忘今大憝已除京邑甫定將旋法駕展敬園陵眷于是邦復我興運宜其崇大以示將來洋州宜升爲望州此陸贄之詞也重興營田務並懷昌堰記蜀廣政二年節度使呂彥珂立判官王曉撰衙內帶源壁等州處置使則是時洋州改爲源州明矣碑子渡碑乾祐眞符兩界之間碑子渡有唐僖宗時一碑二首當中云乾符四年四月八日餘題漢陽長安兩縣施主名字耳明妙庵記文同與可文也丹淵集中闕此篇今見洋川志洋川記鄭鄭序。

大安軍碑記

九井灘記九井灘有大石三其名魚梁龜堆芒鞋背尾參差相望于波間操舟之人力不勝舟而輒爲石所觸故抵于敗誠令絕江爲長堤度其南別爲河道以分水勢則北流水益減而石出矣以火煨醴沃金鏈隨擊之宜可去如其言治之明年三大石不復見而九井遂平元祐五年轉運陳鵬記龍洞記自三泉西二里見有若觀闕者當其前迫而視之則洞也其深七十三步廣半之其兩旁石壁之嵌空突怒者若目鼻口鱗甲跟肘甚具其下皆平石爲底水文其上若鋪筲簞石墮其間若設俎豆其兩顏皆瘦木翠莖附石蘿生萎蕤下覆若綴纓絡木蔓之間布水十道後先交暎若垂冕旒水落石底其勢跳瀉與石相鬪

若澱玉雪其聲緝鳴與洞相應若響琴筑寒清幽遠殆非人境。

劍門關碑記

修關石刻在天成五年四月又有五代勒牒甚多皆天成長興廣政間牒也唐碑在劍門山巔有一寺曰梁山寺產茶亦爲蜀中奇品東坡南行錄題木樾觀詩有云飛簷如劍寺之語其下注云出劍門東望有一寺山巔樓閣隱隱可見有一二碑皆磨滅此唐碑也劍門銘李文饒集云——注劍門當中有一峯峻嶺橫峙望若蕭屏此一峯最奇而說者未嘗及也故銘云羣山西來波積雲屯地險所會斯爲蜀門層岑峻壁森若戈戟萬壑奔東雙飛高闕翠嶺中橫黯黯黛色樹若雄屏以衛王國唐叔明題劍門正元二年張沈書碑在關之棗繻亭之南百步唐劍門山記有碑在關之內棗繻亭之南百步唐盧照鄰悟本寺記在故臨津縣悟本寺唐劍門制置之記廣明元年立碑在關之內棗繻亭之南百步唐劍閣碑李復撰趙清獻公留題在誌公寺。

沔州碑記

柳宗元作興州水運記昔————以爲轉巨石仆大木焚以炎火沃以食醴摧其堅剛化爲灰燼畚鍤之下易其朽壤武興集晉慈唐舜恩序郾閣漢銘文同題靈巖寺詩云南征曾讀涪溪誦西邇今觀——銘唐刺史行記興州刺史常行規河中府參軍裴思南處士劉衍進士孟元旗大唐開成三年。

階州碑記缺

成州碑記

漢武都太守漢陽阿陽李翕磨崖頌翕字君羨開平道路作磨崖頌漢建甯四年造今碑在魚竅峽漢天井山記亦漢陽太守李翕建甯五年造今藏碑之家惟有前一碑四年所立者後三碑五年所立者少有之又老農云往年雷震崖石仆地此碑不知所在是可惜也漢耿勳碑漢武都太守扶風茂陵耿勳爲守目熹平三年立碑又同谷志云後漢建寧四年武都太守李翕修道記并黃龍白鹿嘉禾甘露木連理石刻建甯五年天井山修道記熹平三年太守耿勳政績記並題名記並在封泉保魚竅峽隋楊將軍墓碑在州西十里舊圖經載隋大將軍嚴州總管茂陵楊氏墓碑口祐中州是庠取以刻文會得他石乃再立于將軍墓側唐漢陽太守趙承碑秦府法曹楊景撰開元十二年建唐刺史劉公重修水亭記大順元年節度副使劉崇魯建唐李彥琛修經閣碑在鳳山有唐天復七年天雄軍指揮使知成州李彥琛修經閣碑判官馬汝撰天復七年即天祐四年是年二月唐禪于梁彥琛稱天復七年猶稟唐之正朔也可尙也大雲寺石碑在鳳凰山上去州七里剏始莫考殿後崖上有刻字云漢永平十二年又經閣崖上刻云梁大同九年

西和州碑記

聖德寺記集古錄唐戴正倫撰梁肅書碑以正元二十年立在鳳州王仁裕墓碑有正女墓在河池縣地

朱梁時爲梁將所得。義不污辱。梁將不敢犯。見————。王欽若韓琦王拱辰留題在阜英驛。文同任師張浮休留題在興唐寺。

鳳州碑記

圖經郡守張仕侏修。隋朗法禪師碑見仙釋門。

文州碑記

同昌郡驛碑。毳驛。在州西四十里。唐天寶四載置。同昌縣主簿趙齊記。有碑。和太尉墓。碑墓在今城西。大渡壩。僞蜀殿中侍御史文暮碑。太尉名文。爲唐興德軍節度使。文州馬步軍都虞候。大中五年卒。葬于此。省倉榷記。唐咸通三年。刺史秦述。譏建譙門外。文州古今志。郡守楊標編。文州續志。郡守杜孝殿編。

龍州碑記

宏真觀古碑。在江油縣南一百三十四里。大華山之登真觀。此記最古。不記撰人姓名。牛心山靈異記。在牛心之顯濟廟。卽李龍仙廟也。廟碑不載撰人名氏。龍門志。楊焱序。續志。宋之源序。

王象之輿地碑記目四卷。乾隆庚寅五月校試肇慶。得恩平令李君文藻抄本。中有錢辛楣學士塗乙處。披閱如見故人。因借抄一本。爲校改八十餘處。其中謄寫之誤尙甚多。而此書原本似亦頗有沿訛。蓋據圖經文集所載會粹成之。非盡得諸手摸也。閏五月十二日。羅定使院記。覃溪。

右輿地碑記目四卷。蓋金石家從宋王象之輿地紀勝碑記一門錄出。單行者也。王氏紀勝一書。百餘年來。海內已鈔藏本。故四庫亦未著錄。著錄者獨是書耳。歲甲寅。余從番禺陳氏假得紀勝鈔本。刊行之。頃復購得海甯楊氏所藏影抄宋本。及是書。爰與潘緒卿茂才撰考異若干卷。刻於紀勝各卷末焉。夫紀勝久爲金石家錄出。碑記目單行。而全書復無精槧原本。則是書實足資考證。初從譚玉生廣文假得益都李氏抄本。復得潢川吳氏所改抄本。爰與緒卿茂才悉心讐校。吳本有誤。則據李本。及紀勝陳楊兩抄本更正。計二百餘字。至卷一紹興府脫禹廟窆石遺字。至香嚴寺碑。香字大小共三百六十六字。卷四廣安軍碑記脫鶴栖山古碑。至敕賜孚惠靈應廟碑。廟字大小共二百一十六字。則據紀勝陳楊兩抄本補入。刻成。復得上元車氏據元和顧氏所訂刻本。復更正數條。改正二百餘字。仍將車氏異同增入紀勝考異。以備鈎覈云。至紀勝所闕之各府州軍。如成都崇慶二府。溫。婺。處。衢。濠。光。眉。夔。開。施。達。忠。沔。成。西。和。鳳。文。龍。一十八州。無爲。安豐。二軍。仍據是書補刻碑記一門。又若楚州永康軍。興元府之第闕碑記一門者。均據是書補入。殆益宜寶貴矣。至如沅。封。藤。橫。廉。宜。六州。茶陵。吉陽。石泉。三軍。其原書本無碑記一門。是書亦闕而不載。謹仍之。又如潭。彭。縣。漢。邛。黎。珍。階。八州。天水一軍。其原書早經殘闕。其有無碑記一門。是書一例亦仍之。咸豐庚申閏上巳。南海伍崇曜謹跋。



三十年五月五日
談叢書店

編主五雲王

編初成集書叢

目記碑地輿

中華民國二十八年十二月初版

撰者 王之

發行人 王雲五
昆沙南正路

印刷所 商務印書館

發行所 商務印書館
各埠

(本書校對者董雲廷)

G 一六三八上

平



3
4
1580